

明宣宗實錄

卷一至十五

洪熙元年六月至宣德元年三月



明宣宗實錄

卷一至十五

洪熙元年六月至宣德元年三月

中央研究院歷史語言研究所校印

明宣宗實錄

明宣宗實錄正文係據國立北平圖書館藏紅格鈔本微捲放大影印。其中第九一七至二四三八面係據美國國會圖書館所贈紅格本 *positive* 微捲影印，餘係據本所新購之 *ozaphane* 微捲影印。

紅格本缺實錄序進書表修纂官凡例及目錄，今據國會圖書館贈禮王府本微捲鈔補影印；缺卷一至十二，據本所藏廣方言館本影印；卷十三、十六、二十、二十六、二十七、三十四、四十二、一〇二、一〇九缺頁，據廣本補；卷六十六、六十八、一〇八缺頁，據北京大學本補。

宣宗章皇帝實錄序

自實錄序至目錄
據禮王府本補

朕惟我國家

列聖相承創守之功道德仁義之實咸登方冊以傳萬世我

皇考宣宗皇帝天德夙成聖學日熙昔在

皇曾祖太宗皇帝時風未聞於天下

皇祖仁宗皇帝統御之初正位東朝恭理庶政天下

被其澤及登大寶欽承

祖宗成憲圖任賢良恪存誠敬以典

神天躬行仁惠以育庶民

應作恭

布昭英武以平僭亂篤親親之

意以睦宗藩得四海之心以隆

孝養在位十年海內寧一外夷服從升遐之日率土臣民如喪

厥考嗚呼痛哉予小子恭膺

成命嗣承大統乃詔儒臣纂修實錄閱三載始克成書總若干
卷嗚呼

皇考盛德

德下疑脫
一神字

功聖謨大訓于以昭前烈裕後昆予小子

勉圖繼述奚罄名言謹序其槩於卷端

正統三年四月十二日

進

實錄表

奉天靖難推誠宣力輔運武臣特進光祿大夫左柱國太

師英國公臣張輔等誠惶誠恐稽首頓首

上言臣聞自古帝王有大德以及於萬民則必有信史以傳

於萬世是故堯舜之道載諸典謨文武之政布在方冊漢

唐而下莫不皆然欽惟

宣宗憲天崇道英明神聖欽文昭武寬仁純孝章

皇帝剛健中正廣大高明鑽

祖宗之鴻圖隆

慈聖之至養修六府而備三事親九族以和萬邦好生之德允

洽于民心育物之仁實協乎天道有戡暴除亂之武有經

天緯地之文聲教宣昭禮樂明備華夏蠻貊罔不率俾山

川鬼神莫不底寧

大畧雄材豐功偉烈輝映前代儀範後來奄六御之上升切

萬方之哀慕恭惟

皇帝陛下

聰明睿智

文武聖神尊

祖敬

宗繼志述事上念

先皇之德業必著簡冊以流傳爰

勅儒臣纂修

實錄啟蘭臺之所載紬金匱之所藏徵諸官府之文書參以

耳目之聞見大經大法備究於精微善政善教致詳於本
末言足為訓雖簡必書事之可師雖繁必錄造化生成之
妙固莫罄於名言日月臨照之明亦豈容於繪畫至若臣
下之附載勉盡是非之至公恭成

宣宗章皇帝實錄一百十五卷

(實)實訓十二卷合目錄凡例一百二十九冊謹繕寫

上進臣輔等愧庸淺之無庸屬編摩之甫就傳于永世不昭

道德之光率是

嘉猶(賦)茂衍太平之慶臣輔等無任瞻

天仰

聖激切屏營之至謹奉

表隨

進以

聞

正統三年四月十二日奉天靖難推誠宣力輔運武臣特
進光祿大夫左柱國太師英國公臣張輔等謹上表

修纂官

監修

奉天靖難推誠宣力輔運武臣特進光祿大夫左柱國太

師英國公臣張輔

總裁

光祿大夫柱國少傅兵部尚書兼華蓋殿大學士

臣楊士奇

光祿大夫柱國少傅工部尚書兼謹身殿大學士

臣楊榮

資政大夫禮部尚書兼翰林院學士

臣楊溥

中議大夫贊治尹詹事府少詹事兼翰林院侍讀學士

臣王直

中議大夫贊治尹詹事府少詹事兼翰林院侍講學士

臣王英

纂修

行在翰林院侍讀學士奉直大夫協政庶尹

臣李時勉

行在翰林院侍讀學士奉直大夫協政庶尹

臣錢習禮

奉直大夫協政庶尹司經局洗馬

臣蘭從善

行在翰林院侍讀承德郎

臣苗衷

行在翰林院侍讀承德郎

臣曾鶴齡

行在翰林院侍讀承德郎

臣馬愉

行在翰林院侍讀承德郎

臣高穀

行在翰林院侍講承德郎

臣胡穉

行在翰林院侍講承德郎

臣邢寬

行在翰林院修撰儒林郎

行在翰林院修撰儒林郎

行在翰林院修撰儒林郎

行在翰林院修撰儒林郎

行在翰林院修撰儒林郎

行在翰林院^修撰儒林郎

行在翰林院修撰儒林郎

行在翰林院修撰儒林郎

行在翰林院修撰儒林郎

行在翰林院修撰承務郎

行在翰林院修撰承務郎

行在翰林院編修文林郎

臣周叙

臣尹鳳岐

臣習嘉言

臣孫曰恭

臣陳叔剛

臣陳珣

臣曹鼎

臣儀銘

臣王一寧

臣杜寧

臣儲懋

臣楊翥

行在翰林院編修文林郎

臣董璘

行在翰林院編修文林郎

臣楊壽夫

行在翰林院編修文林郎

臣林文

行在翰林院編修文林郎

臣鍾復

文林郎行在廣西道監察御史

臣邵宏譽

承德郎行在禮部主事

臣劉球

行在兵部主事

臣劉鉉

承德郎行在工部主事

臣洪璵

行在大理寺左評事

臣張益

催纂

行在禮部主事

臣潘勤

登仕佐郎司經局正字

臣沈寅

稽考參對

行在翰林院編修承事郎

臣蕭鏞

行在翰林院編修承事郎

臣賴世隆

行在翰林院編修承事郎

臣吳節

行在翰林院編修承事郎

臣李紹

行在翰林院編修承事郎

臣姜洪

行在翰林院檢討從仕郎

臣何瑄

謄錄

行在翰林院修撰儒林郎

臣黃裳

行在翰林院編修文林郎

臣許彬

行在翰林院編修文林郎

臣周貴

行在翰林院侍書登仕郎

臣朱銓

行在大理寺左寺副

行在大理寺右寺副

行在大理寺左評事

行在大理寺左評事

冠帶秀才

冠帶秀才

冠帶秀才

冠帶秀才

冠帶秀才

監生

監生

監生

臣姚本

臣溫良

臣蕭湘

臣凌壽

臣陳學

臣蔣宏

臣龐珙

臣俞拱

臣余謙

臣王謙

臣張翌

臣何觀

生員

臣俞綱

生員

臣凌信

秀才

臣王琮

秀才

臣黃采

秀才

臣金汝進

秀才

臣徐英

秀才

臣錢昂

秀才

臣潘澄

秀才

臣劉良

秀才

臣王榮

收掌一應文籍

行在翰林院修撰儒林郎

臣胡讓

行在大理寺左寺副
從事郎中書舍人

臣陳紀
臣靳通

修纂凡例

一

宣宗皇帝即位禮儀及賞賚之類皆書

一

宣宗皇帝永樂八年留守北京事書十二年侍從征北事書十八年冬侍從北京事書二十二年受冊升

備事書洪熙元年南京謁陵事書

一上

皇太后尊號冊立

皇后皇妃

皇太子及冊封郡王王妃公主皆書其儀注有新定者書改

諸王封國亦書

一 皇子生書親王之子生已賜名者書諸嫡長孫孫下應補亦

書

一祀

天地

宗廟

社稷山川等神

祀祀躋配及遣官祭嶽鎮海瀆帝王陵寢先師孔子皆書有新

增祀典亦書

一凡

詔書悉錄全文若

勅書及

御製文錄其闕應作闕事體之重者有

特勅褒勉臣下撫諭遠人及恤刑寬貸之類悉錄

一凡凡下脱造字

寶璽圖書及諸王郡王寶諸將軍印并印符印信皆書

一

大駕鹵簿及

皇太后(后)皇妃

東宮親王郡王公主儀仗有新製及增損者書

一諸王公主冠婚皆書其禮儀有新定者書

一謁陵巡邊親征留守事宜皆書所命官亦書

一凡親王之國及郡王受命往某地皆書

一文武大臣以事來朝者書天下官三年一朝皆書

一文武官制衙門及土官衙門有新設改建革罷及復舊者皆書

一封公侯伯及命其子孫襲爵皆書併書所受封號階勳一命駙馬儀賓悉書

一除授三公三少南北二京五府六部都察院太常寺通政司大理寺詹事府光祿寺應天府順天府親軍指揮使司太僕寺鴻臚寺國子監翰林院欽天監太醫院堂上官及近侍七品以上官監察御史宗人府經歷并在外中都留守司都指揮司布政司按察司堂上官行太僕寺苑馬寺卿監運使皆書內有承襲者守令或佐貳以下保留陞祿秩者亦書若中外文武官有功績顯著及以事特陞遷者不限職之大小皆書官大臣之子者

者字
疑衍亦書

一選法及薦舉有新令書

一考課有新例及損益舊例書

一公侯伯并文武大臣老疾致仕及

特恩優聞聞皆書後復起用亦書

一文官誥勅常例外有

特賜者書或有損益事例亦書

一每歲戶口總數每歲所收田土稅糧屯田子粒總數及

漕運總數採納金銀等件稅課茶課等項並減免稅糧

麥米英字實錄凡例
麥米作米麥等項總數並於歲終書之

一轉輸漕運之法有新令者書田賦徭役及農桑勸課有

新令亦書停罷歲辦諸物皆書

一屯種有新定之例及考較之法書

一凡親王公主郡王郡主鎮國等將軍駙馬儀賓公侯伯
歲祿官吏俸給軍士月糧有新定折支全支條例並書

一遇歲凶札賑卹悉書

一倉庫坑冶有新建革及新令者書

一凡新開鹽場新定中納鹽糧及定戶口食鹽則例皆書
鈔法有新令亦書

一凡禮儀有新制或損益書新製樂器皆書

一每歲

聖節正旦令

冬應作

至郊祀慶成大宴

應作

皆書

遇節賜宴

應作

如新春上元之類亦書有

特旨賜節假亦附書

一 中外文武官有

特恩賜予皆書命婦過慶節有賜亦書

一 各處學校增設或罷革并內外學生徒簡退及在外年

四十以上取至京考試皆書公侯伯有年少

特旨送監讀書及四夷遣子入學皆書

一 每科京府鄉試禮部會試

廷試皆書所定各處科舉額數亦書

廷試制策題悉錄全文進士選讀書及暫放歸并下第舉人

除授及選讀書皆書

一 喪葬之禮及上

尊謚冊備書親王郡王王妃公主郡主喪葬皆書其儀禮有

新定或損益舊儀亦書凡公侯駙馬伯在京文武官脫官三

字品以上及近侍五品以上在外都司布政司按察司正官歿皆書卒及槩其行實善惡務令公論其有贈謚及賜祭賻贈命有司治葬皆書若文武官有治行功績顯者不限職之大小皆書

一文武臣僚有歿於王事者皆書有得褒贈亦書

一凡旌表孝子順孫義婦應作義夫節婦悉著其鄉里姓名行

實

一欽天監奏天象氣候日月薄蝕五星凌犯皆書中外奏祥異及軍民之家一產三子以上蒙

恩賚者亦書

一建言有關涉國體者皆錄詳略隨宜有所奉

聖旨亦載

一武官子孫優給有新例則書

一遣使撫諭四裔及封拜賜賚皆書四裔未朝貢亦書及有宴賚亦書

一凡纂修

先朝實錄及編輯書籍皆書

一凡兵政有新令書命將各處鎮守防邊及有備禦規畫皆書

一

車駕巡邊討叛皆書命將征討邊夷亦書征撫安南備書始末

一凡軍民衙門官馬孳生馬邊境茶馬買馬之政悉書其牧養之地有改遷者亦書每歲有

勅免所欠各項馬匹悉書總數

一凡關津巡徼驛傳遞運烽堠有新設及改革者書

一公侯駙馬伯儀賓有罪削奪及五府北京行後府六部
北京行部都察院太常寺通政司大理寺詹事府光祿
寺太僕寺應天府順天府鴻臚寺國子監翰林院欽天
監太醫院堂上官近侍七品以上官監察御史宗人府
經歷及在外中都留守司都司布政司按察司堂上官
行太僕寺苑馬寺卿監運使司有罪頌繫下獄黜謫誅戮
皆書有

特旨罷黜干係懲勸者不限職之大小並書其蒙

特恩寬宥亦書如犯姦惡叛逆之罪不限官吏軍民悉書常

律之外別有斷罪條例亦書

一刑官有平反寃獄詳書本末

一風憲官及文武臣僚彈劾大臣之罪皆書並書所得
旨意其職非大臣而所犯重者亦書

一修理

宮殿并

天地

宗廟

社稷及一應神祇壇場皆書

一營建

山陵備書建各王王妃公主墳皆書其制度有損益亦書郡王
以下奉

勅建者書

一修繕各處城池屯堡及新建革者皆書

- 一 差官各處提督圩田水利及新開修治河渠圩岸橋道皆書有奏請修築陂塘等事亦書
- 一 工匠起取放免皆書

大明宣宗憲天崇道英明神聖欽文昭武寬仁純孝章皇帝實

錄目錄

卷之一

洪熙元年六月上

卷之二

洪熙元年六月下

卷之三

洪熙元年七月上

卷之四

洪熙元年七月下

卷之五

洪熙元年閏七月上

卷之六

洪熙元年閏七月下

卷之七

洪熙元年八月上

卷之八

洪熙元年八月下

卷之九

洪熙元年九月上上字衍

卷之十

洪熙元年十月

卷之十一

洪熙元年十一月

卷之十二

洪熙元年十二月

卷之十三

宣德元年正月

卷之十四

宣德元年二月

卷之十五

宣德元年三月

卷之十六

宣德元年四月

卷之十七

宣德元年五月

卷之十八

宣德元年六月

卷之十九

宣德元年七月

卷之二十

宣德元年八月

卷之二十一

宣德元年九月

卷之二十二

宣德元年十月至

至字原脫今據太祖
宗實錄日錄補後做此

十一月

卷之二十三

宣德元年十二月

卷之二十四

宣德二年正月

卷之二十五

宣德二年二月

卷之二十六

宣德二年三月

卷之二十七

宣德二年四月

卷之二十八

宣德二年五月至六月

卷之二十九

宣德二年七月

卷之三十

宣德二年八月

卷之三十一

宣德二年九月

卷之三十二

宣德二年十月

卷之三十三

宣德二年十一月

卷之三十四

宣德二年十二月

卷之三十五

宣德三年正月

卷之三十六

宣德三年二月上

卷之三十七

宣德三年二月中

卷之三十八

宣德三年二月下

卷之三十九

宣德三年三月上

卷之四十

宣德三年三月下

卷之四十一

宣德三年四月

卷之四十二

宣德三年閏四月

卷之四十三

宣德三年五月

卷之四十四

宣德三年六月

卷之四十五

宣德三年七月

卷之四十六

宣德三年八月

卷之四十七

宣德三年九月至十月

卷之四十八

宣德三年十一月

卷之四十九

宣德三年十二月

卷之五十

宣德四年正月

卷之五十一

宣德四年二月

卷之五十二

宣德四年三月

卷之五十三

宣德四年四月

卷之五十四

宣德四年五月

卷之五十五

宣德四年六月

卷之五十六

宣德四年七月

卷之五十七

宣德四年八月

卷之五十八

宣德四年九月

卷之五十九

宣德四年十月至十一月

卷之六十

宣德四年十二月

卷之六十一

宣德五年正月上

卷之六十二

宣德五年正月
下字 脱

卷之六十三

宣德五年二月

卷之六十四

宣德五年三月

卷之六十五

宣德六年四月

卷之六十七

宣德五年五月

卷之六十八

宣德五年六月

卷之六十八

宣德五年七月

卷之六十九

宣德五年八月

卷之七十

宣德五年九月

卷之七十一

宣德五年十月

卷之七十二

宣德五年十一月

卷之七十三

宣德五年十二月

卷之七十四

宣德五年閏十二月

卷之七十五

宣德六年正月

卷之七十六

宣德六年二月

卷之七十七

宣德六年三月

卷之七十八

宣德六年四月

卷之七十九

宣德六年五月

卷之八十

宣德六年六月

卷之八十一

宣德六年七月

卷之八十二

宣德六年八月

卷之八十三

宣德六年九月

卷之八十四

宣德六年十月至十一月

卷之八十五

宣德六年十二月

卷之八十六

宣德七年正月

卷之八十七

宣德七年二月

卷之八十八

宣德七年三月

卷之八十九

宣德七年四月

卷之九十

宣德七年五月

卷之九十一

宣德七年六月上

卷之九十二

宣德七年六月下

卷之九十三

宣德七年七月

卷之九十四

宣德七年八月

卷之九十五

宣德七年九月

卷之九十六

宣德七年十月至十一月

卷之九十七

宣德七年十二月

卷之九十八

宣德八年正月

卷之九十九

宣德八年二月

卷之一百

宣德八年三月

卷之一百一

宣德八年四月

卷之一百二

宣德八年五月

卷之一百三

宣德八年六月至七月

卷之一百四

宣德八年八月

卷之一百五

宣德八年閏八月

卷之一百六

宣德八年九月至十月

卷之一百七

宣德八年十一月至十二月

卷之一百八

宣德九年正月至二月

卷之一百九

宣德九年三月

卷之一百十

宣德九年四月至五月

卷之一百十一

宣德九年六月至七月

卷之一百十二

宣德九年八月至九月

卷之一百十三

宣德九年十月

卷之一百十四

宣德九年十一月

卷之一百十五

宣德九年十二月至宣德十年正月初三日

大明宣宗憲天崇道英明神聖欽文昭武寬仁純孝章皇帝實
錄目錄

此二行禮
本缺今補

大明宣宗皇帝實錄卷之一

監修官奉天靖難推誠宣力武臣特進光祿大夫左
柱國太師英國公張輔

總裁官光祿大夫柱國少傅兵部尚書兼華蓋殿大
學士臣楊士奇光祿大夫柱國少傅工部尚書兼
謹身殿大學士臣楊滌資政大夫禮部尚書兼翰
翰林院學士臣楊溥中議大夫贊治尹詹事府少
詹事兼翰林院侍讀學士臣王直中議大夫贊治
尹詹事府少詹事兼翰林院侍講學士臣王英等

勅修
奉

宣宗憲天崇道英明神聖欽文昭武寬仁純孝章皇帝諱

仁宗昭皇帝嬪長子

母今太皇太后以己卯歲二月九日生

上于北京室時衆望見光氣五彩騰于宮闈之上先夕

太宗文皇帝薨夢

太祖高皇帝授以大主命曰傳之子孫永世其昌

太宗皇帝拜受而寤以夢告

仁孝皇后曰子孫之祥也已而宮中報

上生

太宗皇帝

仁孝皇后心咸異之彌月

仁孝皇后抱

上見

太宗

太宗皇帝視之顧謂

仁孝皇后曰此天日之表且英氣溢面符吾^事堯矣汝宜謹

視自是

仁孝皇后躬親撫養甚忠愛焉

太宗^文仁皇帝既嗣大位

上時甫四歲

仁孝皇后以至南京間出見群臣儀容儼恪屹如巨人群

臣瞻望驚異稍長在宮中孝敬日隆而喜罔初出就奉

太宗皇帝命設講席于華蓋殿之東令太子少師姚廣孝

及翰林內閣之臣徃侍講讀后講讀于武英殿

太宗皇帝

仁宗皇帝時親臨視其智識益廣襟度益弘

太宗皇帝賜東宮官劾曰朕惟令德所成本乎天賦養正

之學寔弘聖躬故有聰明純一之資必有詩書禮樂之
教所以充其德性而廣其德器也朕嫡長孫孝友英明
寬仁大度年未一紀体具志寧動必中規言必合道好
學之藹夙夜孜孜日誦萬言心領要義朕嘗試之以事
輒能裁決得中斯實

宗社之靈

上天錫慶萬生異負以福祐天下而稽命于無窮然宏材
之建必由匠石之功主瓚之成必假琢磨之力卿等皆
茂簡德義職輔東宮東宮之子必資兼拙宜協心同志
輔導于成推廣仁義道德之源開陳二帝三王之治與
我

太祖高皇帝之大經大法凡創業守成之主難生民稼穡
之事朝夕講論以涵養本源恢弘智量充其盛大之器

六月

以為

宗社生民之福國家有無窮之休
卿等亦有無窮之聞
欽哉永樂七年

車駕巡狩北京以

上隨行道途所經

太宗皇帝親以

上過田家徧覽農具及其衣食且諭以農民功苦之事曰

此為帝王者不可不知也遂作務本之訓以授

上具言農事之勤勞王業之艰难與凡無逸祭祀為政親

睦用人賞罰內治外戚宦寺飲食防衛理財等事曰此

帝王切要之道又命儒臣集圣孝心法皆親製序以授

上服膺惟謹

上天資明睿讀書一目數行大義瞭然每覽必展卷輒記

不忘五經治道諸史治亂興亡之要尤所留意諸子百家言涉道理者咸領會之

太宗皇帝嘗諭

上曰讀書當求大義不可效書生循行教墨徒費精神耳上敬佩服出閣未幾

太宗問帝王心法所在以精一執中對

太宗大悅稍暇侍側應製作詩賦屢承獎賚永樂八年太宗皇帝親征北虜命

上留守北京以尚書夏原吉贊輔時諸司政務填委且師行之際調度輓運事煩左右有言艱大者

上曰

皇祖悉有成法惟遵行之身自是太宗巡狩北京及征胡虜皆從行

仁宗皇帝嗣位冊

上為皇太子中外啓事悉歸裁決洪熙元年春南京屢奏地震

仁宗皇帝諭廷臣曰南京國家根本之地灾異如此天戒可畏朕當亟往但

皇考新復山陵何忍遽遠群臣或請命親王及重臣往守者

仁宗曰非皇太子可不太子仁德威望足以服人心人心安即天意定矣况

太祖皇帝陵寢奉違已久朕夙夜在念今皇太子往庶幾如朕往也又曰往年

皇攷北巡無內顧之憂者盖以朕守南京今豈可他命遂

上計之

上泣曰固不願遠離膝下然

宗社大計所在不敢辭遂決行既至

南京謁

孝陵

仁宗皇帝不豫以璽書馳召

上還

上即日就道時南京頗傳言

仁宗上賓臣下未敢以聞但言茲正戒嚴之時宜整兵衛

而後行或功

上從間道行

上曰君父在上天下歸心豈有他心且予始至遽還非衆

所測况

君父召豈可稍違遂由駟道馳還北京

洪熙元年夏六月己亥朔 辛丑

上至自南京先是

仁宗皇帝上賓遺詔

上早正大位宮中以

上未還秘不發喪至是駢服

上至良鄉宮中始出遺詔文武百官常服于午門外立班

行四拜禮聽宣讀訖奉哀再行四拜禮太監楊英同少

保兼太子少傅戶部尚書夏原吉太子太保禮部尚書

呂震捧遺詔往盧溝橋迎

上中官先于盧溝橋設幕次香案俟

上至開讀

上既至聞有遺詔慟哭幾絕左右翼扶強詣幕次行禮聽

宣遺詔訖哭盡哀禮畢易素服行文武百官皆素服迎
上于都城外

上至長安右門下馬步行哭至宮門外釋冠服被髮詣
梓宮前拜叩哭尽哀

上就喪次見

母后親王以次見

上畢各就喪次 行祭告禮 遣訃宗親 頒遺詔于天

下命禮部定

大行皇帝喪服禮儀 壬寅行在禮部以

大行皇帝喪服禮注進命如儀行之其儀注一自聞喪日

為始不鳴鍾鼓一在京文武官聞喪素服烏紗帽墨角

帶自明日始至第三日每旦俱詣思善門外哭退于本

衙門宿歇不飲酒食肉第四日各具斬衰服至思善門

外朝夕哭臨三日又朝臨七日各十五奉声而止凡在朝及衙門視事用布裏紗冠垂帶素服腰經麻鞋退居即服孝服通前二十七日而除一文武官一品至四品命婦麻布大袖團領長衫布蓋頭清晨由西華門入思善門外哭臨三日而止悉去金銀首飾仍素服通前二十七日而除一在京以聞喪日為始禁屠宰十三日一軍民素服婦人素服不粧飾俱以聞喪日為始二十七日而除一聽選官辦事官監生人才吏典僧道耆老聞喪即易素服自次日至第三日每旦赴順天府朝闕設香案哭臨至第四官各具斬哀服監生等素服朝夕哭臨三日又朝臨七日各十五舉声止仍各素服通前二十七日而除一外國四夷朝行哭臨禮工部造與孝服一在京文武百官祭祀品先祿寺辦一内外文武官

吏人等遵遺詔二十七日絰服後仍終

太宗文皇帝服制一諸王世子君王及王妃郡王妃郡主
以下聞訃皆哭尽哀行五拜三叩頭禮、畢並易素服
第四日易衰服遵依遺詔二十七日而除一遺詔到日
在外文武官吏人等素服烏紗帽烏角帶行四拜礼跪
聽宣讀訖奉哀再行四拜礼畢各置斬于衙門內望闕
設香案朝夕哭臨三日各十五奉声止自是素服通計
二十七日而除一在外官命婦聞喪素服奉哀三日各
十五奉声素服通前二十七日而除軍民男女止素服
十三日 初

大行皇帝上賓外間稍、者聞時

上未至北京宣傳高獎欲奉犯闕人心詢、及

上還始定而京師戒嚴已久

上至之明日召英國公張輔等諭之曰山陵之期尚遠今天氣炎熱戒嚴甚久將士煩勞其悉輟之輔等對曰

殿下未正大位軍衛未可撤

上曰天下神器非智力所能得况

祖宗有成命孰敢萌邪心遂即戒嚴癸卯文武百官及

軍民耆老人等上箋勸進曰昔自聖帝明王之有天位也必傳之嫡長大統之相承太宗之相繼天理之所存人心之所屬夏商至周及漢唐宋享國之長皆由此道

欽惟

大行皇帝德同天德明配日月續

太祖

太宗之洪業有帝堯帝舜之至仁即位之初首建儲副敬

惟

皇太子殿下位居嫡長德本剛明稟天錫之美資廣日新之聖學足以繼

祖宗之統足以得

天人之心蓋天下國家萬年太平之本寔繫焉伏自

殿下正位以來問安視膳孝行夙彰贊政廢仁令名遠

播四方萬靡不歸心三靈百神悉皆歆德茲者不幸

大行皇帝賓天遺命殿下早正大統海宇臣民共所瞻望

夫天下不可一日無君生民不可一日無主惟望

殿下即遵先志少抑哀情為國家之遠猷定

宗社之大計早登宝座永固皇圖臣等俯伏闕廷合詞勸

進六龍侍御仰如日之方升萬福延長願與天而同久

遣鴻臚寺卿賈令諭文武群臣及軍民耆老等曰覽

箋具悉願方抱痛終天哀榮在疚繼統之事豈忍遽聞

所請不允 甲辰文武百官及軍民耆老軍民等復上
箋勸進曰天敎有常大統世歸于嫡長元良正位萬邦
永協于太平今昔所同

天人協應洪惟我

太祖高皇帝創業垂統

太宗文皇帝繼志述事武功文德之盛大華夏蠻貊之率
從逮我

大行皇帝至仁厚降被遐迩以充周大烈耿光丕顯承而
益茂

聖化方濟于希皞宸遊遽至于升遐痛切臣民如喪考妣
恭惟

皇太子陛下孝友英明剛健中正天德夙著簡于

皇祖之心主器有歸遂正東宮之位以長以嫡宜民宜人

今茲遺詔之頒屬繼神靈之統夫天下不可以無主
位不可以久虛圖大處衆蓋帝王之通制合詞功進據
臣子之至情伏奉德音未賜俞允雖哀忱未忍于遽承
而大孝必先于繼述伏望
殿下體先朝付託之重思

列聖創守之難勉徇輿情早登宸極以奉

天地人祇之主以慰海宇生靈之心懋德建中嗣徽猷于
列聖體元正始開太平于萬年臣等披瀝丹衷伏拜闕下
仰九重之龍御致三祝于嵩呼 遣鴻胥卿齋令諭文

武群臣及耆老等曰覽兩上箋卿等憂在國家忠存

社稷至誠之心溢于言表願予終天之痛方殷五內摧裂
繼統之事豈忍所言所請不允 己巳文武百官及軍
民耆老四夷朝使人等三上箋勸進曰伏惟帝王之立

儲副所以為繼體之君承大統之正守

宗祧之重隆國家之本天心之所眷依人心之所仰望者

也恭惟

皇太子殿下剛健中正文武英明

太宗文皇帝期待之深

大行皇帝付託之重以嫡以長正位東宮仁聲遠播于華

夷孝行式彰于中外下愜人望上當

天心茲者不幸

大行皇帝賓天遺詔

皇太子即皇帝位以為天地宗廟臣民之主

殿下位居儲副義合繼承而深切哀思未登寶位臣等

俯伏闕下合詞勸進尚執謙退未賜允俞群情惶、莫

知所措臣等重惟天下不可一日無君神器不可一日

無主

殿下受

祖宗之託為神人之依宜即欽承豈容少緩且帝王大孝以善繼述為重以廣徐教為先伏望

殿下少抑哀情矜從衆志即遵

先帝之命遂居天位之尊使三靈百神有所親賴四方萬國有所依庇此誠國家之大計臣民之至願也 鄭王瞻埈越王瞻墉襄王瞻墟荆王瞻垌淮王瞻塿滕王瞻塏梁王瞻垌衛王瞻埏上箋勸進曰

天位之尊必傳于嫡長聖人之孝莫大于繼承此帝王之

大經

祖宗之成法萬世不易之定理也恭惟

長兄皇太子殿下位居嫡長德協重華

皇祖太宗文皇帝深期望為大器夙昭著于德音

父皇大行皇帝即位之初首頒冊寶命

長兄殿下正位東宮以承國本惟

長兄殿下聖學緝熙天資粹美謹視膳問安之孝廣愛

民育物之誠人望攸歸

天心允屬茲者不幸

父皇大行皇帝賓天遺詔

長兄即皇帝位蓋以生民不可無主神器不可暫虛

長兄殿下宜即欽承遂登大寶以主

天地百神之祀以慰

宗廟萬姓之心而深執哀情尚懷謙抑臣民功進未賜允

俞維終天之恨難以克堪而為國之計誠宜早定臣

等同氣至親合詞以請伏望休

祖宗之意思付託之隆即居九五之尊下副億兆之望善
繼述于悠久間太平於萬年 丙午諭禮部曰惟我國
家自

太祖皇帝

太宗皇帝統一華夷奠安

宗社逮我

皇政大行皇帝克崇孝理卹哀聽政曾不踰年遺大授
于予小子予小子夙夜在疚而親王文武群臣軍民耆
老及四夷之使累箋勸進拒辭不獲誠念

祖宗創守之艱

皇政遺命之重予其勉旃與情即皇帝位爾禮部擇日具
儀以聞遂以擇日即位復書鄭越袁荆准滕梁衛諸王
丁未行在禮部上即位儀注一先期司設監等衙門

于奉天門內陳設御座于中仍于奉天門設宝座尚室
司設宝座欽天監設定時鼓教坊司陳設中和韶樂設
而不作一是日早遣官祇告

天地

宗廟

社稷

上具孝服設酒果親告

大行皇帝几筵畢即詣

大行皇帝几筵前設酒果具孝服祇告受命畢即于天門

設香案酒果等物具袞冕服行告

天地禮之後赴奉先殿謁告

祖宗畢仍具袞冕詣

太宗皇帝几筵

大行皇帝几筵前俱行五拜三叩頭禮畢詣

母后前行五拜三叩頭畢詣奉天門即位一是日早鳴鍾

鼓錦衣衛設鹵簿駕

上御奉天門內文武百官各具朝服入午門俟齊

上服袞冕鴻臚寺官引執事官進至奉天門內行禮畢贊

各供事贊請升殿

上由中門出升宝座錦衣衛鳴鞭文武百官上表稱賀如

大朝會儀畢出至承天門外俟須詔翰林院官齎詔書

用宝鴻臚寺官請須詔翰林院官捧詔授禮部官由午

門左門出錦衣衛先設雲華于午門前候捧詔置雲蓋

中道至承天門開讀行禮如常儀 庚戌

上即皇帝位是日早遣太師英國公張輔告

昊天上帝

學士皇地祇太保寧陽侯陳懋告

太社太稷之神定國公徐景昌告

五廟太皇太后

上親告

太宗皇帝几筵

大行皇帝几筵謁見

母后畢出詣奉天門即皇帝位命文武百官免賀免宣表

止行五拜三叩頭禮遂頒詔大赦天下曰洪惟

天眷國家茂隆景運肇自

太祖高皇帝聖神文武提一旅之衆建萬世之業

太宗文皇帝神功聖德載安

宗社弘靖萬方

皇考大行皇帝紹承大統奉

天子民体

祖宗之至仁用緝寧于庶類自臨宝位夙夜勞動甫及踰
年德澤覃霈不幸遼豫毒臻大漸顧命神器付予眇躬
哀慟方殷罔知攸措親王文武群臣下至耆老軍民蕃
夷朝使萬衆一誠累章勸進辭拒不獲仰惟
列圣創守之難俯循輿情已于六月十二日祇告

天地

宗廟

社稷即皇帝位為政所重以德及人其改明年為宣德元
年大赦天下咸與維新所有合行事宜條示于後一自
洪熙元年六月十二日昧爽以前至去年八月十五日
以後官吏軍民人等有犯除謀反大逆謀叛子孫謀殺
及毀罵祖父母父父母妻妾殺夫奴婢殺主謀故殺人盡

毒魘魁毒藥殺人強盜不赦外其餘已發竟未發竟已
結正未結正罪無大小咸赦除之敢有赦以前事相結
告者以其罪之之一自去年八月十五日以後軍官及
旗軍將軍力士校尉舍人餘丁除犯反叛黨惡不宥外
其餘有犯發各處立功贖罪及降出充軍等項並送兵
部查理復其戰後一自_去年八月十五日以後文官除犯
貪賍及枉害人已命發落者不宥外其餘有犯發充吏
役及承差者悉還吏部量能授官一自去年八月十五
日以後見任文武官員有停罷俸祿者詔書到日仍舊
關支一言路所以廣視聽達民隱自今朝廷政務或有
不便及軍民利病當除者諸許人陳言勿有所諱一農
桑王政之本衣食之源有司宜身為之勸務求實效勿
事虛文一安民之道必在守令得人軍民之中有行已

廣正才堪撫字者許見任官具奏薦奉朕將親擇而用
之不許徇私濫奉一季校吳才之所自出必在師範得
人今軍民中有經明行脩之人可充教職者許見任官
保奉而試用之有司宜常加勛勉其生員之家一依洪
武年間例一家優免兩丁差徭俾得尽心務學以臻成
效一各處衛所及守邊去處務要城堡堅固兵備嚴整
如法操練一天下軍士頻年勞役衣食不足艱難可矜
即今一切不急之務悉皆停罷其管軍官負宜加意撫
恤毋令失所並不許假公營私妄有科斂及私役其力
違者罪之一有被水旱災傷去處缺食貧民有司即便
取勘賑濟毋得坐視民患一官民田地日種人戶或全
家死亡或丁力消耗以致拋荒有司即與召人耕種官
田准民田起科如果無人耕種者該納稅糧從實取勘

開除毋得洒派包荒重為民患一各處開金銀抄造紙
札坐買靛青除已開辦造完見收在官者差人送部外
其餘悉皆停罷以蘇民力原差官負人等速即回還如
有托故稽延者以違制論一逸年海運漂失及征進漂
棄軍器等件并永樂二十一年以前各處拖欠歲辦皮
翎歲進野味追補胖襖等項悉皆免追其追倍脩理永
樂二十一年以前試驗不堪弓箭弦條除已完者就于
所在官司入庫如未完者悉皆停罷一各處孳收馬駝
牛羊等畜及北京所屬衛所見養永樂二十年征進所
獲牛羊自洪熙元年六月十二日以前例死者悉皆追
陪其征進所獲牛羊今後只令軍衛有司自行提督牧
養原差去官負人等即便回京不許託故稽延一忠臣
烈士义夫節婦孝子順孫事蹟顯著者有司具實來聞

以憑旌表一瘵寡孤独及篤廢殘疾者有司依例存恤
毋令失所及有為事編發為民種田年七十之上孤寡
無人養贍者放回原籍依親一軍戶有重役者不問三
處五處遇有事故如果戶內人丁消耗只并一處勾丁
補役其餘悉行開豁及有丁倒戶絕并同名同姓被人
妄報連年勾擾者有司從實體勘分理不許徇私作弊
害及無辜一見起在京做工人匠有二丁三丁者放回
一丁四丁五丁者放回二丁六丁以上者放回三丁其
單丁應役二年之上者放回休息內有犯罪被刑剝刺
已成殘疾者即與開除本身差役全其餘生其無知小
人扶仇妄指平人為匠者今后有司宜嚴加禁止違者
罪之一邊年失班及在逃人匠与免本罪即未赴工依
旧輪班如有仍前恃頑不即赴工者所在官司拿解前

未治之以罪一永樂年間為事發各處擺站及充遞運水夫有年限已滿應替過三年以上無替者即便放免其餘後滿未及三年者法司即于囚人內撥替若逾年在逃及未赴役者俱免本罪即付原撥處兩應後照限撥替如有仍前特頑不即赴役者許所在官司治之以罪一逃軍逃囚逃匠等項以詔書到日為始許一月內赴官自首與免本罪軍還原伍民還原籍匠作人等復還本役一凡寬恤恩典及合行政務其有關列未及者悉遵去年八月十五日以後詔旨施行務俾明信祇于不渝嗚呼

三圣在

天制治保邦大經大法明昭日月垂憲萬年惟篤欽誠必誠必信尚賴宗室親王叔祖叔父協心藩屏鞏固國

家暨中外文武吳臣同德匡輔用臻至理弘建
宗社生民悠久之福詔告天下咸使聞知以即位遣書
告諸王公中天有白氣一道東西竟天良久而后始
散

大明宣宗章皇帝實錄卷之一

大明宣宗章皇帝實錄卷之二

洪熙元年六月辛亥以即位遣使賫勅諭南京守備襄城伯李隆曰今不幸

大行皇帝賓天親王文武群臣軍民耆老遵遺詔累箋勸進朕以

宗社生民之重仰承遺命俯徇輿情已於六月十二日祇嗣皇帝位鄉國之勲臣受

先皇帝付託之重守備南京廠任匪輕其免赴京朝賀凡事同守備太監鄭和王景弘計議晝夜用心整肅軍伍嚴固守備審察機微以防不虞戒戰將士務循禮法使軍民皆安以副國家委任之重欽哉 勅諭征南將軍總兵官太傅黔國公沐晟曰鄉國家世戚大臣功德茂著而受累朝付託鎮禦一方廠任匪輕朕今即位免卿

赴京朝賀惟茲統御之初益切倚毗之重尚其篤念

祖宗委任之厚摠厥嘉猷翼輔躬躬俾西南之民永底寧謐卿亦有無窮之譽欽哉 勅諭鎮朔大將軍總兵官陽武侯薛祿等及各邊將曰卿等受先朝付託之重總率戎旅備禦一方厥任匪輕悉免朝賀宜晝夜用心整肅部伍精利器械嚴明紀律謹斥埃勤哨瞭審察幾微以備不虞一應邊務相機制宜務出萬全不可須臾忽尤宜善撫士卒無令失所時常閱習作興士氣以副國家委任之重欽哉 癸丑忠勤伯李賢卒賢初名丑閏仕元為工部尚書洪武二十一年來歸篤厚忠慎通譯書

太祖高皇帝賜名李賢授燕府紀善事

太祖皇帝於藩邸時

仁宗皇帝為世子賢旦暮侍左右摠忠劾勤多所裨益當
奉天靖難之際與劾勞績累陞至都指揮同知凡北虜
表奏之達朝廷朝廷詔勅告諭虜中者皆命賢潤譯賢
亦屢陳所見

太祖皆嘉納之

仁宗即位念舊勞陞後軍都督府都督僉事賞賚甚厚洪
熙元年正月因事召賢知其已病

仁宗惻然念之遂封忠勤伯食祿一千一百石至是卒訃
聞遣官賜祭命有司治喪葬如例 甲寅

上初視朝

上自即位以來以衰戚未出群臣屢請至是始聽政於西
角門 命平江伯陳瑄充總兵官率舟師漕運赴北京
無鎮守淮安撫輯軍民所領官軍悉聽節制 勅湖廣

都司都指揮李璣曰爾祇事

皇祖歷有歲年

皇考嘉爾功能特命掌湖廣都司事朕今嗣大位篤念舊臣其都督任禮已留在京提督操練方面事重尔且留彼掌事以待召命 行在禮部奏

皇上嗣登寶位明年統元天下大小衙門宜令各遣官一人朝賀

上曰方面府州縣及宣慰等官令來朝若教官巡檢以下往復不易免來 襄城伯李隆言外衛官軍自番國還者俱留南京聽用而月糧未支

上曰彼涉遠還備歷艱險安可無糧其即按月給之就留操備 戶科給事中夏時言德州以南民多缺食鄒滕二縣尤甚

上命戶部遣官勘實給賑之 巡按浙江監察御史尹
崇高奏朝廷近差內官內使於浙江市買諸物每物置
局拘集動擾供給繁勞朝廷所帑甚微民間所費甚大
宜皆取回惟令有司買納

上諭尚書吳中等曰差遣中人本出權宜豈知勞擾如此
今詔書已罷買諸物若買完者即令回京未完者悉皆
停止 濟寧知州蔣資奏去年薄收民多難食已蒙
聖恩賑濟而前二年田租未應納濟寧衛倉者逋欠尚多
今年夏麥頗收請以抵輸為便

上曰五穀皆能養人何分米麥從之 南京地震 乙卯
勅宋琥曰爾父西寧侯晟昔事我

太祖高皇帝

太宗文皇帝建立茂功致位通顯爾嗣父爵祇事我

皇祖

皇考小心勤慎，蓋亦有年，比乃行涉不恭，為群臣所劾。

皇考不得已，致汝于罰，蓋將俾爾省躬思咎。今龍御上賓，

朕承天位，上念

皇祖

皇考待爾之大德，下念國家勲戚之舊，特宥爾過，俾閑居

優逸，爾尚無忘

皇祖

皇考之大恩，及朕所以優待之意，坦懷端志，勉圖自新。

上以京師見役軍伍，匠勞動日久，人賜綿布二匹，鈔五錠，

鞋二雙。

上諭少保、戶部尚書夏原吉等曰：各處軍民艱難已甚，凡

諸衙門先有坐派造辦紵絲紗羅纒段香貨銀硃金箔

及果品海味等物即遣人馳驛往諭已辨完在官者令
原差監辦官管運回京未辦者悉停罷如歲額不在此
例有仍前科擾於民者必罪不赦 寧王權奏遣世子
磐斌來賀

仁宗皇帝萬壽聖節時已至中道復書止之 少師吏部

尚書蹇義等言内外官吏在

先帝時有生罪愆幸蒙赦原即以親喪未告丁憂於中必
有詎者難聽其去

上曰父母之恩莫大焉君子不逆詎宜悉聽去若果懷姦
事發治之未晚 復孫亶鞏昌知府時陝西按察司奏
亶在鞏昌處心仁慈持身端恪賦役均平刑罰清省吏
農其風民受其惠前以憂去官耆老乞留蒙朝廷矜允
亶志彌勵公勤不懈今滿九年當去鞏昌衛指揮千百

戶旗軍汪壽等百二十人屬縣耆老三百一十五人皆乞留置

上謂行在吏部臣曰郡得一賢守一郡之人安古之龔黃亦人耳人苟有志無不可乎孫直能得衆心可以為賢宜允所奏使天下郡守皆如此人百姓豈有不安罷浙江布政司叅議王和表呈陝西按察司僉事韓善為民和等時皆坐贓罪遇赦行在吏部奏擬還職

上曰士大夫當務廉恥古人不飲盜泉蓋惡其名三人者皆貪污豈可復任方面悉罷為民總兵官征南蠻將軍鎮遠侯顧興祖奉勅衡州府藍山縣賊潘康生等逼近大橋巡檢司駐營劫掠可率兵勦捕臣先遣官按視整兵繼進而府縣皆言康生等但與土民讎殺未嘗流劫鄉村今皆赴官首服徭民亦招撫向化所掠人畜皆

已給主器仗皆已送官臣覆勘無異謹送潘康生等三人赴京師

上命付行在兵部尚書李慶等執奏康生等雖非流劫鄉村終是聚衆讎殺必當論罪以儆將來

上曰蠻夷相讎殺乃其習俗既能首服又經赦便可寬貸若復追論徃愆則沮自新之路非所以廣德其放遣復業若再為非必寘重法更以此意諭之使知改過 鎮守貴州總兵官都督僉事蕭授奏鎮遠府邛水長官司與洞苗蠻苗銀總男苗章奴等於清浪道中劫掠為思州都坪峩異溪蠻夷長官司民所獲苗銀總率衆脅取之今聚兵一千五百餘人欲攻剽其洞寨先令赤溪南洞長官楊通諒同指揮祝貴徃招撫之銀總伏兵於路殺通諒等續遣湖廣都指揮張名進軍勦捕從之 無

為州奏州民艱食缺種糧已將預備倉穀一萬七千五百餘石給借俟成還官

上諭行在戶部尚書夏原吉等曰預備倉儲正為前代比之百姓常平最為良法若處處收積完備雖有水旱災傷百姓可無飢窘此

太祖皇帝良法美意鄉宜徧行天下申明舊典務存實惠勿事虛文 浙江海門衛獻所俘倭寇奏云五月二十日倭寇自蚶嶼亭嶼二港入攻挑渚千戶所城官軍禦之衆寡不敵城已陷千戶徐忠李海率兵力戰禽賊三人斬首十級賊被傷乃走忠海皆被傷賊出洋遇海門巡檢海指揮路鐸兵追及之與戰又生禽賊三人斬首七級以飛石碎賊一舟舟中盡溺死遇夜風雨賊潰去上命以所俘付錦衣衛獄仍命行在兵部第官軍功狀以

聞 昏刻有流星大如雞彈色赤有光出心宿西南行至雲中 丙辰勅諭行在禮部定議

大行皇帝尊謚曰粵稽古聖帝明王皆有尊號鴻稱垂于萬世自堯舜禹湯文武成康暨漢唐宋賢君諱辟靡不皆然蓋所以崇國家之盛典而著功德於無窮也仰惟皇考大行皇帝上聖之資純誠之德至仁和於天地大孝通于神明久在儲闈贊理機務億兆欣戴四海一心自登大寶夙夜孜孜矜憫困窮覃息霈澤弘被萬方修舉墜典作興化理文德彰明一新宇內克詰戎兵神武不殺邊境寧肅弗怒而威民物熙熙泰和之世不幸期歲奄棄臣民茲予續承大統祇仰鴻猷明徵禮文必薦謚號所宜博咨衆論務協大公用昭宣我皇考大德光華於無窮爾禮部其集文武群臣定議尊謚

擇日恭上冊寶往體朕意其惟欽哉

上以營建山陵勅平江伯陳瑄發運糧軍五萬人助役

以侍從舊恩陞右春坊右贊善王讓為行在吏部右侍

郎左春坊左庶子陳山為行在戶部左侍郎司經局洗

馬張璜為行在禮部右侍郎戴綸為行在兵部右侍郎

直隸六安衛奏二月十八日夜地震七日乃止城垣

樓堞多傾塌請備治

上命俟秋成畢為之 河南新安知縣陶鎔奏縣在山峪

土瘠民貧從來薄收去年尤甚今民食最艱採拾自給

公私無儲惶惶失措獨函關駟頰有儲糧欲申明待報

然後給濟然民命危在旦夕已先借糧一千七百二十八

石給貧民一千八百一十七戶俟秋成還官

上謂尚書夏原吉曰知縣所奏良是朕聞近年有司不體人

情苟有飢荒必須申報展轉勘實賑濟失時知縣急與
濟人先給後聞是能稱任使卿毋拘文法責其專擅
丁巳秦王志均奏承運殿歲久弊壞弟妹三人年長婚
嫁及期皆未有居室今蒙遣回西安獲衛征進官軍五
千人乞留修造從之 聽選主事陳良言文職官已有
考覈黜陟之今獨於武職未嘗舉行宜亦考覈
上諭行在兵部臣曰軍職以功為秩次子孫承襲者試方
馬有罪者論功定議

祖宗成憲如此無庸他言 以隨侍舊勞命醫士韓叔賜
為行在太醫院判 戊午

上御西角門是日雨行在工部尚書吳中奏沙河青河等
處舊架木橋以便往來今大雨時行潦水將依恐為所
漂宜且撤之俟雨止復舊

上曰橋梁須為經久之計毋徒勞民中奏今建山陵軍民
往來運木石等物請於大通關提舉司取舡作浮以濟
從之 峇密回回蒲刺撒丁等來朝貢馬及方物 陞
安平縣丞耿福緣為本縣知縣福緣初為丞以冗負當
汰民詣闕保留後又以冗汰民復奏留至是又以冗汰
耆民八十餘人訴於巡按監察御史言緣福守法奉公
愛民如子賦役均平賊盜屏跡田里獲安今去民失所
望且見任知縣揚紕有疾求去乞留福緣以惠民御史
以聞

上諭行在吏部臣曰州縣官愛民如子則民亦愛之如父母
若貪虐無道民視之如仇讎豈肯保留至於再三不已其
陞為安平知縣 鎮守文同總兵官武安侯上去年屯田
子粒數

上諭尚書夏原吉曰邊軍屯田可省轉輸之勞鄉等宜遣
人覈實所積果多當如例賞之 庚申諭行在禮部臣
曰朕惟君國之道必隆乎孝理化民之務必首於尊親
恭惟

母后皇后厚德承天至順配地佐輔

先帝仁惠邦家表正六宮母儀四海而鞠育躬備隆恩
德啓迪攸行篤于

聖訓今纘紹伊始負荷孔艱惟茲廕之永依而尊號之未
稱必將備帝王之典禮率天下於孝敬謹上

母后尊號曰

皇太后寶冊儀章禮部詳定以聞

上諭御西角門諭太子少保行在部尚書李慶等曰比聞陝
西官軍調來京師操備河南山西官軍調往陝西甘肅

備禦交互往來甚是勞費凡事當順人情若令陝西官軍就彼備禦河南山西官軍來京操備豈不兩便非徒省費人亦樂從爾兵部宜速行之毋令疲於道路 夜有流星大如雞彈色赤有光出天并東南行至雲中

辛酉陝西布政司奏諸衛軍士歲給冬衣布花皆於夏稅內折收分給催徵已久未給尚多蓋緣今歲民間春夏少雨蟲蠶害稼民食艱難猝難措辦舊例每布一疋折鈔十五貫綿花一斤折鈔二貫今欲於官錢內每布一疋折與鈔五十貫綿花一斤折與鈔六貫庶幾少紓民急而軍士得用

上謂尚書夏原吉曰軍民皆可憫舊未給者且

准折鈔後當如例給布花 行在錦衣衛奏蜀府儀賓高晟顧瞻始因劫奪被逮請送都察院鞫問

上以事在赦前命釋之 命石世端竹領占為圓妙廣智
大國師給與金印玉軸誥命 昏刻有流星大如枉色
青白有色出明堂西南行至近濁曉刻有流星大如碗
色赤尾跡有光出正北雲中西北行至雲中 壬戌行
在禮部上

大行皇帝謚議儀注前一日西角門設謚議文案是日早
上具素服御西角門奉謚議官立於階之東文武官各具
素服詣丹墀贊行四拜禮興禮部奏進

尊謚序班二負引班首稍前捧謚議官以授班首班首受
謚議文由中道進將至

御前序班贊進

尊謚議文

上興詣文案立班首進謚議文置于案跪百官皆跪

上覽畢以謚議付翰林院官撰冊文序班徹案

上復坐班首與百官皆俯伏興復位再行四拜禮畢然後
視事 廣寧中屯衛軍士馮述上言學校風化之原所
以明人倫厚風俗今定遼金復海蓋五衛洪武中已建
學官而三萬瀋陽廣寧義州諸衛未設若緣邊軍衛並
立學校以教官軍子弟使知忠君親上愛親敬長則禮
義興而風俗厚矣又言遼東早寒朝廷歲賜軍士冬衣
布花凡二十四衛今皆於金州位旒順口貯積分給諸
衛相去遠者二千五百里或二千里往復甚艱且妨廢
農功若如洪武舊制定遼三萬瀋陽海蓋諸衛於牛莊
廣寧義州諸衛於凌河金復二衛於旒順口貯給則軍
士甚便農功不廢又言遼東驛路經由錦瑞二州而二
相去三百里多荒山密林虜寇出沒使命往來未便

若於二州之間女河兩岸把饒之處修城置衛也種
防閑則田野闢道路通永無外虞

上曰所言皆有理禮部其議行之 夜有流星大如盃色

青白有光出壁南行至近濁 癸亥行在禮部尚書呂

震等奏欵象勅諭臣等會同文武羣臣議上

大行皇帝尊謚臣等謹遵會同太師英國公臣張輔及公

侯伯五府六部都察院等衙門官議擬呈進臣輔等聞

古昔帝王有盛德大業偉著于當時則必有顯號名永

傳于後世所以昭國家之異典合天人之至公也粵自

堯舜下及漢唐故勲重華贊帝德之廣大祖功宗德啓

廟祀之尊崇經史所存古今同軌伏惟

大行皇帝以聖智之資撫盈成之運德同

天地巍巍蕩蕩莫能備諸形容治洽華夷皞皞熙熙咸有

資於化育夙居儲副上贊洪猷視膳問安隆

君親之至愛撫軍監國得億兆之歡心二十餘年始終一
致天下同乎仰戴邦家協於昇平統承大寶之初大布
維新之政蠲逋負恤困窮慎刑罰則寧失不經念黎元
則如保赤子深仁厚德洽遠邇而彌周大烈耿光丕顯
承而惟茂海宇方躋於仁壽龍輿遽至於升遐嗟我臣
民如喪厥考稱

天以詠固輿論之攸同極親而尊惟大德之斯稱虔恭寅
畏天命自度敬

天之心益嚴而益密恭默思道緝熙聖學体道之功愈至
而愈謙經綸大經建立大本咸出乎至誠宣昭義聞彰
信兆民實由乎明德弘敷文教則礼樂備而人才興敬
修武事則中國安而外夷順至若經德秉哲同符往聖

繼志同事率遵

先王由是

天地以位萬物以育

宗廟享之子孫保之蓋至仁之實蕪統乎衆善宜

宗祀之盛光華於萬年臣輔等謹稽禮文徵諸謚法

大行皇帝尊謚宜

天錫之曰

敬天體道純誠至德弘文欽武章聖達孝昭皇帝廟號

仁宗臣輔等并手稽首謹具奏聞 瓦剌部屬亦速不花

等五十四人未歸行在禮部尚呂震奏定賞例

上曰遠人慕義舉家來歸撫之當厚本雅夫里乃彼故主

今其妻亦遠來名分不同恩亦當異其別與好第宅於

是各賜金織氍衣絲幣鈔銀鞍馬有差仍命有司給房

屋器牛羊月支薪米 浙江布政司左布政使孫清河
南布政司左叅議王徵坐贓罪罷為民特行在吏部奏
比蒙大赦內外官有罪皆已寬宥浙江左布政使孫為
河南左叅議王徵俱犯罪經赦例應復職然所犯者贓
罪

上曰犯贓污喪廉恥矣雖經赦宥豈可復居民上其皆罷
為民 日生背氣色青赤鮮明 甲子朝鮮國王李禔
遣陪臣孟中思誠等奉表貢馬及方物復孫瑛行在通
政司右叅議高慶行在鴻臚寺右寺丞瑛等永樂中有
過謫文趾初

仁宗皇帝即位有言其謫政事堪任用者有旨召還至是
始至

上命俱復其職

行在工部請造

皇太后皇后皇妃儀仗 乙丑行在礼部上

大行皇帝尊謚儀注先期文武百官於本衙門齋宿三日

至期

几筵前陳設如常祭儀設冊寶案二于

几筵前左右前一日置冊寶輿于奉天門設香亭於丹墀

內正中內侍官捧冊寶置於輿是日

上具素服御奉天門內侍官舉輿導駕官導引

上隨寶輿後降階陛輅百官具孝服於金水橋之南皆北

向序立俟寶輿将至百官皆跪寶輿既過輿皆隨至思

善門外北向序立其內使導引官導引

上至思善門降輅易孝服親王皆服孝服隨班行礼寶輿

於中門進至

几筵殿前官丹陛上內侍官導引

上由左門入至丹墀內侍官唱執事官各司其事內侍官
導引

上至丹陛上詣拜位捧冊寶官於寶輿內捧冊寶由殿左
門入至於

凡筵前右北向立內侍官奏行四拜禮親王皆陪拜在外
鴻臚寺官傳唱百官皆行四拜禮畢內侍官導引

上由殿左門入至

大行皇帝神御前奏跪傳贊百官皆跪奏進冊捧冊官以
冊跪進于

上左

上受冊以冊授執事官置于案奏進寶進寶官以寶跪進
于

上左

上受寶以寶授執事官置于案奏宣冊宣冊官跪于

上左宣冊訖奏宣寶宣寶訖奏俯伏興平身傳贊百官同
奏復位內侍官導引

上由殿左門出至拜位奏四拜傳贊百官同四拜畢內侍
官導引

上至

几筵前奏初獻禮奏跪奏獻酒奏讀祝讀畢奏亞獻禮奏
獻酒奏終獻禮奏獻酒奏俯伏興平身奏復位內侍官
導引

上由殿左門出至拜位贊四拜其前後四拜禮及跪俯伏
興傳贊百官同祭畢內使官導引

上由左門入至

大行皇帝神御前以冊寶授內侍官捧入內導引

上入內安冊寶行叩頭禮導引

上由左門出至丹陛上奏禮畢次日百官各具素服烏紗帽黑角帶於承天門外俟開讀上

尊謚詔 勅南京守備襄城伯李隆等以軍士以一萬人赴北京助運

山遣的當官率領前來仍嚴禁約在途不許稽緩及擾民違者罪之 巡按江西監察御史王縉紳奏按察司副使申岳等昧於憲體及諸理問斷事推官不諳刑律皆應黜降

上曰按察司振飭紀綱理刑官辨明曲直其可授之非人吏部即選人代之 召鎮朔大將軍陽武侯薛祿還京 丙寅行在禮部上尊

皇太后及冊立皇后皇妃儀注一告祭禮前期太常寺官

具奏致齋三日遣官祭告

天地

宗廟

社稷祭告

太宗皇帝几筵

大行皇帝几筵一尊

皇太后禮前期禮部移文各衙門是日鳴鐘鼓百官具朝服隨班行禮前期一日內侍官於奉天門設冊寶綵輿冊東寶西設香亭一於冊寶綵輿之南正中教坊司設中和韶樂及大樂設而不作是日早錦衣衛陳設如常儀內官設

皇太后寶座於中宮陳設儀仗於丹陛上及丹墀內設冊寶案一於

皇太后寶座前又設香案一於冊寶案前設

皇帝拜位于丹陛上正中設親王拜位于丹墀內設內贊

二人設女樂於丹陛上設而不作至期

皇帝御天門內捧冊寶官捧冊寶俟

皇帝具冕服出捧置于綵輿內侍官輿舉導駕官導引

皇帝隨綵輿後降階陛輅百官於金水橋南北向序立俟

冊寶輿至皆跪既過輿隨至思善門外橋南北向序立

皇帝至思善門內降輅女官請

皇太后陞座冊寶輿由中門進至宮中丹陛上置于

皇帝拜位前冊寶西內引禮官導引

皇帝由左門入至丹陛上右邊北向立內贊唱執事官各

司其事引禮官導引

皇帝至拜位親王具冕服各就拜位奏四拜傳唱鴻臚寺

贊百官皆四拜畢捧冊寶官於綵輿內取冊寶捧由殿中門入至

皇太后前左邊立

皇帝由殿左門入至拜位奏跪傳唱親王百官皆跪奏措
主進冊捧冊官以冊跪進于

皇帝右

皇帝受冊獻訖以授執事官執事官跪受置于案上之左
奏進寶捧寶官以寶跪進于

皇帝右

皇帝受寶獻訖以授執事官執事官跪受置于案上之右奏
出主奏宣冊執事官跪宣讀訖奏宣寶執事官跪宣讀訖
奏俯伏興平身傳唱同奏復位導引

皇帝由左門出至拜位奏四拜傳唱百官同四拜畢於禮

畢駕輿一冊立皇后皇妃禮鴻臚寺預設節冊寶案節案居前皇后冊寶案次之皇妃冊案又次之設節冊寶絲輿于丹墀內教坊司設樂及錦衣衛陳設皆如前內官設皇后皇妃受冊位於各宮中設節冊案于冊位之北皇后寶就置于冊之右共為一案節案在冊案之前又各設香案于節案前設內贊各二人引禮二人設女樂于丹陛上設而不依至期

皇帝御奉天門內具皮弁服鴻臚寺官奏執事官行禮畢奏請升殿導駕官導

皇帝升座文武百官具朝服入班行叩頭禮左右侍班正副使入就拜位贊四拜興傳制官俯伏興執事官舉節冊寶官由殿左門出置御道中傳制官由左門出稱有制贊正副使跪制曰某年某月某日冊妃某氏為皇后

某氏為貴妃某氏為淑妃某氏為惠妃命卿等持節行
禮贊俯伏興四拜禮畢執事官舉節冊寶置綵輿中黃
蓋遮送至左順門外正副使朝北立內官捧節冊寶由
正門入迎至皇后皇妃各位宮中節冊未至之先引禮
請皇后皇妃具礼服候節冊將至宮人執扇擁護引禮
引皇后皇妃出迎于宮門外節冊寶至由正門入皇后
皇妃各迎至宮中節冊寶至皇后宮中內官以冊寶置
于一案冊左寶右置節于節案內贊贊四拜贊宣冊贊
跪女官立宣於皇后之右訖贊宣寶女官立宣于皇后
之右訖贊授冊贊播圭執事女官取冊跪授于皇后之
右受訖以冊授女官女官跪受立于東贊授寶執事女
官取寶跪授于皇后之右受訖以寶授女官女官跪受
立于東在冊之次贊出圭輿內贊贊四拜禮畢內官持

節由正門出皇后送出宮門外節冊至諸位皇妃宮中行禮同但不贊宣寶授寶但贊授冊後四拜即贊禮畢內官持節由正門出皇妃送出宮門外各內官齎節出至左順門內待齊乃出左順門外以節授正副使報禮畢正副使得報持節復命一謁謝禮是日

皇太后受冊寶畢俟皇后皇妃俱受冊寶畢內官先具謁告儀物翰院俱謁謝文

皇太后

皇帝皇后皇妃各具服訖

皇帝奉

皇太后及率皇后皇妃祇謁

奉先殿及詣

太宗文皇帝几筵

大行皇帝几筵前行謁謝禮如常儀一慶賀禮是日

皇太后行謁謝禮畢仍於宮中服燕居冠服陞座儀仗女

樂如前陳設女官具服侍班如常儀內引禮官引

皇帝皇后皇妃親王公主及六尚等女官行慶賀禮如常

儀皇右皇妃詣

皇太后前行禮畢俟

上服皮弁服陞座內贊引官引就拜位行八拜禮皇后謝

上禮畢行受賀禮內官先於皇后宮中設座南向設諸皇

親諸命婦拜位於階之南北向設儀仗設女樂設而不

佞設內贊二人引禮二人女官二人導引皇妃等具服

以俟皇后服燕居冠服陞座引禮引皇妃公主六尚等

女官行慶賀禮如常儀次日外命婦四品以上入行進

表箋禮女官先於

皇太后皇后宮中左門外設表箋案各一儀仗女樂陳設
及侍班如常儀命婦是日早於長安左右門入俱由西
華門進至宮門外候引禮內官引入丹墀內東西相向
立

皇太后服燕居冠服陞座引禮官引命婦入班贊四拜贊
跪贊進表引表案女官二人前導女官舉表案由左門
入至

皇太后前置訖贊興贊四拜贊禮畢駕輿命婦經右順門
入左順門至中宮門外候引禮官引入丹墀內東西相
向立皇后服燕居冠服陞座引禮官引命婦入班贊四
拜贊跪贊進箋引箋案女官二人前導女官舉案由左
門入至皇后前置訖贊興贊四拜贊禮畢駕輿命婦由
東華門出 行在禮部尚書呂震奏

大行皇帝喪禮原定儀注自六月初三日聞喪為始百官素服白紗帽麻布腰經於西角門朝參尊依遺詔二十七日而除今請自七月初一日為始鳴鐘鼓

上服淺淡色衣烏紗翼善冠黑角帶於奉天門視事百官皆淺淡色衣烏紗帽黑角帶朝參如常儀退朝仍終太上文皇帝服制

上曰固是遺詔然朕心何能忍古人云雖加一日愈已初一日仍素服坐西角門不鳴鐘鼓待滿百日再議 唐

王瓊煙奏欲躬詣

大行皇帝几筵致祭

上以天氣炎熱且遺詔有命復書止之自是諸王欲來者皆止之 賜塔密忠義王使臣馬黑麻等六十六人鈔絲幣表裏有差 丁卯行在工部尚書吳中奏營建

山陵人力不敷請於南京海舡廠及附近江北府衛起旗
軍工匠一十一萬八千協助從之因謂中曰今天氣炎
熱天壽山營繕軍民艱苦人賞鈔五錠布二疋鞋二雙
又曰

山陵事重朕不吝賞但慮有司不恤人艱有侵斂之者爾
宜督管工之人逐名給散勿容欺弊

大明宣宗章皇帝實錄卷之二

大明宣宗章皇帝實錄卷之三

洪熙元年秋七月戊辰朔漢王高煦趙王高燧遣指揮
康良葛昇奉表賀即位礼部尚書呂震請如例各賜鈔
二十錠絲幣二表裏

上命加賜鈔二百錠絲幣二表裏 懷慶大長公主薨公
主

太祖皇帝第六女母成穆貴妃孫氏洪武中冊封下嫁駙
馬都尉王寧

仁宗皇帝即位加號大長公主至是薨遣中官賜祭命工
部營塋 行在太常寺卿王勉坐贓罪罷為民勉嘗受
賄保香匠丘信寺充齋即事覺信寺已伏罪時勉出使
陝西

仁宗皇帝謂吏部尚書蹇義曰勉還當罪之至是还義奏

勉貪婪

先帝嘗欲罪之今雖更赦難以復用

上曰太常有罪豈可事神明其罷為民 順天府通州武

清固安潮縣各奏六月二十二日驟雨河溢衝決河西

務白浮宋家等口堤岸 浙江按察司副使許銘言備

邊禦戎國家重事理兵足食備禦大經近來邊軍困於

雜役多致逃亡防守既疎屯種亦鮮若悉矜免專令備

邊如舊給其俸糧其有餘力各遣屯田則食足兵難守

固勝戰多又言夷狄歆心難以德服其曰歸誠朝貢實

皆慕利而來爵賞雖加反側難保宜有擗節稍設防閑

如

祖訓條章許其來朝者或三年五年一至其餘悉且禁止

則送往迎來免困民力府庫之財不至妄費

上嘉納之 夜有流星大如鷄彈色赤尾跡有光出羽林
軍南行至雲中 巳巳上

大行皇帝尊謚是日早遣太師英國公張輔等告

天地

宗廟

社稷

上親告

太宗皇帝几筵畢上

大行皇帝尊謚冊文曰孝子嗣皇帝臣 謹再拜稽首

言臣聞名以表實號以昭行惟古聖神道德之盛不可
名言而伏羲神農皇帝堯舜皆因治化之隆必崇顯大
之號恭惟

皇考大行皇帝躬上聖之資蘊太和之德剛健中正廣大

仁明久正儲闈嗣復

帝位欽若

天道憲章

祖宗誠孝通于神明皇恩被于普率丕顯文化一心德政
如陽春之施如日月之行哀矜廢獄民用不犯敬脩武
事不厲而威外頃內安邦以寧謐天下歸戴如慈父母
上賓之日遠迩興哀

聖德神化宜薦

尊號用咨輿議請命于

天謹奉寶冊上

尊謚曰

敬天體道純誠至德弘文欽武章聖達孝昭皇帝廟號

仁宗伏惟

聖靈在天昭鑒于下佑我子孫爰暨黎庶億萬一年永隆
洪祚 謚皇庶母貴妃郭氏曰恭肅淑妃王氏曰貞惠
麗妃王氏曰惠安順妃譚氏曰恭僖克妃黃氏曰恭靖
日生暈上隨生背氣及左右珥色皆黃赤鮮明夜有
流星大如雞彈色青白尾跡有光出五車東北行至雲
中 庚午以上

仁宗皇帝詔謚詔告天下曰朕惟聖神之道不可以名言
功德之隆必形諸贊述是以皇有羲農之號帝有堯舜
之稱國之典常古今一揆恭惟

皇考太行皇帝稟睿聖之資備明誠之德正位儲副二十
餘年至孝通于神明令聞孚于遠邇嗣登大宝寅奉鴻
圖體

天之心弘敷惠澤溥昭蘇於萬彙煥寰宇之一新致理興

化敦尚文雅慎脩武事四境無虞天下歸仁安于熙皞
不幸踰歲奄備賓天四海兆民如喪厥考嗟予罔極之
慟屬茲繼統之初諒惟敬承之心敢後追崇之典謹命
在廷文武羣臣稽古禮文議薦謚號至公之道衆論攸
同乃於七月初二日祇告

天地

宗廟

社稷奉冊寶恭上

皇考大行皇帝尊謚

敬天體道純誠至德弘文欽武聖達孝昭皇帝在號

仁宗嗚呼配

天惟德尊親惟孝光華宣著于萬年繼述尚存於永世布
告外中咸使聞知 遣中官雲仙往雲南鎮守

上諭之曰朕初即位慮遠方軍民或有未安尔内臣朝夕侍左右者當副委託務令軍民安生樂業凡所行事必與提兵官點國公及三司計議施行仍具奏聞遇有警備則相機調遣毋擅權自用及肆貪虐蓋尔輩出外鮮有不恃寵驕傲者若稍違朕言治以重法必不爾貸

巡按福建監察御史彭謙奏建寧知府同知皆鄙懦無為推官以下或肆貪虐或酣飲廢事宜加黜罰悉以名聞

上曰果如御史言典銓選者不得辭其責其令吏部黜罰如例務存公論毋速後愆夜有流星大如鷄彈色赤尾跡有光出閣道東南行入壁 辛未

上諭行在戶部尚書夏原吉等曰比觀卿等所言天壽山營造軍匠月支糧賜旗軍所給比工匠差減動勞既同

而糧賞不一何以協人心孔子曰不患寡而患不均工
匠旗軍其一例給之 行在工部臣奏昨有旨趙王之
國其社稷山川祭器樂器冠服之屬皆給之今閱視諸
器物歲久多損請脩理給之

上從之諭之曰凡朝廷給親王之物皆當精好况祭器樂
器皆以祀神當加好也 豐南鎮沅府土官知府刁騰
交趾嘉林州土官判官阮祐四川烏蒙軍民府土官知
府祿昭遣把事阿賴湖廣金峒安撫司把事冉中廣西
上思州土官知州黃智永貴州羅番寺長官司土官舍
人龍通源寺來朝貢象馬及方物 復王瑄山東平度
州同知劉整昌邑縣主簿瑄先以冗員去任整以舊官
代还至是民伏闕言瑄寺有善政能恤民瘼戩吏獎請
復其職

上諭行在吏部臣曰為人上者惟順民心古語云民之所好之民之所惡之堯舜之治亦順民好惡而已其悉從之起復邵陽縣知縣孫浩先是陝西司言西安府咸寧縣欽知縣前邵陽知縣孫浩撫字不怠廉公有為吏咸其威民懷其惠比丁家瓊去官乞起復調咸寧以便民

上諭行在吏部臣曰按察司於屬官必知其實邵陽距咸寧不遠於人情土俗亦必聞知其後之遂起復為咸寧知縣 陛行在錦衣衛指揮使鍾信為廣湖都司都指揮僉事 命行在旗手衛指揮僉事李得理本衛事 壬申奴兒干吉列迷千戶速只哈奴自遼東來貢馬奏願居京自效賜鈔紵絲絨衣絲幣及布仍命有司給房屋器皿牛羊月支薪米初速只哈奴以招撫至京授正

千戶顧君遼東三萬衛至是復顧居京故有是賜 賜
谷密回滿刺撒丁等鈔絲幣表裏及紵絲襪衣有差
行在工部奏舊經閣刺銀匠周阿佛等七十六人自
陳老疾乞如詔書免後請令順天府驗視效免差年未
及六十精力未衰者仍令赴工

上曰刑餘之人經歷年久其稱老疾必不妄不必屢轉可
悉免其役令於大興宛平二縣間住 癸酉陞行在錦
衣衛指揮同知張信為本衛指揮使指揮僉事張軌為
指揮同知命指揮僉事畢盛仍管將軍帶刀上直任啓
仍掌錦衣衛鎮撫司事調指揮同知潘晟通州指揮僉
事劉瑛臨山衛錢通長陵衛張昇龍虎衛 巡按四川
監察御史何文淵奏按察司副使張岳僉事張銘貪鄙
不稱銘再犯贓罪岳以瞋睡得名僉事高疇性質庸常

且善避事皆宜黜降

上諭行在吏部臣曰按察司官如此何以律人宜如御史
言別選賢者任之保定府容城縣奏云月以來霖雨
不止白溝河人暴漲衝決堤岸下田苗稼俱傷請發人
脩治

上諭尚書吳中曰田苗方盛而水潦為災不早治其害不
已即令軍民協力脩築南京地震甲戌

上念霖雨傷稼遣中官雷春祭大小神青之神祈霽明日
齋復遣春祭謝之命安遠候柳升簡都指揮二人督
軍脩京城街渠時久雨行道皆溢故命之行在工部
尚書吳中奏南京脩理宮殿已令應天等府以丁多民
夫五千五百人供役切慮工程繁重卒難成功請再起
萬人每三月一更糧賞皆如例

上曰正農成收成之時豈可盡用其力但令五千人更代
焉之足矣 水決盧溝橋東狼窩口河岸一百餘丈行
在上部以聞

上命行後軍都督府行部發軍民相兼脩築不可稽緩
巡按福建監察御史彭謙具奏所考察官實跡建陽縣
官非才曠職或酷害皆當黜

上命吏部黜罰如例 乙亥遣太師英國公張輔告

昊天上帝

厚土皇帝祇太保寧陽侯陳懋告

五廟太皇太后

上親告

太宗皇帝几筵

仁宗皇帝几筵

上奉冊寶尊

母后張氏為

皇太后冊文曰維洪熙元年歲次乙巳七月戊辰朔初八日乙亥嗣皇帝臣 謹再拜稽首上言臣為聞君國之務孝理為大孝理之道尊親為先盖有盛德者必崇以洪名有大恩者必饗夫至養彞典所重古今式同恭惟

母后皇后厚德配地至順承

天輔翊

先朝隆熙化本忠和純淑同符漢之明德端一誠莊上儼周之太任矧惟眇質仰荷

慈息鞠育劬勞用底成立屬茲繼統之始允惟興理之宜恪循舊章祇舉盛禮謹奉玉寶金寶上

母后尊號曰

皇太后伏惟天錫寶祐壽福萬年恭承長樂之歡永侍

聖仁之訓臣誠懼誠忭稽首頓首謹言 命正使太師英

國公張輔副使定國公徐景昌安遠侯柳升持節冊妃

胡氏為皇后冊文曰朕惟邦國之道本於齊家化理之

原在於正內是以夫婦序人倫之先而帝王示天下之

表彛典所重列聖攸同朕祇奉鴻圖恪遵成憲咨爾胡

氏端莊純一柔順肅雍選賢嬪予多歷年歲動適珩璜

之節言循圖史之規琴瑟和樂有關睢好逮之美夙夜

儆戒有雞鳴相成之賢事

上秉孝敬之心逮下隆寬仁之惠允言淑德宜正中宮特

遣使齎冊寶立爾為皇后於戲配尊于帝承祀于

廟奉

茲闡之養悖宗族之思必欽必誠必勤必厚必謙以飭躬
必儉以養福崇善進賢慎終惟初正壺範於六宮表母
儀於天下茂膺天祿永著德華欽哉 命正使太保寧
陽侯陳懋副使少師兼吏部尚書蹇義持節冊孫氏為
貴妃冊文曰帝王理萬邦必以齊家為本德教孚四海
必以正內為先朕茲嗣統之初肇建中宮之位嘉乃賢
淑宜有褒陞爾孫氏毓自名門早膺慎選嬪于春宮之
久茂昭女德之華恭肅惠和諧琬瑤珩璜之節靜莊純
一循詩書圖史之規適予闡睢樂得之心克謹鷄鳴儆
戒之道夙夜匪懈輔益良多用加禕翟之榮俾冠軒龍
之貳特封爾為貴妃於戲大一統而端政予資翼贊之
勤率九嬪以副母儀爾茂徽猷之績敬以相祀仁以進
賢惟善以榮身惟謙以崇德惟儉以滋多福惟慎以永

芳譽服我訓辭用光寵祿欽哉 命正使太子太保成
山侯王通副使少保兼太保子少傳戶部尚書夏原吉
持節冊劉氏為淑妃冊文曰朕惟政教之施由內以達
外王化之被自家以及邦茲肇建於中宮宜叙升於賢
德爾劉氏端一靖莊肅雍柔惠詩書圖史佩明訓以周
旋珥瑤珎璜謹容儀於動履選自名族嬪予春宮遂闋
睢樂得之心有鷄鳴儆戒之益爰加禕翟俾貳軒龍特
封爾為淑妃於戲朕惟篤君道爾尚謹於相成后以表
母儀爾尚謹於輔佐惟順以裕德惟善以榮身誠敬以
相禮祀謙厚以睦宗族永光寵祿益懋徽音欽哉 命
正使太子太保陽武侯薛稷副使太子太保礼部尚書
呂震持節冊何氏為惠妃冊文同淑妃 內子文武百
官上表賀尊

皇太后及冊立中宮在京文武官命婦進表賀

皇太后既退進箋賀

皇后 鎮守遼東總官官武進伯朱榮進廣寧馬市所
買馬八十二匹 廣東都指揮使李龍奏緣海衛所臨
大祥指揮寺官多是新罷少年未諳武畧猝遇寇至虞
有疏慮請別選老成用之

上諭行在吏部臣曰海道倭寇出沒不時必得老成之人
乃能臨机應變宜精選指揮使正千戶掌印庶幾行事
得宜亦使後輩有所取法 山東德平縣儒學訓導年
富言天下文廟儒學以崇祀先聖先賢近年以來十指
及兩撫從祀先賢或置木牌或為塑象或封爵差訛或
位次失序甚者闕而不置皆有司因循所致乞依洪武
中定例重加考校刊布外內永為定規

上曰朝廷崇儒重道為緊要事而有司不得人如此命禮部即考正頒示天下 丁丑以尊

皇太后立皇后詔告天下詔曰仁政之務親為先禮典所崇尊為大朕纘承鴻業君臨兆庶肆用敦於孝理爰肇正於化原恭惟

聖母輔翼

先朝昭明內政弘六宮之弘範表四海之母儀深仁厚德施仁眇躬隆鞠育之恩廣訓迪之道勗勞備至以底成立茲奉天下之至養則必極天下之尊稱謹上尊號曰皇太后乃若

宗廟之祀禮重相成德化之行始於夫婦用稽國典冊妃胡氏為皇后夫國之本在家允屬彝倫之重上以厚率下庶臻至理之隆布告中外咸使聞知 復鄒鉞通政

司左通政既嘗有過會赦故復之 行在兵部臣言各
處孳牧馬駝牛羊等畜倒死者比奉詔書悉免追陪今
在京諸衛官在騎操馬及各處衛所有司係官孳畜合
無亦準前例

上命悉免之 行在錦衣衛指揮僉事曹彬生朦朧奏釋

重囚行在都察院奏彬所犯於律應斬而事在赦前

上命譴戍保安衛 戊寅以營建

仁宗昭皇帝陵寢於

長陵之右遣官祭告天壽山及厚土之神 行在禮部尚

書呂震奏今恭上

皇太后尊號冊立中宮已詔告天下請令在外文武五品

以上衙門凡遇正旦冬至拜進

皇太后表文中宮箋文各一通

皇太后聖節中宮千秋節請行各王府長史司依例進表箋慶賀從之 韓王冲域奏初之國平涼貨用未備居室未脩護衛官軍憚遠多逃請改國江南

上遣書召曰國中凡百費用已令有司措置宮室亦令工部脩理軍校在逃者可令護衛儀衛司以名聞即付所司追捕發去所喻改國江南則有

先帝之命在固不敢違且聞平涼善地先帝所擇以處至親人情居久則安矣 晉王濟熿以

上即大位奏請射詣京師朝賀

上以遺詔有命且藩屏之重方切倚賴復書止之自後諸王有奏請朝賀者皆如之 名鎮守淮安都指揮閻福還京 命四川永寧宣撫司經歷張守規等二十四人致仕時行在吏部言守規等皆年七平之上耳矐目昏

不能任職

上曰七十致仕古今通典然亦有不聽去者以其尚可用也既皆聰明不建留之何益聽致仕去以順人情行在都察院右副都御史弋謙上言二事一經國理民固以人才為本而繫之重尤在守令蓋守令得人則民受其福而太平可興不得其人則民受其殃而風化以替此自古所重必需擇其人而後任之也臣頃經北京直隸及山西陝西其府州縣官多缺兼今歲雨少夏麥薄收秋種未入土民心愁戚形見容色既無守令撫綏而上官念慮亦不及此乞勅吏部公同三五大臣於見聽選官及郎中御史給事中行人進士監生之中選擇堪任守令者授以郡縣之職伏願親發玉音丁寧誠諭使之感恩畏威不敢妄為如此則官無暴雷之政民免

夫所之憂矣其二朝廷買辦諸色物料有司給價十不
及一况展轉剋減上下糜費至於物主所得幾何名祿
買辦無異白取且一夫耕作上農不過百畝中下之農
僅有其半除夏秋二稅所存無幾苟再分外侵耗使民
不貧而困者寡矣盖有司官顧望進退不敢遵依時直
意謂有益於官無患於已然不知科派頻仍民力不支
逃竄流離所謂有益於官者實所以為官損也所謂無
患於己者實所以為己患也苟不虧其價直使民常得
安生樂業如有急需應手辦集始若損於官終寔益於
官始若患於己終寔便於己較之於前其功效相去不
啻千百傳曰財散則民聚又曰百姓足君孰與不足正
謂此也臣願自今以後欲有買辦如果不係軍需急用
之物乞且停止候民力完實年穀豐稔然後派買實為

民便民便則國安國安則天下無事而致治之道可馴
至矣

上覽之顧謂侍臣曰守令民之父母豈可曠缺選拔除授
實合朕心至於科買諸物每令實於價錢虧價損民有
司之過易損上益下則為益損下益上則為損宜速行
戒約有不悛者必加之罪 巡按湖廣監察御史植巽
言布政司叅議莊謙才按察司僉事張善皆庸需不稱
岳州府知府同知通判經歷檢校安鄉平江二縣官皆
非其才或使酒貪害或怠廢政事宜加黜罰具以名聞
上命吏部如所奏降黜又諭之曰牧伯守令以承流宣化
為戒任非其才下受其害爾吏部宜加意旌別毋怠
免故忠誠伯茹常男銓鏞為民永樂中銓鏞坐累沒入
官語成廣西河池

仁宗皇帝即位遣人召還至是銓鑄及家屬二十七人皆

至

上命悉放為民仍給所沒房屋田產 頃天府懷柔縣知

縣邵原亨奏本縣山場曰禁樵採輸官薪炭措辦置難
自今黃花鎮東至紅螺山去山壽山已遠乞弛禁以便
民

上可其奏諭行在工部尚書吳中曰弛禁便民朕所不吝
若採之無節恣意砍伐則材木易竭宜令以時取之仍
禁傷其根本庶幾可常資用 南京地震 己卯陽武
候薛祿言大同操備官軍二萬人月支米五斗宣府一
萬人月支米三斗多寡不同宜均給四斗仍定為例從
之 交趾布政司奏各府州縣儒學自永樂十三年開
設以來並無朝除教官多是土人訓誨通經者少諸生

頗知讀書然皆言語侏離札法踈曠雖務學業未習華
風若除教授學正教諭董率士人訓導其模範示以
教條庶幾日就月將耳濡目染變蠻夷之習復華夏之
風寔為美事

上曰古稱立賢無方又有教無類况師者人之模範用夏
變夷莫先於此其令吏部選除 浙江烏程縣知縣黃
榮宗奏永樂二十二年五月苦雨下田尽傷時通政司
左通政岳福以聞蒙免所徵秋糧至七八月間雨潦尤
甚淹沒田稼一千六百一十一頃九十餘畝該糧五萬
三千九百九十石有奇小民辦納為難乞候今年秋成
通徵從之 夜有流星大如雞彈色赤尾跡有光出句
陳西南行入紫微東瀋 庚辰漢王高煦陳奏國利安
民四事

上覽之喜命有司施行

上復書謝之曰叔父忠存宗社遠辱嘉謨銘感于心已悉付所司施行惟頻惠教是所深望既而顧侍臣曰永樂

中

皇祖嘗諭

皇考及朕謂此叔有異心宜備之然

皇考待之極厚如今日所言果出於誠即是旧心已革不可不負後也 賜諸王黃金文綺錦紗羅布鈔有差

上諭行在禮部臣曰朕初即位諸王宗親守藩在外宜有賜費用展親於是周慶代寧瀋漢趙七王各白金五百兩文綺二十表裏錦五疋紗羅各二十疋兜羅錦五疋西洋布十疋鈔三萬貫漢趙二王各加賜黃金百兩晉楚魯肅遼韓唐伊秦蜀十王各白金三百兩文綺十

表裏錦三疋紗羅各十疋兜羅錦三疋西洋布五疋鈔
二萬貫 賜寧國大名南康永嘉會山汝陽寶慶七大
長公主及永平安成咸寧三公主各白金二百兩文綺
十表裏紗羅各十疋錦三疋兜羅錦三疋西洋布五疋
鈔一萬貫 行在工部臣奏脩韓王宮殿請令陝西布
政司都司協力為之

上曰兼用軍民固易成功然須戒飭毋擾下人 命行在
都察院右副都御史弋謙為交趾右布政使時交趾布
政使戚繼生貪濫黜遂命謙代之 陸大理寺右寺丞
陸積為交趾布政司左叅議擢吏孫子良為右叅議積
先從總兵官在交趾子良先任兵部武選郎中有罪語
交趾充吏至是掌交趾布政司事兵部尚書陳洽奏舉
二人通達政體久在交趾諳知夷俗堪任奏議遂有是

命 行在都察院奏遼東廣寧右衛指揮使宋祥知妻
兄孟賢為常山中護衛指揮僉事時造反逆謀而不舉
奏於律應斬

上命謗戍緣海衛 夜有流星大如雞彈色青白有光出
勾陳西北行至近濁 辛巳占城國王占把的賴遣使
臣逋汝怕麻叔等奉金葉表貢金銀香象牙犀角等方
物 賜在京官吏軍民人等白金公一百兩候伯八十
兩文官武官一品二品六十兩三品三十兩四品二十
兩五品十五兩六品七品十兩八品九品雜職五兩將
軍旗軍校尉人等各二兩聽選辦事文武官及監生生
員人才吏典僧道陰陽耆民醫士工匠廚役樂人各一
兩優給幼官及試職千百戶鎮撫老疾幼軍各於其例
減半四夷朝貢之人有戡事共京官同無戡事者正使

十兩副使及冠帶頭目把事通事打刺罕回、各五兩
無冠帶頭目把事通事客人舍人回、各二兩後人各
一兩各處管工自七月二十日以前到京者都司布政
司按察司官知府指揮各十兩千百戶州縣等官各五
兩旗軍工匠吏典人等各一兩凡三十二萬九百五十
人給銀九十六萬三千八百二十九兩 壬午漢王高
煦遣世子瞻坦來赴

仁宗皇帝喪 遣行在鴻臚寺司賓署丞焦循攝禮部郎
中鳴贊盧進攝鴻臚寺少卿以即位詔頒朝鮮

上諭之曰朝鮮為國東藩世脩戎貢朕嗣承大統所宜詔
告簡爾將命尚以礼自持用副任使其慎之 賜鮮朝
國使臣孟思成等鈔綵幣表裏金織羅衣絹衣有差
上因諭行在礼部尚書呂震曰遠國朝貢固有常分然我

祖宗以來待下素厚今朕即位之初凡事必循旧典勿失
遠人之心 河間阜城縣耆民李彬言近奉詔書內一
款鰥寡獨孤及篤廢殘疾者有司依例存恤無令失所
及以罪編發為民種田年七十之上孤寡無人養贍者
遣回原籍今本府以罪為民者多年雖未必七十而其
間殘疾孤寡無人養贍乞食度日者十之四五生無所
資死無所歸乞勸實遣還依親庶得全生
上加其言命行在戶部臣如所言行之 軍民任本等數
人自宮以求用行在禮部尚書呂震以聞

上曰

皇考在御時嘗有自宮者以其毀親遺體為不孝皆發戍
交趾今此人尚敢爾即循例發遣更申明禁約再有犯
者悉如之 昏刻有流星大如碗色青白光燭地出閣

道東北行至近濁

大明宣宗章皇帝實錄卷之三

大明宣宗章皇帝實錄卷之四

洪熙元年七月癸未賜趙王高燧田園八十頃有奇以初之國故也。調鳳陽府同知王鳳等一百一十九人為交趾府州縣官時行在吏部奏中外官初有罪罰後逃匿者曾經赦宥。

仁宗皇帝臨御命于交趾任用今鳳等所犯事情請如例調用從之復命有年六十以上精力已衰者罷歸為民。賜雲南鎮沅府知府刀騰等交趾嘉林州土官判官阮佑官四川烏蒙軍民府把事阿賴湖廣金峒安撫司把事冉中廣西上思州土官知州黃智永貴州羅番等長官司土官舍人龍通源等鈔紵絲紗羅絲綃有差

甲申

太宗皇帝小祥

上率親王詣

几筵行禮 乙酉陞大寧都司都指揮同知金順為行在
左軍都督府都督僉事 巡撫浙江右布政使周幹言
嘉興府海鹽縣地臨大海數被倭寇洪武中設海寧衛
及澉浦乍浦二千戶所陞置烟墩水置海船官軍往來
巡警晝夜有倫盜賊屏息百姓安堵永樂七年羊去烟
墩移置海船于沈家門水寨相去一千餘里卒有寇至
消息難通及官軍至賊船已退官軍既回賊船復入軍
無休期民無安枕若曰仍各守地方及量發附近官軍
助守每歲差庶幹都指揮一人總督操備庶幾倭賊知
懼軍民兩便

上曰前更改時自以為是矣今復欲改亦未可輕率古語
利不十不變法其令都督府遣官與浙江福建三司官

及捕倭總兵熟議便利以聞 命行在兵部右侍郎戴
綸往文趾叅贊軍務賜綸勅曰爾往交趾副尚書陳洽
贊理榮昌伯軍務夫邊寄重任爾以六卿之貳叅贊其
間宜端謹勤密以稱委任爾往欽哉 夜有流星大如
鷄彈色赤尾跡有光出天津東北行至雲中 丙戌改
行在軍都督僉事劉鑑于南京後軍都督府 陞河南
都司都指揮同知王敬為行在前軍都督府都督僉事
以進士蔡子誼為儒學訓導子宜永樂六年以親老
歸侍親終服闋七年不起及是遇赦始起吏部劾其願
私忘公難以任用
上懷土人情之常非有大過且辛苦學問得成進士不可
終棄其授以儒李訓導 降前江西布政司右叅政潘
賜為刑部浙江清吏司主事賜先生事謫交趾辦事會

敕還京故有是命 交趾各府州縣儒學選貢生負王
憲等八十二人至京師

上諭行在禮部尚書呂震等曰交趾距京師萬里遠離親
戚而末湏是教養得宜彼乃樂學可望其成材爾與學
官宜知朕此意其衣服歲賜一如雲南之例 遣行在
戶科給事中樊敬等賜營造山陵官軍工匠鈔 丁亥
靖江王佐敬遣奉國將軍佐敏詣

太宗皇帝几筵行小祥祭禮畢辭歸賜鈔五千貫命兵部
給驛舟 答密忠順王免力帖木兒遣都指揮脫、不
花福餘衛千戶把禿兒泰寧衛都督阿者罕妻歪刺失
里千戶把禿不花等奉朝貢馬 陞都指揮同知把兒
歹為行在前都督府都督僉事 命故左軍都督僉事
張達子鑑叢金吾左衛指揮使都指揮僉事朱福子能

龔為金吾前衛指揮使常山左護衛指揮僉事呂福子
能龔為羽林前衛指揮僉事金吾右衛指揮使許廣子
文羽林前衛指揮僉事王礼子剛指揮同知徐敬子友
刘海子榮羽林右衛指揮使謝貴子讓府軍右衛指揮
僉事薄貴叔原府軍後衛指揮僉事董真弟旺燕山左
衛指揮僉事任貴子能王貳姪大興左衛指揮僉事
張成子榮旗手衛指揮僉事于全叔勇俱龔賊山東都
指揮僉事陳忠弟礼龔指揮使于行在羽林前衛帶俸
上直守備金吾左衛左千所正千戶周思隆嫡孫斌龔
陞指揮同知盖思隆有軍功未陞而卒故以命斌 命
慶府長史張彞典薄李守中致仕仍就王府食祿不治
戰務從慶王櫛所奏也

上因諭行在吏部臣曰王能不遺旧人有始終之義亦厚

之道如彞等又能忠效規益斯君臣兩善矣 戊子陞
行在陝西道監察御史陳遜為雲南布政司右叅政行
在刑部湖廣清吏司員外郎沈定為湖廣布政司右叅
議福建道監察御史曾穆為福建按察司僉事河南道
監察御史王鉉為浙江按察司僉事行在工部也田清
吏司主事葉承宗為湖廣按察司僉事永平府盧龍縣
知縣葉瑄福建同安縣知縣刘性同廣東英德縣知縣
陳訥為監察御史瑄行在山西道性同行在貴州道訥
行在四川道擢庶吉士黃樹薛理楊鵬高峯山東章丘
縣李訓道張居傑儒士儀銘為給事中澍居傑行在吏
科理行在戶科銘行在禮科昂行在兵科奉行在刑科
銘故礼部右侍郎儀智之子兵部侍郎戴綸薦其才堪
任用居傑考滿應陞其老者奏乞再留

上俱命為給事中因諭少師吏部尚書蹇義曰前代命官
內外更踐近頗聞外間言仕者一為教官即老于杏林
有志于世用者多不樂就此職自今用人不得執一
調廣東按察司副使成寧可為福建按察司副使命
都指揮卞福仍往開平備禦先是都督吳傑與都指揮
唐銘同守開平既亡傑還遂命福往副銘復前太僕
寺丞郭崇義官聽致仕還滁州初崇義為太僕寺丞
永樂中奏乞致仕以違例謫交趾中途遇赦還至是自
陳臣愚誤觸

天聰以致顛越今老不能報效乞務憫賜聞

上命復其職仍听致仕崇義又言臣本寿州人今祖父坟
墓皆在滁州願得守墓為便遂命歸滁州行在鴻臚
寺司賓署丞賀洪言臣父銀故通政使蒙恩贈工部尚

書

仁宗皇帝以臣父故授臣前職送國子監讀書命從科奉
出身緣臣母胡氏老病伏望

聖恩憐憫放回讀書養母終年

上曰學者孝為忠與孝也母老可使違養乎命禮部從其
請 行在工部奏浙江布政司言本司治所為火所燔
暫蓋席舍治事今亦敝壞請于農隙之時役丁多之民
採木重建從之因命天下諸司凡廨宇頽敝者听修葺
廣西廣遠府思恩縣奏本縣累被蠻寇出劫殺傷官
吏細民逃避夫所採食蕭蒿以救飢餒永樂二十一年
二十二年稅糧难于催納乞以其半折鈔每石折三十
貫赴送本布政司官庫收貯從之 河南臨漳縣奏六
月大雨漳滏二河皆漲衝決三家等村堤岍二十四處

上命行在工部即發所在軍民脩築 己丑勅總兵官都督譚廣曰言者皆云萬全左右保安右及懷來四衛當益兵守備今其官軍之在宣府操練者宜各遣還遇有聲息仍听爾調遣各城堡烽燧不堅固器械不精利者宜即脩治軍中或利有當興弊有當革者具奏處置務使軍士得所邊境無虞庶副委任之重

上諭行在工部尚書吳中等曰天壽山營造民夫勤勞可移文原籍有司免其戶丁徭役事畢仍曰又諭中曰兩潦暴漲朕慮各處並河堤岬多衝決今秋稼垂成民食所係速遣人嚴督有司巡視衝決者即時脩築 隆思羨中衛小甲甄成兒為百戶先是虜寇侵薊州黃崖口守備官軍失戒東勝右衛指揮同知李遠等率兵夜出鮎魚石追擊擊敗之斬虜首一級獲其人口軍器馬牛

事聞勅鎮守薊州山海都督僉事陳景先第功次以聞至是景先奏追嚴指揮李遠等官軍四百三十二人小甲甄成兒斬虜首一級奮勇效力者二百四十三人接應者一百九人

上曰官軍皆陞一級小甲甲役乃能斬虜功在人上其超升世襲百戶賜鈔一百錠絲幣二表裡千戶鈔一百錠絲幣二表裡其奮勇殺賊管隊指揮鈔二百錠絲幣二表裡百戶鈔八十錠絲幣表裡一總小旗甲舍人鈔六十錠緇二匹老軍餘丁引路民人鈔四十錠綿布二疋齊力向前千百戶鈔八十錠絲幣表裡一旗甲軍人鈔二十錠綿布一疋接應指揮鈔八十錠絲幣表裡一千百戶鈔各四十錠緇二疋旗軍鈔十錠綿布一疋 賜番僧大因師板的達僧官刺麻高僧一人班丹端竹等

三百二十六人白金有差行在吏部言旌德縣儒學
教諭林銖前歷九年無舉人例當追俸充軍

仁宗皇帝在東宮特垂寬宥令再教三年今又無舉人請
罰如例

上曰先朝嘗寬宥之可再令教三年若復無成罪之未晚
日生左右四珥色黃赤鮮明庚寅行在工部尚書

吳中奏今

山陵事嚴工力不敷乞于河南山京山西直隸鳳陽大名
諸府州起民夫五萬助庶幾早完

上從之命行在吏部侍郎黃宗載等分往各處擇丁多之
家起取候秋成畢赴工滿三月即放仍令有司免其家
兩丁差役三月改四川雅州學正何源為土官衙門
吏目源雲南人以監生授學正自陳不通經字雅為師

範願改他職

上諭行在吏部尚書蹇義等曰非經明不可為人師雲南
生固不通經量才授職則人皆效用官不廢事此亦初
授之際失于酌量其改為土官衙門吏目彼知土俗亦
得展布 瓦刺只兒瓦歹等六人未歸奏願居京自效
命為百戶賜冠帶金織叢衣綵幣銀鈔綿布鞍馬仍命
有司給房屋器物如例 陽武侯薛祿奏鵬鶚赤城雲
州赤雲嶺石諸站皆在邊野開平老幼餘丁亦於此種
田猝有虜寇無城可守况開平與獨石相距五站城垣
不堅且使命往來道路荒遠若移開平衛于獨石令鎮
守宣府都督譚所領官軍築城守備寔為便益
上曰開平極邊廢置非易事當徐議 辛卯趙王高燧奏
護衛軍士當建營房原撥地少不足分給彰德軍民之

家多有閒地請命有司勘實撥賜

上從之諭行在戶部尚書夏原吉曰細民有不得所朝廷當與處置况親王乎且裁有餘以補不足亦是均平之道
土魯番城都督僉事尹吉兒察四川播州宣慰使楊昇貴州貴竹等長官司宋長官宋昌等來朝貢馬行在吏部奏交趾右布政司右使弋謙由副都御史初陞輒乞還鄉祭祖然後赴任緣先奉

仁宗皇帝聖旨外任官須九年考滿乃許祭祖

上曰謙赴遠任欲展省而行此人情也許之 行在戶部

奏山東黃縣累年被灾通負稅糧皆羨蠲免永樂二十一年雖未傷有然困悴之餘亦難力納乞折納鈔

上曰比年灾傷之處多不特黃縣宜視各郡縣其年有未納者皆令折鈔以甦民力 總兵官征蠻將軍鎮遠侯

顧興祖奏廣西潯州府桂平縣大滕夾地連貴縣平南
武宣及柳州慶遠山勢陡峻江灘峻急蠻寇據為巢穴
每于此去劫殺人掠財自潯州至宣武江路阻溢二
十餘年今親領官軍至宣武峽口水陸峽攻勦滅巨寇
餘黨悉平邊境息 征虜前將軍鎮守遼東總兵官武
進伯朱榮奏近虜寇入境調都指揮唐琦率兵追擊至
駱駝領斬虜首七級獲其羊馬六十五榮又言朵顏衛
達官指揮哈剌哈孫等不來朝貢或有貳心請遣都指
揮唐琦等率兵偵之果若懷貳即乘其不備執之

上曰古者馭夷未不拒去不追今雖不朝貢亦未敢擾邊
遽加以兵非懷柔之道遂勅榮曰馭夷宜寬用兵宜審
况虜多詐未可輕忽勅至但整擗部伍謹慎提備其未
不來不計也 真定府奏六月以來霖雨滯沱等河

皆漲衝決堤岬定晉深三州藁城無極饒陽新樂寧晉
五縣低田皆沒

上命行在戶部遣人勘視 壬辰封後軍都督府左都督
吳成為奉天翔衛宣力武臣特進榮大夫柱國清平伯
食祿一千一百石子孫世襲成山後人初名買駙永樂
中賜姓名事

太宗皇帝以武功積官至都督
上以其事

祖宗效勞居多至

上嗣位嘗猷忠懇故加封爵給誥券追封其三代祖考皆
清平伯妣皆夫人妻皆夫人 召尚寶少卿袁忠徹忠
徹父庭玉以相術事

太宗皇帝于潛邸官至太常丞卒忠徹習其父之術累官

至少卿

仁宗皇帝初嗣位請告省母命俟母以俟召命及是召還
戒云 命後軍都督同知鄭銘鎮徐州 行在工科給
事中吳彞等劾奏比者行在工部侍郎蔡信奏請南京
廊房十間與家人居

聖恩與之緣信於

仁宗皇帝時已奏請未宥樓一所以居家人今隱匿不言
復請廊房貪冒欺詐宜寘之法

上曰小人務利何有厭足但今山陵方資其用姑宥之廊
房亦不與 西安衛軍校告掌陝西都司事都督僉事
胡原過秦王府門馳馬不下進表箋怠慢不謹及市私
茶等事都御史刘观請逮治之

上曰原因有罪但念旧臣

皇祖俾守陝西委託亦重姑宥之其條錄所訴狀以示之
使改不改不宥行在大理寺卿虞謙奏貴州道監察
御史所鞠強盜閩閩等十一人皆南陽衛軍固稱河上
運磚具有證驗為人所誣再經審勘不伏請如例會六
部都察院通政司等衙門堂上官同審

上曰強盜極惡領須令死者心服乃可當與辯明庶不罪
及無辜永平府樂亭縣民胡敬言致治莫急于聽言
言路通塞治亂繫焉古之聖君未嘗自全必稽于中舍
已從人臣願陛下開不諱之路廣忠諫之門清問下民
易近物聽受忠鯁不拒拂逆則上無壅聽下無隱情而
嘉言嘉謨日有所聞矣臣又願

陛下言必信用必賢戒無益慎虛声勅天命恤民隱夫上
務信則事不因循而可有功用必矣則治功興而民生

遂不作無益則賦歛省而民不困不尚虛聲則無好大喜功之患守儉約而德愈而德愈崇矣天者理而已動靜為常存戒飭則事不違天而天眷之民惟邦本凡有動作思民力艰难則德洽民心而黎民永懷如是則政治脩奉

聖德日新和氣自臻兩暘時若四夷未庭邊境清宴
陛下端拱無為熙々皞々可以駕三代而追唐虞尚何慮
古治之不及我臣愚惟望

陛下誠于求言以來天下之善而于六者終始力行則天下幸甚

上嘉納之 夜有流星大如盃色赤光照地起五車東北
行至北斗魁炸散 癸巳廣西上隆州故土官知州母
陳氏雲南武定軍民府金沙江巡檢司故土官巡檢子

劉進忠雲南縣你旬巡檢司巡檢你花等來朝貢馬
遼東廣寧馬市官千戶王咬納等進所買遼官馬四百
六十五匹 陞交趾布政司左叅政劉子春為廣西按
察使子春嘗為春坊中允累遷至叅政

仁宗皇帝即位以旧官臣呂之至是始至遂有是命 以
故應天府丞張執中之子俊為鴻胥寺司賓署丞先是
仁宗皇帝即位念執中旧人有守城功也其子欲官之使
者至其家與執中孫守謙未守謙自陳未嘗有叔俊
今居南京寔與祖同力守城者遂召至命以是職 行
在吏部言行在礼科給事中傅安使撒馬兒罕留二十
餘年始歸請給勅命雖其歷年久未經考覈例難給授
上曰安為朝廷使遠夷艰苦多矣可拘常例乎其即授之
行在戶部奏直隸鎮江丹徒縣民戚丑閔莫勝七等

言所種官田五十五頃七十餘畝濱江為風潮衝決入江該稅糧二千一百餘石官府仍舊徵納

上命除之顧謂尚書夏原吉曰民艰苦不止于此比來各處數言入秋霖雨水潦泛溢渰沒田苗寔多此是天灾流行人難力卿宜令所司覆勘若果成灾稅糧皆當斟酌減免毋重困民 夜有流星大如雞彈色赤尾跡有光起天倉西北行至雲中 甲午賜隨從漢世子郡王指揮劉興等金織文綺綵帶絢繡衣等物有差 賜占城國使臣通紗怕麻叔等鈔綵帶表裡羅絢繡衣有差賜通事舒義等冠帶仍命賫文錦紵絲紗羅歸賜國王 行在戶部言瓦剌歸附人亦速不花等今授都指揮等官請于錦衣衛月支俸糧

上曰虜人未歸非籍俸賜何以自養如例給之又曰昨本

雅失里妻及外母亦宜優贍每月各與米五石 北京
會同館奏兩陳堂屋墻垣

上諭行在工部尚書吳中曰四方使命往來宜有依庇其
速繕理 浙江黃巖縣知縣劉道成奏本縣所屬二十
餘都田低下率多水潦四十餘都田高溝港淺溢恒慮
早乾旧于海際築閘一十八所土壩一十餘處啓閉以
時預防旱潦後皆頽壞永樂間本府增設通判一負專
理農務重加脩理甚為民便比以汰冗負去而本縣公
務益繁提督不周兼值連歲洪水海潮衝蕩者多乞曰
仍增設府官一負專理農事每歲秋成後興工脩築庶
以便民從之 乙未雲南金齒軍民指揮司騰衝守禦
千戶所土官千戶張銘嵩明州故土官姪趙三應等未
朝貢馬 命陝西都指揮使李達復耿仍守洮州達定

遠人初為廣寧中護衛指揮使建文中陞都指揮使調陝西都司永樂初守洮州坐事發隨武安侯立功至是遇赦還兵部言當復指揮使

上察其能令復都指揮使仍守洮州行在都察院奏北京行部工曹主事曾宗儒採木四川求賕又盜官木歐死民夫強占人子女為妾雖事在赦前而情犯深重

上命杖一百謫戍廣西因諭左都御史刘觀等曰五刑謂之天討以其至公無私若以私意為重輕非天討矣尔法司能以公存心而行之以忠厚亦可感召和氣為邦家之福于尔亦有利焉若立心不公輕重任情枉及良善人將歸咎朝廷鬼神鑒之亦非尔等之福如犯者情有可矜罪有可疑尔懷顧慮不欲自斷者為朕言之當為裁決行在大理寺奏行在刑部都察院所問大辟

重罪

上曰刑法非致理之本然有罪不治無以懲惡必得實情則施刑者無愧受刑者不怨卿等最宜詳慎 四川茂州秦州城臨邊新立學校未有文廟無以奉祀先聖止借茂州衛間屋教授生徒而州治之南旧有護林驛道路于僻使客甚稀請增脩為亭而改州門舖為驛以旧單稅課局為舖使師生講學有依聖吳祭祀有所從之夜有流星大如盃色青白尾跡有光起羽林軍東南行至近濁 丙申造鄭王等八府鍍金信符銅牌八副命山東鹽運使唐鑑致仕鑑鳳陽虹縣人故太子少保兼兵部尚書鋒之弟

太祖皇帝選為散騎舍人累陞今朕年老目眚巡按御史言其婚忘不任事鑑亦以疾自陳行在吏部言當免為

民

上曰聞鋒洪武中名臣鑑之進用蓋以鋒故今老疾無故亦可見其循謹宜休

太祖進用之意俾冠帶致仕以全始終之恩 巡按四川

監察御史何文淵言

太祖高皇帝令天下州縣設立老人必選年高有德衆所信服者使勸民為善鄉閭爭頌亦使理斷下有益于民事上有助于官司此誠良法比年所用多非其人或出自僕隸或規避差科縣官不究年德如何輒令充應使得憑藉官府肆置閭閻或因民訟大肆貪贖或求公文橫加騷擾妄張威福顛倒是非或遇上司官按臨巧進讒言易置良愚變亂黑白黑扶制官府比有犯者謹以按問如律切慮天下州縣類有此等請加禁約

上諭行在戶部臣曰必申明洪武旧制選年高有德者充
遠者并有司皆真諸法 北京順天河間保定三府順
義懷柔肅寧任丘靜海慶都清苑雄八縣及永平府深
州各奏今年夏秋多雨河水泛溢淹沒田苗命戶部遣
人勘視 昏刻有流星大如盃色赤有光起歷東南行
至近濁 丁酉陞哈密忠義王遣耒使臣都指揮同知
脫、不花為都督僉事千戶把、孩為都指揮同知
武進伯朱榮卒榮山東兗州府沂州人洪武中選充軍
衛驃騎舍人陞總旗從征雲南有功陞百戶進大寧前
衛副千戶

太宗皇帝靖難以功累陞至左軍都督府都督僉事永樂
四年征交趾陞右都督八年從

車駕征北虜至靖虜鎮進左都督後屢從征迤北勒戮胡

寇以功封奉天翊衛宣力武臣特進榮祿大夫柱國武
進伯食祿一千二百石子孫世祿二十二年從征至龍
虎岡還奉命佩征虜前將軍印鎮守遼東至是卒訃聞
遣官賜祭賻贈有加追封武進侯謚忠靖子冕襲伯爵

大明宣宗章皇帝實錄卷之四

大明宣宗章皇帝實錄卷之五

洪熙元年閏七月戊戌朔琉球國中山王尚巴志遣使者佳期巴那等來朝貢馬福餘衛都指揮安山等遣人納馬贖罪且奏衛印為寇所奪乞再降又言暖谷失之子帖格多為大軍所擒乞赦罪放還

上諭侍臣曰安山嘗縱所部擾邊可罪今云印為寇所奪夷虜狡詐未可信但朕初即位彼遣使乞祿憫姑曲恕之遂命禮部鑄印給之釋格帖多遣婦仍遣使費勅諭以禍福令改過自新夜有流星大如盃色青白光燭地起天倉東南行至天園 己亥

上諭行在戶部尚書夏原吉曰岷州地臨邊疆其土民舊令衛所帶管者蓋欲使得安業近聞衛所擾害非一致其逃竄者多今雖赦宥復業其居宅田土已為豪獨占

據宜行岷州凡土民惟令本衛經歷司帶管經歷文官
必能撫恤凡產業為人占據者皆令追還庶幾不致失
所 行在刑部尚書金純都察院左都御史刘現大理
寺卿虞謙等奏前奉詔書內一款今後一應罪悉依大
明律科断法司不許濫刻妄引榜文及諸條例比擬今
照大明律內京城一應經断之人並不得宿衛守把皇
城京城門禁綠京衛軍旗舍人餘丁校尉力士京民厨
役俱是守衛供應之人有犯笞杖断者決並不得宿衛
供應杖八十以上軍調外衛民調外郡今依科断惡奸
詐之後畏避在京差使故犯罪名希求出外已嘗具奏
有旨令會議今議得除偷盜毆鬪傷人及威逼人致死
犯奸依律断決外其餘俱照例准工贖罪滿日疎放還
役三犯則依律厨子從本役又監生生負有犯公罪紀

錄私笞監生罰贖歷刑一年依律考用生負罰贖送原
學讀書杖罪的決充吏又緣海邊衛旗軍有犯徒流罪
者止杖一百不調總小旗軍罷充軍

上曰

太祖定律蓋欲萬世常行朕亦以為人所共知庶幾不犯
卿等乃慮小人徼幸故設此權宜亦是但更須詳明不
可過于深刻都督府吏左輔興州衛軍士譚瑛言驛
站及民間粮稅養馬諸事

上命行在禮部議尚書吳震對曰利民之事近皆舉行吏
與軍卒希求進用其言無足采者

上曰聖人不棄芻蕘之言前下詔書凡軍民利病許諸人
陳言朝廷但當察其言之當否不必計其人之貴賤其
如例會官議果有可行者即與施行 庚子復張幹請

州知州幹濟州得民心以旧官還當去州耆民三十餘人詣北京訴于吏部曰前知州在任久一志貪利吏弊滋生民不勝其掊剋新知州廉潔公勤一志保民吏不能為奸乞留新知州以惠細民吏部以聞

上曰新知州可為君子其留之以慰民望又曰古人言靡不有初若得其慎終如始則愈善矣 行在鴻臚寺司儀署丞周庭言臣故父冕春坊司諫

仁宗皇帝以臣父故特錄用臣且命于國子監讀書由科奉出身緣臣祖父母俱年踰七十無人侍養伏望

聖恩矜憫令還鄉讀書以便供養從之 征西將軍叅將保定伯梁銘奏寧夏等衛緣邊守瞭旗軍曰給皮襖皮帽羊火破壞請再給

上諭行行工部尚書吳中曰境邊苦寒守備軍士晝夜勞

芒速令陝西布政司都司製造給付不可後時其長安
嶺等處守瞭官軍爾工部亦製造給之 辛丑行在禮
部奏

仁宗昭皇帝即位之時凡在京文武官自公侯一品至九
品以下應給誥勅者還鄉省親祭祖悉賜鈔公侯伯一
品至二品五千貫其餘遞減永為定例今省親祭祖者
援例以請未敢專擅

上曰悉遵

皇考之制 命仍給駙馬都尉廣平侯袁容侯祿初容歲
支祿米二千五百石後以公主薨

仁宗皇帝止與駙馬祿一千石停其侯祿至是請依詔書
例給侯祿

上命給之 山東布政司奏濟南肥城及東昌立縣田養

官牛計租米一百五十四石今牛皆倒死租額未除
上曰有牛然後有租牛死租何從出命戶部速除之 行
在禮部尚書呂震奏代王進謝恩表失于書名請罪其

官屬

上曰此書者之疎畧也代王老矣若責其官屬王心不安
其宥之但移文長史俾知之 夜有流星大如雞彈色
青白有光起羽林軍西行至壘壁陣 壬寅嚴封行聖
公孔彥縉未朝陞見

上諭尚書呂震曰先聖子孫宜加禮待

先帝時其未朝宴勞賜予特優今當更加遂賜金織文綺
靛衣如一品例 廣西田州府故土官知府子岑昭遣
頭目李榮果化州土官知州趙美遣族人趙誠等未朝
貢方物 瓦刺部屬脫未歸奏願居京自效命為百

戶賜冠帶金織罷衣綵帶銀鈔綿布鞍馬仍命有司給
房屋器用等物如例 夜有流星大如碗色青赤光燭
地起天倉東南行至天庾 癸卯行在大常寺奏明年
春

郊祀及各壇祭祀犧牲請如例遣官賣鈔往保定及山西
諸郡收買

上諭之曰此奉

天地神祇宜戒所遣官必加敬慎所祀犧牲必加依時直
毋一毫損民苟有怨咨神不顧享旧制凡買祭物直隸
移文巡按御史在外移文按察司官嚴督使無瀆慢尔
等其勿違旧制庶幾稱朕敬

天地

祖宗之意 造鹵簿大駕初行在禮部奏

皇上初登宝座合用鹵駕大駕以備宣德元年正旦及郊天祭祀之用至是命工部繕造御仗一對肅清旗一對金鉦四黃旗四十金鼓旗二金四角二十四杖鼓四板四笛八鼓四十八繡旗八十一白澤旗四黑纛一紅纛二紅節二大紅纛一大銅角一对小銅角一对五方旗各一豹尾一大輅一玉輅一大馬輦一小馬輦一香步輦一板步輦一涼步輦一宝匣一柘黃羅繡九危圓傘二黃平羅繡圓傘四大紅羅繡危瑞草圓傘四大羅紅綉花雲傘四大紅羅繡瑞草圓傘四黃銷金九龍圓傘二白銷金圓傘二皂銷金圓傘二青銷金圓傘二大紅羅素方傘四紫羅素方傘四黃油絹銷金兩傘一黃線羅綉雙龍圓扇二十二大紅羅雙龍圓扇二十黃羅繡單龍圓扇十大紅羅單龍圓扇十青羅鸞鳳堆方扇十

二大紅羅繡花圓扇十大紅素羅方扇二十黃素羅圓
扇二十金節三對響節十二對方天戟四對御仗二絳
引旛五對羽葆幢五對龍頭竿五對信旛五對傳教旛
五對告止旛五對青龍白虎幢一對朱蒼玄武幢一對
黃麾一對豹尾二對御仗二班劍三對儀刀三對梧伏
三對立瓜三對臥瓜三對骨朵三對金鐙三對金鉞三
對單戟三對龍戟三對紙燈三對鮑燈三對紅紗燈六
對鳴鞭四蠅拂子四戈斿一十對儀鎗斿一十對戟斿
一十對御仗二旗內方天戟十二對具服屋殿一座金
交椅一金腳踏一金盆一金罐一金馬杓一鞍籠一金
香炉一金香盒一金唾盃一金唾壺一御仗二擺錫明
甲一百副盔一百頂弓一百箭三千刀一百其執事校
尉每人戴帽只孫衣銅帶靴履燕一副俱全常朝各色

羅掌扇四十各色羅綉傘一十萬壽傘一黃雙龍扇二筵宴銷金羅傘四銷金雨傘四金龍響節十二對

上御西角門諭尚書吳中等曰比聞工部差人催柴炭料工匠等事多有暴酷傷人者事有不可已者亦當從容使人措辦若暴酷逼迫為朝廷斂怨失人心矣宜詢察一二人痛治之以儆其餘 廣西上林司土官長官岑志威遣頭目張義雲南富州署州事舍人沈政等未朝貢馬 改詹事府詹事俞士吉為刑部右侍郎 以隨侍曰勞陞行在錦衣衛百戶李順為本衛指揮僉事行在戶部奏左軍都督僉事金順先任都指揮同知其俸依達官例米鈔中半支令陞都督宜如前例從之 賜福餘衛千戶把委兒泰寧衛都督阿者罕妻歪刺失里千戶把禿不花等鈔絲帶表裡有差 廣西武緣

縣賊首韋香聚黨千餘人行劫南寧衛指揮僉事李璧等領軍追殺之斬首六十七級餘賊解散夜有流星大如雞彈色赤光燭地出牛西南行至雲中又有流星大如雞彈色青白有光出壘壁障西行至近濁甲辰以太子賓客兼國子祭酒胡濙仍為禮部左侍郎兼職如故復張友聞易州判官特州有判官專督馬政以親喪去友聞亦以冗負當去州民訴于巡按監察御史言友聞持已廉處事公勤于撫民乞留督馬政御史以聞

上諭行在吏部臣曰民言其能撫已即良有司其從之

鎮守永平山海總兵官遂安伯陳英言山海諸處關口時有謗報請以緣边山海等十六衛旧撥神机營官軍暫留守備別選近衛官軍更代赴京操練從之夜有

流星大如雞彈色青白有光起內階北行至近濁又有
流星大如雞彈色赤有光出天囷東北行至雲中 乙
巳以纂修

仁宗昭皇帝實錄勅禮部曰朕惟

皇攷仁宗昭皇帝聰明睿智之聖剛健中和之德廣大配
天地誠孝通神明爰自正儲以至監國同周文之翼翼
同夏禹之克勤仁心仁聞天下欣戴暨登大宝君主萬
邦覃配恩澤淪浹遠邇通脩復典禮光華古今雖尊履帝
位甫及于一期而振起皇維殆行之純偏慟升遊之遽
遠抱哀慕以無窮屬此繼承方勉圖于負荷仰惟謨烈
宜著示于儀刑自

皇考仁宗昭皇帝留守南京至嗣承

天位二十餘年丕德丕政爾禮部悉恭依脩

皇祖太宗文皇帝實錄事例通行中外輯采送翰林院編纂實錄其以太師英國公張輔太子太保成山侯王通少師吏部尚書蹇義少保兼太子少傅戶部尚書夏原吉為監脩少傅兵部尚書兼華殿蓋大率士楊士奇少保戶部尚書兼武英殿大學士王淮太子少傅工部尚書兼謹身殿大學士楊榮太子少保禮部尚書兼武英殿大學士金幼孜太常寺卿兼翰林院奉士楊溥為總裁夫述

先朝之盛典用垂憲于永世所係甚重勉罄厥誠欽哉

廣西江州等州土官知州黃智斌等遣族人黃常托等來朝貢馬 命哈密忠義王差來百戶兀麻兒為指揮僉事也速迷力嚴其故父取指揮同知打刺罕把刺為所鎮撫兀魯思舍人速來蠻為正千戶舍人哈密火者

在奴丁伯吉扯荅住也先帖木里小溫赤不花阿里赤那阿黑八失阿里木丁為試百戶各賜冠帶行在兵部尚書李慶奏通州潞河馬驛日設馬二十一匹止通遼東一路今南京并各布政司及諸蕃國往還者俱經本驛請于通州五衛每衛撥騎馬五匹協助遞送從之

丙午勅諭後軍都督府都督僉事郭羨充遊擊將軍率領官軍往薊州永平山海綠邊哨備遇有寇至相機勦捕所領官軍悉听節制行在吏部以內外官應給誥勅封贈為請

上從之諭尚書蹇義曰國家封贈之典所以勸勵百官苟能盡職苟顯親揚名豈不忠孝兼盡若縱恣貪婪曠廢職業上負朝廷下負父母非朕所望也瓜哇國舊港宣慰司遣正副使亞烈張佛那等奉表貢金銀香象牙

方物 改羽林右衛所^水軍千戶為長陵衛中右千戶
所命行在禮部鑄印給之 鎮守大同總兵官武安侯
鄭亨奏近多雨緣邊三山等處及貓兒庄鴉兒崖烽燧
隘口頽圯欲親率官軍巡視併力修築從之 命陝西
都指揮僉事林觀歸陝西療病不視事初觀坐累至京
遇赦復職兵部奏觀風病不能任事故有是命且令病
愈復用 丁未

上諭行在吏部尚書憲義等曰前命御史考察在外官正
欲任吳退不肖庶几民其受惠近聞考察之官少能著
寔但信偏言更不博詢其有勤于職業因理公務不免
施刑小人不喜誣為酷暴今輒罷退庸濫之官紀綱不
立人所狎玩或貪賍賄低首下氣依阿度日小人貪其
易與乃更保留如此不當孔子曰衆好惡必察焉宜嚴

戒飭之務，甚至公母使正人受誣，小人得志，如或不當，責有所歸。廣西忠州護印土官弟黃智勝等來朝貢馬，監察御史陳懋、王珪等劾奏寧陽侯陳懋已有居第，都督袁瑀、旧居乃

先朝所賜，懋昧于止足，又欲攘奪，不言公于朝而請于燕，見僥倖恩旨，宜正明罰。

上曰：瑀亦旧臣，而懋忍奪之，况細人乎？姑宥其罪，且命以章示之。戊申，命安順伯薛貴、清平伯吳成、都督馬英、都指揮梁成等率兵巡塞外，時鎮守武安侯鄭亨奏境外西北頻夜瞭見火，蓋是虜寇出沒，故遣貴等行賜之。勅曰：宜晝夜嚴慎，遇寇即勦之，當以策勝，毋窮追以隨其計。仍勅亨并都督譚廣等嚴為之備。賜琉球國使臣佳期、巴那等鈔、絲、幣，表裡嚴衣，有差。行在中軍都

督府奏監生馬聰歷事勤謹欲如旧例送監讀書以俟科舉出身

上謂行在吏部尚書蹇義等曰

先皇帝欲學者皆為宦才故必令科奉出身以成遠大之用然人才性有高下年有長少亦可各隨所宜今後歷事勤謹有志科奉者聽令讀書餘如永樂旧例母使淹滯朔州衛軍士白榮言大同蔚朔古雲中之地西北皆沙漠國朝設行都司于大同又設東勝高山等十衛緣邊守禦建文中諸衛皆入內地惟留安東中衛于朔州乞以高山等十衛仍旧守邊則虜寇不敢窺伺

上謂行在兵部臣曰天下無事邊防正當嚴飭况西北尤為切要但軍士安居既久一旦遽遷恐人情不便其會五府六部官計議以聞 己酉勅各布政司按察司巡

按監察御史嚴加考覈有司官吳否務循公道毋狃于私使正人被誣人小得志時山西布政司理問馮衡奏朝廷遣御史同二司考察有司吳否多不以寔其清廉能幹處心公正從容寬厚不善趨承者輒以為不勝任而退之有貪鄙庸劣不能撫字善于趨走巧于逢迎者輒以為稱職而留之吳否混淆公道不行乞加戒飭

上是其言故降勅諭之 賜土魯番城都督僉事尹吉兒察四川播州宣慰使楊昇貴州貴竹等長官司長官宋昌等鈔帶有差 各刻有流星大如鷄彈色青白有光起梗河西至行游氣 庚戌滕王瞻堽堯王仁宗皇帝第八子母貴妃郭氏永樂二十二年十月兩封至是堯年十七

上哀悼輒視朝五日賜祭命有司治喪葬謚曰懷 以濟

陽衛指揮僉事王禮老疾命其子剛代職 行在大理
寺卿虞謙奏大理原設左右二寺洪武中在外浙江等
布政司都司衛府州縣罪囚俱右寺審錄在京軍民衛
門直隸衛府州縣罪囚俱左寺審錄永樂間又以北京
軍衛及順天等府山東遼東都司衛府州縣改屬左寺
緣左寺設評事六員而事繁右寺多評事二員而事簡
勞逸不均今請以北京所屬軍衛及南京六部等衙門
并直隸府州縣罪囚俱屬左寺順天等八府及山東遼
東都司布政司并所屬罪囚仍屬右寺庶勞逸適均

上曰

祖宗行之已久朕初嗣位惟應奉守成憲而已 辛亥雲
南浪官縣蒲陀崆巡檢司故土官巡檢楊祥子質青索
鼻巡檢司故土官巡檢楊慶子森未朝貢馬且奏乞襲

朕四川平茶洞長官司長官楊通衡遣頭目易立忠雲南順寧府土官知府猛英遣弟厲等貢馬 賜廣西上隆州土官知州母陳氏雲南武定軍民府金沙江巡檢司故土官巡檢子劉進忠雲南縣你甸巡檢司巡檢李花等鈔幣有差 無為州知州王仕錫言州民養官牛者例歲納一犢乞依孳生馬例兩歲一犢又束縑廉縣教諭董綸言順天等府各師生廩俸教官月支四斗生負三斗乞仍全支

上諭行在禮部尚書呂震曰四方之廣民情休戚朕豈能盡知規知州李官所言于恤民養士之道皆當其即議行之 壬子行在禮部以纂脩

仁宗昭皇帝實錄移文南北二京各衙門及遣進士陸徵等分往各布政司暨郡縣採求事蹟類編文冊悉送史

館以倫登載 行在吏部奏刑部尚書趙鼎通歷前禮
兵二部尚書三考已滿

上命仍復職 行在兵部奏 太僕寺及北京行太僕寺
報永樂二十二年孳生馬駒共五萬五千六百一十

九匹例應遣官印烙

上命泰寧侯陳灝廣寧伯劉滿分往監視 賜雲南騰衝
守禦千戶所土官千戶張銘嵩明州故土官姪趙三應
等鈔綵幣表裡紗羅有差 昏到西北土白虹一道有
流星大如盃色青赤有光起霹靂東南行至羽林軍

大明宣宗章皇帝實錄卷之五

大明宣宗憲天崇道英明神聖錄

帝實錄卷之六

洪熙元年閏七月癸丑行在吏部引奏德安府同知李蕃等十八人考滿未及九年例當復職

上從之復諭蕃等曰人情始勤終怠者多爾等宜勵志以圖成績國家黜陟之典不爾私也 陛行在錦衣衛千

戶徐英為本衛指揮僉事仍隸御用司 太師英國公張輔言今軍校俱賜白金隆慶等衛官軍在京操備者不預

上曰隆慶雖直隸衛然將士實在京操備豈可不同命禮部如例與之仍命各處官軍凡在京操備者皆如例行在兵部尚書李慶奏在京居住驍官千戶也先不花言初歸附時其子也先帖古里為哈魯忠義王所拘今

隨哈密使臣來朝乞給與侍養

上曰父子至親豈夷虜異情哉應給與之但今自哈密來留之不遣彼將謂拘其使臣非待遠人之道令歸言於忠義王遣之再來交趾巡按監察御史奏清化府賊首黎利聚眾作逆圍茶籠州署州事土官知府琴彭拒守七月糧盡兵困請發兵援之

上覽之惻然勅叅將崇昌伯陳智等及交趾三司曰朝廷命尔等鎮守交趾期在安輯一方今聞清化賊首黎利等功劫州縣邀截道諾尔等近日乃奏已招諭黎利待秋涼赴清化知府任令已秋矣利果曾到任否朕度此賊譎詐必無歸順之心但說詞緩帥彼得從容聚眾將來必為邊患爾等曾無慮及此乎署茶籠州事土官知府琴彭被利攻圍七月芻糧盡兵死戰鬪三之一彭

彭能堅守拒敵交吐有人如此誠不易得爾等亦曾察
此人之忠而調兵援之吾勅至如蔡黎利果無歸嚮之
心即設法勦捕急發兵往援琴彭而厚撫之庶幾堅其
忠順之志爾等皆國之大臣須同心協力以副委任無
患賞罰之不公也 行在光祿寺奏歲造酒醴計用瓶
壺二十二萬請依例令工部下有司燒造

上曰今方營建

山陵多用民力此等不急之事一切停止 甲寅

上將遣鄭王瞻埈詣南京謁

孝陵命行在戶部兵部預遣官於水陸路道備芻糧舟車

周世子有燉奏父周王疾劇

上惻然遣少監金滿馳往問之且致書世子俾躬視藥食
謹調護 增置廣西潯州府桂平縣大宣鄉巡檢司平

南縣大同鄉巡檢司秦川鄉巡檢司南寧府武緣縣那
馬寨巡檢司鎊鄒寨巡檢司平樂府恭城縣白面寨巡
檢司土官副巡檢各一員先是廣西總兵官鎮遠侯顧
興祖奏廣西桂平平南恭城武緣諸縣地近徭賊出沒
不時各處流官巡檢多死瘡痍若增置副巡檢選土人
相兼益事庶幾可以鎮服

仁宗皇帝可其奏令舉土人以聞至是所舉土人陸扶神
等至行在吏部請擢用

上曰先朝所命當用然蠻性犷戾若申令不嚴彼亦反為
民害宜嚴禁束俾之遵守 置山東館陶縣縣丞主簿
各一員以戶口增也 行在三法司奏有軍卒造妖言
誹謗語欲誣害所管指揮者驗問是實於律當斬
上曰管軍須嚴約束而小人不樂輒欲陷之死地此不可

容然須詳審勿使有完 興州左屯衛軍士范濟詣闕
言八事其一申明楮幣夫楮幣之法萌於漢武之皮幣
武帝好大喜功窮兵黷武財物不足供給於是造白鹿
皮為幣或為龍為馬為龜各立直而不紊凡朝聘之士
以薦貢獻之物以為廷實之需國用賴以少舒至唐憲
宗有飛錢之制令商賈至京師妄錢富家以輕裝趨四
方合券以取號曰飛錢楮幣之所始也宋張詠守蜀以
錢重不便商賈作文會法仁宗時蜀人以交子起民爭
訟議者請官自立務可以利民而息爭競蜀人便之乾
道中會子始行凡民間輸納官吏俸給並以錢金帛半
之元因之造元統交鈔以絲為本銀五十兩易絲鈔一
百兩後又造中統鈔一貫同交鈔一兩二貫同白銀一
兩久而物重鈔輕公私俱弊更造至元鈔頒行天下中

統鈔通行如故率至元鈔一貫當中鈔統五貫子母相
權官民通用務在新者無冗舊者無廢又令民間以昏
鈔赴平準庫倒換商賈欲圖輕便以中統鈔五貫赴庫
換至元鈔一貫又其法日造萬錠計官吏俸給內府供
用各王歲賜出支若干天下日收稅課若干各銀場窯
冶日該課程若干計民間所存貯者萬無百焉以此新
愈久新舊行之無厭由計慮之得其宜也洎辛卯兵起
天下瓜分藩鎮各據疆土農事盡廢而楮幣無所施矣
天命我國家混一天下物阜民安九夷八蠻朝貢中國
太祖皇帝命大臣權天下財物之輕重造大明通行寶鈔
以鈔一貫準銀一兩民懽趨之華夷諸國莫不奉行迄
今五十餘年其法少弊亦由物重鈔輕所致臣愚切稽
聖人之訓殷因於夏商禮周殷於殷禮伏乞

陛下斷自宸衷謀之勲舊詢之大臣重造寶鈔一準洪武
寶鈔若干務使新者不冗舊者無行取元日所造之數
而損益之審國家之用而經度之每季印造幾何內府
供用幾何給賜幾何天下稅課日收幾何官吏俸給幾
何以此出入之數每加校量用之不奢取之適宜俾鈔
罕而物廣鈔重而物輕則鈔法流通永永無弊又其要
在於嚴偽造之條凡偽造者必坐及親隣里甲又必開
倒鈔庫專收昏爛不堪行使之鈔辨其真偽每貫取工
墨五分隨解各于上司又或一季或一月在內都察院
五府戶部刑部委官在外巡按監察御史三司官府縣
官公同以不堪之鈔燒燬實為官民兩便此楮幣之首
末立法之大畧伏乞
陛下詳擇焉其二也兵要地夫要地者若朔州大同開平

宣府大寧諸處皆關領之外實中國之藩籬邊塞之要地其土或可耕可耨宜令將率兵廣屯種修城堡治器械謹烽火勤訓練以備胡虜萬一入寇毋貪其小利毋利其遠來必以飽待飢以逸待勞俟其憊而擊之必有所獲矧夫我屋居火食寇乃草行露宿所恃者馬耳彼人馬飢疲豈能持久退則追之追則當防其詐或更出迭走以勞我師此一用兵之一端也今邊境將士精銳訓練守備俱有其法胡虜遠遯不敢南向臣愚尤慮及此伏乞

陛下更留意焉其三訓練精銳夫士卒貴乎壯勇尤在於訓練近年以來多以為事官吏人民克軍其間白面書生有之老弱疾病有之列之行伍虛費錢糧遇征差有力者則用錢買免貧弱者乃備數而行軍裝不能措辦

糗糧不能自給心寒膽怯而望其赴敵力戰是以往往自斃而脫身逃竄勢所必至今宜選揀壯勇日加訓練增糧賞以優之不堪訓練者令守城擊柝或為各官之從庶幾各得其用強弱不混伏乞

陛下勅兵部五軍嚴加簡閱其四勾軍擾害臣在軍伍四十餘年謹陳勾軍之弊凡衛所勾軍有差官六七負者百戶所差軍旗或二人或三人者俱是有力少壯及平日結交官長畏避征差之徒重賄貪饕官吏得往勾軍及至州縣專以威勢虐害里甲既豐其饋饌又需其財物以合取之人及有丁者擇之乃詐為死亡無丁可取是以宿留不回有違限二三者有在彼典顧婦女成家者及還則以所得財物賄其枉法官吏原奉勘合朦朧呈繳較其所取之丁不及差遣之數欲求軍不缺伍難

笑自今事故軍士令各衛造冊備申都府兵部發勘合
勾取令布政司按察司督責府州縣依發去勾軍冊內
鄉貫姓名一一勾取起解定以到衛限期仍取衛所收
管繳報年終朝覲於實徵內開寫節次取發到某里軍
人若干名死亡戶絕者若干名具奏其官吏姓名并里
甲隣人保結文狀繳申府部以憑稽考庶免差人勾擾
之弊其五勸課農桑夫農桑衣食之本嘗聞神農之教
有云雖石城十仞湯池百步帶甲百萬而無粟弗能守
也由是言之兵者城之守也食者兵之給也非兵無以
守城非食無以給兵兵足而城安食足而兵勇兵食二
者有國之先務也洪武間每衛七分屯田三分守城且
耕且守軍無阻飢近年調度頗繁營造日久虛有此種
之名而田多荒蕪軍仰倉粟而蕪養馬採草伐新燒炭

諸役兵之力疲農之業廢矣竊嘗思趙克國之屯先零
鄧愛之屯壽春魏武之屯許下倉廩靡不盈溢唐置府
兵無事則兵寓於農有事則農歸於伍行之日父斗米
三錢外戶不閉今國家輿圖之廣南極交廣北至窮荒
東接朝鮮西暨戎番邊城萬里烽堠無警伏望

陛下勅戍守之將令戍卒開墾曠土每百人限以幾頃耕
牛田器五穀之種皆官給之守將督勵凡力田勤情明
立賞罰以示勸懲則農業不廢軍民皆有所贍矣其六
興舉學校夫學校風化之源人材之所自出其要在於
明經致用三代而下至漢唐宋為卿為相率由是出若
宋之寇準范仲淹韓琦輩以明體適用之學懷致君澤
民之心出入將相功在社稷者是也國朝自洪武之初
開設學校內有監外有學教養之法甚備士之由科第

由歲貢而進者彬彬然列於朝矣然近時士氣失養委靡不振何敢望其致君澤民以企及前人哉伏乞

陛下勅郡縣學簡民間俊秀子弟性行端謹者為生徒俾講習經史俟其有成而後充貢既貢國學朝廷則優待之厚養之祭酒司業博士則教之訓之賢者舉而用之使其氣不餒則其志益充出而為用者豈無其人若宋之諸賢哉其七息偃兵戈蓋聞武以止戈為貴兵以靖亂為武非聖人好用之乃不得已也湯伐夏救民武王去商除暴因其不道民怨天怒而伐之也豈有私於其間哉

太祖高皇帝以天縱之聖振乾剛之德舉一旅之師逐胡元之昏君除群雄之暴虐大一統之基圖致文明之盛治誠繼美乎湯武者也然治定功成不恃富強不尚功

力不窮兵不敗游不巡幸奢不踰禮儉而得中誠帝王之模範後世之龜鑑也然安不忘危者固人君所當謹以愆用兵者尤人君所當戒臣請以漢唐之事言之漢高帝解平城之圍未聞蕭曹勸帝以復讎帝已慙耻為已事唐太宗率師禦突厥於便橋未聞靖勸諫帝以弗禦帝以愆憤而決戰此高帝太宗不以犬羊之觸犯而輕用我中國之將士也洪武五年

太祖皇帝命將出師肅清沙漠以糧餉不繼旋師即撤東勝衛於大同塞山西陽武谷口訓兵練將清野以待自時厥後內修政教外嚴邊戍廣屯田興學校課農桑罪貪吏徙頑民不三五載間胡酋朵兒只巴獻女不顏帖木兒乃兒不花西番三副使癭噤子等相繼擒獲納哈出亦降臣懇伏望

陛下遠監漢唐近監

太祖惟以安不忘危為戒毋以征討夷狄為意毋以忿怒不平為念棄沙漠不毛之地憫華夏禮義之民俾婦不孀老不獨盡力於田蠶貢賦於上國邊塞無傷痍之苦閭里絕呻吟之聲則將無倖功士無天闕將見胡虜自服靈物自至

皇祚永隆於萬萬年矣其八沙汰冗員夫官者理天之工也民者國家之本也爵者君之命也受君上之爵治邦國之民以理天工豈容置繁冗之員以朘民之膏血哉在昔唐虞稽古建官惟百夏商官倍亦克周又周制六卿各率其屬以倡九牧阜成兆民厥後設官愈多而治效愈不及古是以官不在多而在乎得人國家平定之初因時損益以府為州州為縣何邪傷大亂之後土廣

民稀也洪武七年以糧不及俸又減并小縣自此量民數以設官民多者縣設知縣丞簿民少者止設知縣典史政教敷行民安事輯近年以來藩憲二司府州縣官比之原設倍而又增政愈不治民愈不寧奸弊日生欺詐日有其中官有不能聽斷者吏有不諳文移者乃容留繕寫之人在官既影射差徭又撥置事務詞訟繁多民受其害賄賂公行刑獄淹濡此皆官冗吏濫之所致也伏乞

陛下凡內外大小衙門官吏依洪武中額設員數冗濫者悉汰之又嚴加考覈公其黜陟務求賢能以蒞衆職斯足以理天工子天民而天下大治矣

上覽之下行在禮部議尚書呂震以為詞語浩煩况事皆已行

上曰朕觀其言皆有理皆合朕意學識可取爾更詢察其實明日震言其人故元進士洪武中以文學舉為廣信知府因事謫興州今年已八十有四

上曰惜其人淹行伍然尚可用震對曰幸老矣

上曰呂望八十遇西伯何不可也國家用人正在取老成者但不可處以煩劇耳命吏部以為儒學訓導 乙卯故光祿寺卿朝鮮國權永均壻許晚石及雲南武定軍民府女土官知府商智遣把事者果等來朝貢馬

調行在旗手衛指揮僉事李得於行在錦衣衛 仍命前禮部主事葛清隱致仕清隱江西廬陵人初自樂舞生擢為山川擅奉祀陞太常丞清慎端厚熟於典禮秉誠持敬以奉神明

仁宗皇帝為皇太子監國每歲代祀

天地

宗廟山川清隱相禮深見嘉重後坐累改禮部主事永樂十九年以老致仕

仁宗皇帝嗣位特勅召之至是始至

上矜其老不欲煩以政故仍全致仕云 賜廣西田州府

頭目李榮上林長官司頭目張義果化州土官族人趙

誠雲南富州舍人沈政等鈔幣有差 太院醫醫士程

璧自臣陳兄弟三人臣為醫士臣弟忠及進有司供遣

送京師充醫生有母年七十餘乞一丁侍養

上曰此有司之過也命禮部臣從之 丙辰賜爪哇國舊

港宣慰使司臣亞烈張佛那馬等五十二人鈔紵絲紗

羅絲綃有差仍賜張佛那馬及頭目總管八致陳致堅

等七人冠帶 行在禮部尚書呂震言光祿寺廚子李

伍等俱告年老有疾乞免役

上曰仕者有疾亦賜告年七十則令致仕此輩執役之人勞苦累歲老病豈可不恤其悉放還鄉 賜廣西江州土官族生黃常託忠官州官舍人黃智勝等鈔幣有差

丁巳周王橐薨王

太祖高皇帝第五子母

孝慈高皇后初封吳王洪武十一年改封周王十四年之國河南建文中削爵

太宗皇帝即位復之復數以過聞

太宗優容之革其護衛至是薨年六十五

上聞訃輟視朝二日遣官賜祭命有司治葬事謚曰定

廣西右布政使周幹自蘇常嘉湖等府巡視民瘼還言臣竊見蘇州等處人民多有逃亡者詢之耆老皆云由

官府弊政困民及糧長弓兵害民所致如吳江崑山民田畝舊稅五升小民佃種富室田畝出私租一石後因沒入官依私租減二斗是十分而取其八也撥賜公侯駙馬等領田每畝舊輸租一石後因事故還官又如私租例盡取之且十分而取其八民猶不堪况盡取之乎盡取則無以給私家而必至凍餒欲不逃亡不可得矣又如杭之仁和海寧蕪之崑山自永樂十二年以來海水淪陷官民田一千九百三十餘頃逮今十有餘年猶徵其租田沒於海租從何出常之無錫等縣洪武中沒入公侯田莊其農具車牛給付耕佃人用納稅經今年久牛皆死農具及車皆腐朽已盡而有司猶責稅如故此民之所以逃也糧長之設專以摧徵稅糧近者常鎮蘇松湖杭等府無藉之徒營克糧長專掎剋小民以肥

私已徵收之時於各里內置立倉囤私造大畧斗斛而倍量之又立糠米搗斛米之名以巧取之約收民五倍却以平斗正數付與小民運赴京倉輸納緣途費用所存無幾及其不完着令賤納至有亡身破產者連年逋負倘遇思免利歸糧長小民全不沾思積習成風以為得計巡檢之設從以弓兵本用盤詰奸細緝捕盜賊常鎮蘇松嘉湖杭等府巡檢司弓兵不由府縣僉充多是有力大戶令義勇家人營謀充當專一在鄉設計害民占攬田產騙要子女稍有不從輒加以拒捕私盜之名各執兵仗圍繞其家擒獲以多漿快舡裝送司監收挾制官吏莫敢誰何必厭其意乃已不然即聲言起解赴京中途絕其飲食或戕害致死小民畏之甚於豺虎此糧長弓兵所以害民而致逃亡之事也臣等覆勘信如

所言若欲斯民各得其所必命有司將沒官之田及公
侯還官田租俱照役處官田起科畝稅六斗海水淪陷
田地與農具車牛無存者悉除其稅如此則田地無拋
荒之患官府無暴橫之徵而細民得以安生矣乞禁約
糧長不許置立倉囤私造大樣斗斛止是催徵毋得包
收攬納巡檢司弓兵從府縣倉克將倉過姓名榜示以
革其弊民人出入不許帶伴當五人以上乘四櫓多漿
船隻如此則糧無侵漁之弊豪強無暴虐之毒而細民
安業矣此事雖小而為害實大不特此也豪強兼并游
惰無賴之徒為民害者尤重衆寇其所以亦由府縣多
不得人乞勅所司慎選賢才授守令之任撫字存恤仍
命在廷大臣一負往來巡撫務去亮頑扶植良善而後
治効可興也幹又言治農左通政岳福老疾不任事宜

別委任庶使耕種以時民免飢餒而流亡可歸

上命行在吏部尚書蹇義與戶部兵部同義行之 嚴州

府建德縣民言浙江諸郡為里有一千二千者惟嚴州一郡里不及五百布政司凡有徵科一槩派辦乞勅本司以里數民戶多寡為等差庶幾賦役適均

上諭行在戶部臣曰有司掌民賦役不均如此民少者何以堪之其移文誥責布政司且戒其後表 戊午行在都察院左僉都御史劉觀等奏掌陝西都司事右軍都督僉事胡原前犯六罪

聖恩宥之俾之改過今陝西按察司又奏原索取指揮僉事劉定金帶珠環隱占無名籍人為家奴喪禮齋宿之時飲酒吉服侵占教塲種藝糜穀剋刈民田禾稼築為教塲拆毀官倉材料造演武亭私役軍士五十餘人

於家又擅役屯種軍士廢其農業累惡不悛請治其罪
上命原赴京自陳 雨壞齊化正陽順承等門城垣命行
在工部修治 夜有流星大如雞彈色青白有光出大
陵東北行至雲中 己未岷王樞奏每歲祿米請於武
崗州秋糧內支為便

上曰歲祿就本州與王非獨便王亦免軍民漕運戶部如
王所言行之 行在戶部奏汾州孝義縣民田地八頃
一十一畝已為慶成王妃葬地其應納稅糧宜與除免
從之 下監察御史王珣行在刑部獄先是

仁宗皇帝以甘肅各衛糧儲敗弊積甚命珣同戶部官往
覈其實凡虛冒六萬七千九百有奇珣還匿而不奏為
戶科給事中王直所劾遂下之獄 庚申守居庸關都
督僉事沈清遣人進黃鼠

上謂侍臣曰清受命守闕當練士卒利器械固封疆朝廷
豈利其貢獻邪況黃鼠不足登鼎俎取之而勞人耳其
勅清謹守闕城勿有所獻 雲南師宗州土官同知瓏
哥等來朝貢馬 夜有流星大如雞彈色青白尾跡有
光起天津西南行至執爪 辛酉陝西甘州居住指揮
亦不剌金弟馬塔木來朝貢駝 壬戌陞遼東都指揮
使巫凱為左軍都督府都督僉事命佩征虜前將軍
印克總兵官鎮守遼東勅凱曰爾以忠實之資剛毅之
才祇事我

皇祖太宗皇帝克効勞勤積有年歲朕統御天下惟

皇祖之大法是遵惟

皇祖之舊人是任茲特陞爾為左軍都督府都督僉事總
兵鎮守遼東宜益盡乃心必公必正撫輯軍士慎守邊

圍整肅伍嚴謹斥堠夙夜無怠庶副朝廷之委任欽哉
賜雲南浪穹縣蒲駝崆巡檢司故土官舍人楊資青
索索鼻巡檢司故土官舍人楊森順寧府土官舍人猛
彝彝四川平茶洞長官司頭目易立忠等鈔幣有差
革北京順天府大興縣大興驛永清縣永清驛霸州
大良驛河間府靜海縣靜海驛興濟縣興濟驛滄州滄
州驛孟村驛濟南府章丘縣章丘驛齊東縣趙奉驛樂
安州樂陵縣王程驛商河縣商河驛高立驛泰安州新
泰驛東阿縣驛萊蕪縣通遠驛冶村驛兗州府鄒城驛
縣道平驛蠡村驛費縣陳埠驛蒙山驛青州府蒙陰縣
趙峪驛直隸鳳陽府泗州揚莊驛臨泗驛盱眙縣淮原
驛淮安府宿遷縣石湖驛趙莊驛東莊驛滁洲來安縣
來安驛應天府六合縣六合驛江浦縣江浦驛蓋永樂

初以南京至北京驛路迂遠自應天府滁州開陸路至北京順天府置二十七馬驛其後春夏多雨路多水潦不便已悉併所設驛夫馬匹於附近通要之驛諸驛遂皆空閑至是吏部以聞革之 福建等道監察御史何楚英等劾奏都察院左副都御史夏迪催糧常州縱舊同僚之子往來受武進縣民白金知有外議始飾辭首官又杖殺糧長朱輝難任風憲請正其罪

上曰大臣百僚具瞻況都御史掌風紀果有此罪豈可容乎命行在都察院鞫之後迪陳訴冤抑

上命法司辨蓋迪矜已傲物臨事瑣細其屬不能堪楚英尤惡之故率衆頃之特議謂白金事實誣法司懼朋比罪及卒莫與辨發克驛夫憤恨死 巡按廣西監察御史彭森奏思思縣賊首覃公旺偽稱都督率衆二千餘

人河池縣賊首覃公新糾合忻城宜山莫徕等峒賊首
常萬黃等四千餘人四出攻劫殺掠人畜焚燒倉糧乞
用兵勦之

上勅鎮遠侯顧興祖調兵勦捕 夜有流星大如雞彈色
亦有光出北河東北行至游氣 癸亥

上御西角門諭行在工部尚書吳中等曰鳳陽諸處民力
艱難況是

太祖龍興之地所宜優厚前起營建

山陵人夫宜悉停止 賜故光祿寺卿朝鮮國權永均塏

許脫石雲南武定軍民府把事者卑等鈔幣表裏有差

龍驤衛千戶田真開軍士賞銀多支二兩自首請罪

尚書呂震請治之

上曰武人不諳書筭故有此失宥之勿問 湖廣岳州府

華容縣儒士尹崧言三事其一正洪基昔

太祖高皇帝龍飛淮右肇基江左建極三十餘年寵綏四方和輯萬民制度文為比隆上古繼以太宗

太宗

仁宗嗣承大統悉遵舊章建立兩京用倣周制震威胡虜華夷清寧長策遠慮固當世守然南京則江山雄固水陸兼通國用所需民力易辦供輸漕運與夫四方朝貢道理適均天下咸以為便乞命勳舊將臣於北京訓練精銳繕修城池堅利甲兵廣開屯田聚積糧儲以備邊防

皇上回鑾南京則深慰軍民之望其二汰冗官為治之道能擇賢良汰冗濫去姦貪則官清政舉沉郡守縣令民之師帥至其佐貳必在得人今所任多以吏負雖循資

格出身而其人素非良善廉潔者少貪鄙者多生民被害政事踈遠雖遣官分巡察而賢否乞能周知乞令吏部精其銓選郡縣之官務在得人吏之才識可稱者任之鄙猥無知罷之額外之負則汰之貪黷之徒則黜之詢察去取一惟至公則官可得人治有其效其三全俸祿

太祖高皇帝立法創制可垂萬世臣下俸祿皆有其實近年文武官負廩祿以鈔折米四方米價貴賤不同每石四五十貫者有之六七十貫者有之雖已增鈔不無損民蓋官負居任或家口衆多用度不足是以廉耻不顧害及軍民取利肥家以蓄飽煖乞搏節浮費優養忠賢凡文武大小官負俸祿及師生廩膳全支於米則居官者必能持廉守法若仍貪穢受贓者文官論罪加刑武

戢降充軍永停藤篋

上命行在禮部議行之 甲子賜北京刑部尚書李交真
行在戶部左侍郎陳山行在禮部右侍郎張璜行在
常寺鄉薦翰林院學士楊博行在吏部右侍郎王讓順
天府尹王驥府丞呂惟得并其祖父母父母妻室誥命
先是交真等奏請誥命少師吏部尚書蹇義言國朝舊
典在京四品以上官頒給誥命取自

上裁其封贈誥命須一考得請方給今各官俱未一考例
未應給

上曰此數人者仕於朝久矣可并給之 陞右春坊右司
諫羅昭為襄府長史司左長史以昭侍襄王講學久也

貴州十三營長官司副長官蕭賢貢馬

上諭行在禮部臣曰諸將總兵出鎮在外者皆

先朝勲舊今朕嗣位京師臣民皆有錫賚彼豈得獨無尔
礼部即遣使頒給於是賜黔國公沐成白金一百兩綵
幣五表裏武安侯鄭亨鎮遠侯顧興祖遂安伯陳璘襄
城伯李隆平江伯陳瑄榮昌伯陳智安平伯李安保定
伯梁銘各白金八十兩綵幣四表裏都督蕭授費獻譚
廣陳懷巫凱各白金六十兩綵幣三表裏都指揮曹儉
唐銘卞福各白金六十兩綵幣二表裏 賜哈密忠義
王使臣都督脫脫不花及從人銀鈔紵絲紗羅綾絹有
差仍令脫脫不花齎勅及綵幣表裏往賜忠義王免力
帖木兒并王子土干帖木兒等 薊州民戴應春等二
十二人自陳所養太僕寺孳牧種馬前後皆病死今官
司責限追陪綠今年水滂秋稼無收乞待來年秋成陪
償從之 乙丑

上御西角門諭行在吏部尚書蹇義侍郎郭瑾等曰天下之治必賴賢才古之大臣皆以進賢為首務卿等今居此任必當為朕擇才若官得其人民安政舉鄉寺豈不流譽後世昨觀在外考核方面一處有去一二人或三四人者至於府州縣尤多或一州一縣全不稱職如此用人豈得民安政舉今後除授方面官及府州縣正官皆須慎擇其人以稱朕委任 行在太常寺鄉蕪翰林院學士楊溥奏

仁宗皇帝臨御時命臣與侍講王進編修楊敬五經博士陳繼給事中何澄於思善門外弘文閣侍討論經籍今當納上弘文閣印各還原任

上曰然溥與楊士奇等同治內閣事王進等四人各以原職隸翰林 丙寅命故金吾左衛指揮同知羅英姪俊

龔戰 總兵官征蠻將軍鎮遠候顧興祖奏廣西慶遠
柳州南寧蠻獠不時出沒流劫鄉村請調官軍土兵深
入勦捕從之

大明宣宗章皇帝實錄卷之六

大明宣宗章皇帝實錄卷之七

洪熙元年八月丁卯朔魯王肇輝遣長史王業進瑞粟
有一莖十穗或十五穗二十穗者行在禮部尚書呂震
以為豐稔之應請上表賀

上曰近日畿內州縣屢奏水潦鄉不聞乎朕方夙夜憂民
艱食若以此為瑞則山東一隅之民可當之如他處何
其止勿賀王所遣長史賚之遣還 命行在戶部以蘓
州府長洲縣沒官田地山場一百四頃二十畝與駙馬
都尉西寧侯宋瑛初瑛有賜田隸鳳陽府定遠縣准祿
米一千一百石地不濱水難艱於運載咸寧公主屢以
為言故改與之 戊辰琉球國中山王尚巴志遣使者
浮那姑是南者結制等奉表貢馬及方物益與前使者
佳期巴那同行遇風故後至 復吳原吳橋縣知縣原

以九年考績赴部縣民八十餘人詣闕奏原勤於政事
賦役均平民得安業稅糧無欠今已考滿乞後還本縣吏
部以聞

上曰為政之道順民情而已今民欲留即還之寧化王濟
煥奏本府官軍止有一千戶所今以八分屯田惟留二
分供使令乞如太原三護衛例存留一半從之 陝西
行都司土官都指揮李英討安定曲先寇敗之以捷聞
永樂末朝廷遣中官喬來喜鄧成等使西域道經安定
曲先之地番寇五千餘人邀劫之掠所齊賜幣來喜成
皆被害

仁宗皇帝臨御命英與必里衛土官指揮康壽等討之英
等率西寧諸衛及隆奔國師賈失兒監藏散丹星吉等
十二番簇之兵至罕東問故罕東衛指揮綽里加言實

安定衛指揮哈三孫散哥及曲先衛指揮散即思卜答
忽寺所為英寺遂進兵討賊一驚走英追繫踰崑崙山
西行數百里至雅令闊之地其安定寇黨鎖南寺戰敗
之斬首四百八十餘級生擒七百餘之獲駝馬牛羊十
四萬有奇曲先之賊聞風遠遁英欲窮追以道險遠遂
還至是以聞且俟後命安定王柔兒加夫夾寺躬詣闕
請罪

上謂侍臣曰安定本畏兀兒之地我朝置衛設官以安集
其人待之素厚夷狄見利忘義今之敗實其自取然朝
廷馭夷叛則討順則撫彼能悔過歸誠朕何吝寬貸
已已勅諭都指揮李英指揮康壽魯失加曰尔寺祇事
我

皇祖太宗文皇帝摠忠竭誠奮志效力屢著勲勞存加爵

秩我

皇考仁宗昭皇帝嗣承天位以安定等處番寇殺害朝使劫奪財物特勅爾等率兵勦戮除害安民爾等能恭敬朝命率衆深入多所俘獲使寇慙城跡良善安居道路往來永無患害眷爾忠勤深用嘉悅朕嗣位之初方任將帥以靖邊境使皆如爾等尽心尽力何寇不滅何功不成雖古良將又何過也今特遣禮部主事楊鏞宴勞爾等所獲人口馬駝悉送京師牛羊以賞隨征將士爾等馳驛來朝雲南昆明縣赤水鵬巡檢司土官巡檢馬騏坤城回回者馬力丁肉迷回回哈只何黑麻乞兒蠻回回馬黑木等來朝貢馬及方物陸行在貴州道監察御史鄭進善為湖廣按察司副使廣東道監察御史王繼行為江西按察司僉事湖廣道監察御史尚監

為浙江按察司僉事擢廣吉士劉俊李芳為行在給事中俊兵科芳刑科姚昇為行在湖廣道監察御史廣東布政司右丞政趙次進親喪服闋改太僕寺卿降廣東按察使劉子輔山西按察副使張斌山東按察副使楊俊為知府子輔交趾諒江府斌山西平陽府俊直隸池州府子輔斌以親喪服闋俊以冗員汰吏部言三人非風憲才故命降用黜行在福建道監察御史王鶴為揚州府推官行在湖廣道監察御史劉愷為汝寧府推官行在山東道監察御史彭景為四川馬湖府推官四川道監察御史楊復為江西廣信府推官皆以不勝任也

行在戶部奏比奉旨以房山縣民地六十畝賜恭順侯吳克忠葬毋請除其地租額從之 巡按陝西監察御史張約奏五月中寧夏等衛雨水傷麥豆所收子

粒不及半

上命行在戶部量減城稅 中都留守司奏鳳陽淮河曰
為浮橋年久皆壞常假軍民船及運運船以濟行者官
府迺送民間生業未免妨誤乞勅有司約量造船

上曰造船必擾民其以緣河餘閒官船給從之 庚午復
遼東都指揮同知于全戍全永樂間私以蹴鞠侍漢王
王賜之繡金龍襪等物

太宗皇帝聞之諍戍交趾至是王以為言遂命兵部復其
戍 降山西按察司僉事張萃為湖廣應山知縣時行
在吏部奏監察御史考萃不稱戍例降遠雜戍

上曰退人以禮彼嘗為方面官矣處降雜戍太過可令為
縣正不稱則如前降之者為令 行在吏部言巡按山
東監察御史朱仲安考山東參議馬偽不稱戍送部搗

初為安丘縣丞妖人作亂圍安丘搗守城殺賊有功

太宗皇帝特陞奏議今者不戢於例當降雜職

上曰前已有功不可拘常例令以奏議致仕還鄉行在

工部奏內府供用紵絲紗羅計九千足請下蘇杭等府

織造

上曰供用之物雖不可缺然當念民力今百姓艱難可減

半造又諭尚書吳中等曰昔魏徵告唐太宗每以恤民

為言卿等其體此意大同右衛軍告山西行都司都

指揮僉事王或害人命邀截對封等事

上諭行在都察院臣曰方面大臣不可輒信一人之言而

加之罪其台至後實訊之卒未行在戶部奏鎮江府

金壇縣水災官民田二千二百頃八十二畝皆無收其

糧二萬八百四十八石有奇請除免

上曰田無收則民無食尚可徵糶乎即其閒諮 士申勅
中外舉守令勅曰致理之務必先安民安民之方必擇
守令自昔聖帝明君咸循茲道朕收一夙夜以恤民為
心而詢諸四方民不得所多緣守令非人即位之初首
詔求賢今既數月矣薦者無幾賢才之生何地無之惟
賢知賢各以其類寧有不知者乎薦賢為國事君之義
其令在京五品以上及監察御史給事中在外布按二
司正佐官及府州縣正各舉所知除見任府州縣正佐
官及曾犯贓罪者不許薦舉其於見任及屈在下僚官
員并軍民中有廉潔公正才堪撫字者悉以名聞務合
至公以資實用不許徇私濫舉如所舉之人受賂有犯
贓罪者舉者連坐蔽賢不舉國有明憲夫天下生民之
安否係於守令之得失尔尚慎重簡昇以副朕惓惓斯

民之心欽哉蓋

上嘗共侍臣言任官之要

上曰比來田野之民多有失所蓋因官不得人所致今所切者在慎擇守令而吏部除官只循資格於即守縣令何曾訪舉拔擢如此所用豈能得人百姓豈能得安自今守令有缺必命官薦舉且嚴舉主連坐之法庶幾可以得人遂下是勅 雲南寧遠州土官知州刁吉罕遣子旺蓋來朝貢馬及方物 給爪哇舊港宣慰使司印付其使臣張佛那馬還蓋舊印為所火燬也 行在禮部右侍郎鄒師顏卒師顏湖廣宜都縣人洪武間以國子生擢兵部主事陞工部員外郎又陞江西布政司左叅政永樂初生事降監察御史後陞大理寺丞

仁宗皇帝嗣仁陞禮部右侍郎未幾告歸省墓既還至通

州病疽卒訃聞遣官賜祭令有司治葬行在禮部尚書
呂震言師顧家貧不能歸喪

上曰朕聞其人清慎其卒可惜遂命給官舟載歸因謂左
右臣曰為官而貧可嘉今豈獨鄙師顧但朕未悉知耳
自今京官終於位者皆做此例師顧小心謹畏廉介自
持蒞事周密人不敢干以私而議者頗訛其近刻云
追封交趾左叅政馮貴為左布政使右叅政候保為右
布政使時尚書黃福言貴等皆奮力討賊戰死

上念方面之臣能捐軀效忠故有是命貴永樂中以兵科
給事中奉命從提兵官征交趾貴還言其地富實且產
金珠交趾賦金珠蓋啓於貴然貴明敏有理才凡所奏
皆稱旨且善用人嘗得土軍五百人勁勇善戰貴撫育
甚厚每率之討賊所嚮成功五百人後為中官馬騏所

奪貴共賊戰不利遂及保皆死然貴貪侈在交趾皆子女金帛甚富貴死悉為豪猾所據保亦貪但和厚能勤其死也人頗惜之 鎮守西寧都督李昭奏昨陝西土官都指揮李英征西番還安定王桑兒加失夾來朝為臣言劫殺使臣首惡乃曲先衛指揮散即思安定衛指揮哈智土城禿皆未就擒又奏罕東衛土官指揮却里加等諸篋從英征討還者今皆移近西寧以居臣意其畏散即思等攻剽故遠徙以避宜令復居罕東

上曰居近西寧則易於制馭遠人當因其所欲而懷之遂勅召聽居西寧但加意撫綏未擒餘寇待英至問故而後處置及英至言餘寇畏威遠遁矣

上曰既遁則不必窮追 夜有流星大如雞彈色赤尾跡有光起北斗杓西北行至雲中 癸酉

上御西角門諭行在兵部尚書李慶曰近有人言各衛遣人勾軍多至中途協取財物縱之在逃有至營者所管頭目以其新軍又偏加虐害人情難堪不免逃竄朕思此言必是實事大抵軍官少有廉潔不思軍士乃其富貴之本若撫綏得宜人心悅服遇有征調易以立功高官厚祿自此至致今所為如此豈徒負國亦自害身尔兵部且嚴加戒約違者罪之 召都指揮使羅文還京師初文從武安候鄭亨大同備禦至是有言文老成習兵宜令訓練士卒故召之行在戶部奏今緣河倉糧價運已盡請令平江伯陳瑄散遣軍士歸原衛儲理運船仍於吏部擇聽選官二十員分往各處督催糧料貯於水次俟來春令官軍運赴北京有未盡者令民輸於淮安徐州倉以備轉運其南京各衛官軍所運糧初運

就南京倉閩後運於淮安等倉閩

上從之曰督催必在得人其令吏部選清慎能恤民者遣之平陽府知府謝瑾言平陽屬縣秋糧當輸大同天城諸衛道路一千餘里民苦輓運負欠累年乞貯本府倉發民擺堡逐程運送庶便於民

上諭行在戶部曰西北之民苦於輓運朕聞之但邊軍糧餉不可缺其會官議或如瑾言或別立法但得稍甦民力可也教坊司左韶舞劉安等請給勅命

上顧行在吏部尚書塞義曰曰典何如義對曰曰典無之上曰朕共卿等宜恪遵成憲曰典無必不可共山東長清縣民趙成等七十六人奏本皆民籍祿民前衛誣引為軍屢被擾害不能安業

上諭行在兵部尚書李慶等曰軍共民各有定籍爾兵部

即為勘實果非軍籍速共開除毋令小民受害 甲戌
行在禮部進鄭王詣南京謁陵合行事宜先是

上以即位之初未及躬謁

孝陵議遣鄭王謁祭仍命豐城侯李買行在兵部尚書李
慶從行詔行儀禮部儀禮儀及隨後官自賞賜至是奏
王啓行預告

奉先殿

太宗皇帝几筵

仁宗皇帝几筵及城隍門城隍等神其緣途應祀神祇預
期遣王府官告祭到南京王祭告皇城及城隍等神入
謁告

奉先殿告

孝陵及懿文陵貞靜順妃悼僖麗妃享堂凡遇正旦冬至

萬壽聖節

皇太后聖節中宮千秋王於本府拜進表箋由西安門出入南京各衙門官止於朔望日見王王府遇有合行事務俱照常例發落五軍六部都察院等衙門合行事務俱照常例發落應合奏者具奏施行王日用飲膳南京光祿寺給送王往復經過文武官或耆老等進禮物者長史司啓王收受并進隨侍官負軍校入寺賞例豐城候李買鈔十五錠兵部尚書李慶鈔十錠指揮人鈔六錠千戶長史儀衛鎮撫人鈔五錠百戶所鎮撫紀善寺官人鈔四錠旗軍校尉人鈔三錠史典醫士厨役人鈔二錠軍伴皂隸人寺人鈔一錠造隨駕司苑局印鎮守大同總兵官武安候鄭亨奏脩完山西應州渾源州城垣

上諭行在兵部臣曰邊疆守備固籍城垣然屯戍軍士尤宜撫綏其以朕意諭之 乙亥命行在工部建

仁宗昭皇帝陵寢殿五間左右廡各五間門樓三間神厨五間并祭器 行在工部奏南京脩理殿宇未完比奉詔書在京用工人匠二三丁者放一丁四五丁者放二丁單丁在役二年之上者放回休息今工未畢而匠加少其應放免者請仍給糧賞用工待工畢放回

上曰詔書豈可失信即皆放遣勿留 遼東都司奏廣寧等十八衛軍士依甲弊壞當脩者三萬八千余副本司庫有青白綿布請三萬四千余疋用行在工部尚書吳中言宜量存以備他費先以一萬八千疋給之上曰邊軍守備須仗甲兵彼衛身無甲則膽氣衰何以責其禦敵若甲仗堅利紀律嚴明士氣自振足以懼服寇

賊脩甲何可惜費其即共之 丙子撒藍回回失撒荅
等來朝貢馬及方物 賜雲南師宗州土官同知瓏哥
等四十二人鈔紵絲紗羅絹靛衣有差 交趾賊阮可
朗等伏誅可朗初從賊酋路文律叛送事敗逃往老撾
其後屢入攻劫州縣至是為官軍所執凡十有六人悉
械送京師誅之雲雲南左布政曾堅奏雲南邊夷之地
軍馬錢糧數倍他所洪武間令商族中黑白井并淮浙
鹽積糧百萬邊儲充實比平因轉運交趾耗費過半又
以鹽糧移文中交之趾則例輕而價米賤人皆趨之雲
南雖亦開中則例重而米價高趨者鮮矣今會計所屬
倉糧約三十餘萬石及歲收米麥一十四萬石有奇視
昔不能及半恐邊用有缺卒難措置乞勅戶部暫止交
趾所中雲南鹽并雲南所中者定議平減則例庶倉庫

羨餘邊鎮有備又言雲南二處近歲多有土人土吏或因告計或因公私事赴京悉假貢馬為名所經官司授例應付腳力糧草臣計雲南馬一匹時直價銀四五兩耳凡應付所費倍之且又挾私貨在途驅迫運民負載暨到京私事畢朝廷與之賞賜一馬官償數倍又應付腳力回還甚損民力乞循洪武故事有例進貢則應付若私已事皆不應付果欲貢者聽其自行亦革奸欺之一端也

上悉令所司施行 陝西按察使陳智言憲綱監察御史及各道按察司每歲八月中出巡審囚刷卷已著為令比因營繕等事差遣舊令逐廢凡儲官司案牘散棄錢糧刑名贓罰等項恐致湮沒無由稽考

上語都御史劉觀等曰憲綱爾所職何致廢弛如是悉舊

例舉行 交趾武寧州民阮克孝言五事

上覽之謂侍臣曰其詞鄙俚可憎但云用人當先擇牧字
雖常談其亦意善所云交趾有蜈蚣採之可得珠明為
希世之寶蓋欲以諂媚希恩也凡人進言雖不當朕未
嘗拒此人語却妄誕左右有請罪之者

上曰但不聽之耳蠻民何足罪 直隸蘇州衛言蘇州府
所屬七縣秋糧當輸北京者六十餘萬石府縣徵收在
船必俟戶部催糧官點齊方起有自冬十一月十二月受
載至次年春二三月始行者比及上倉秋七月八月始
還甚至冬深河凍不能還者若一舟十人千舟則萬人
坐費日給又妨農事乞勅催糧官如遇米完或百艘或
二百艘先後發運廢舟不停滯糧易抵倉漕運早完農
不違時公私兩便矣從之 丁丑

上諭左角門諭行在錦衣衛指揮使王揖等曰昨夜二更有扣西華門言欲奏事者又有人收擊之云待今日早奏今早亦不奏其寃詰之揖等根究还奏乃府軍右衛識字軍掌帶刀官巡更文簿曰例每更巡歷到門者於簿書押為識其夜帶刀百戶李諒等怠於巡更先晚皆豫書押識字軍欲奏指揮楊輔右諒等收擊之不得奏上曰帶刀夜巡所以防奸怠惰慢欺者可罪黨邪抑正者左可罪命悉付行在都察院治如律 賜陝西甘州居住指揮亦卜剌金弟馬哈木等鈿綵帶表裏有差 右軍都督同知掌四川都司事李敬病日數年

仁宗皇帝聞之召還至是始至命致仕居南京且命給傳以行 山西布政司奏今年七月以來太原府沁潞二州徐溝大谷祈屯留四縣屢雹傷稼者八百五十五頃

上命行在戶部遣人驗視蠲除稅糧 貴州水德江長官
張沂奏奉布符令民計口納食鹽鈔貴州郡縣皆溪洞
蠻民自耕以食商旅不至無貨易鈔乞賜免納

上諭行在戶部臣曰貴州遠處之地蠻民何由得鈔朕方
綏撫欲其安業若令納鹽鈔未必不致驚擾方面郡縣
皆以不聞卿等亦不據及此土官乃能言之是土官能
恤民也其免之 夜有流星大如雞彈色青白尾跡有
光出織女東南行入天帝西垣

大明宣宗章皇帝實錄卷之七

大明宣宗章皇帝實錄卷之八

洪熙元年八月戊寅行在禮部尚書呂震言

仁宗皇帝喪服已百日請

上易素服御天門視朝

上諭震曰

皇考劬勞大德不幸奄至遐棄朕念父子至情况

梓宮在殯旦夕瞻奉

几筵中心何忍卿所奏可候

山陵事畢再議 命故府軍左衛指揮使袁聚子琮江淮

衛指揮使戴成子文燕山左衛指揮使趙得子勝俱嚴

賊燕山前衛指揮僉事馬良濟州衛指揮僉事湯昇俱

陳老疾命良子俊昇子勇俱代戍 以故濟州衛正千

戶王富子原喜嚴陞流官指揮同知富初從請准于小

河戰沒時原喜幼至是始告罷以富沒于王事故加陞之遣內官李敏馬驥等送神机銃炮赴萬全諸邊衛上諭之曰爾專守護銃砲遇有倣急則用凡軍馬調度征或之事悉從總兵守備官處置爾不得纖毫干預但違朕命必罪汝因顧侍臣曰用將在專若令此輩預兵事必撓其權安能成功侍臣曰誠如

聖見自是中官送器械赴邊衛者

上俱賜勅戒約夜有流渥大如盃色青白有光起天苑東北行至近濁已卯賜哈密差耒都督僉事脫不花都指揮同知把孩指揮同知也速迷力指揮僉事兀麻兒正千戶把刺試百戶哈密火者等十七人誥勅貴州小龍番長官司長官龍慶福遣頭目朝集雲南大理府師井巡檢司土官巡檢楊勝孫和及山井監井

鹽課司土官副使楊聖四川越雋衛土官指揮劉順遣
總旗蘇捨兒等耒朝貢馬 賜琉球國使臣浮那姑是
男者結制等鈔金織文綺紗羅絹有差 直隸常州府
奏武進宜興江陰無錫四縣去歲水澇田穀無收民缺
食者二萬九千五百五十餘戶已勸富民分借米麥二
萬九千九百九十九石有奇賑之

上諭戶部臣曰富民尚能恤貧况國家乎卿等慎毋輕用
厲民之政 庚辰賜坤城回、者馬力丁肉迷回、哈
只阿黑麻乞兒蠻回、馬黑木等綵幣表裡金織文綺
嚴衣有差 安東中護衛百戶丁源等五十餘人奏韓
府長史楊耀宗護衛指揮謝輝等及承奉楊綠不法數
事

上諭行在兵部尚書張本曰韓王嘗訴護衛官軍皆畏平

涼道遠不肯隨從之國逃逸甚多已命捕治之此輩得
非逃逸者乎汝即勘三奏姓名同否本復奏五十餘人皆
是

上曰所告長史等罪惡是誣罔以蓋己非不可信也付行
在刑部鞠之 壬午昏刻有星大如雞彈色青白尾跡
有光出外屏東南行至近濁 癸未命廣西按察使胡
鑿為大寺卿同四川叅政葉春巡撫直隸及浙江諸郡
占浙江治農事通政岳福還先是廣西布政使周幹奉
仁宗皇帝命巡視及浙江還言有司多不得人土豪肆害
良民苦之乞命廷臣往來巡撫庶凡民田里又言岳福
老疾不能任事

上命行在吏部尚書蹇義會戶部兵部議至是義等議
奏請如幹言

上曰朕為生民主恩澤所施必先貧弱豈知奸豪為害如此譬如治田不去稂莠嘉禾豈茂其命胡槩為大理卿同叅政葉春復往巡視再有犯者悉治以罪必使小民皆得其所岳福既老疾令還京以前司經局正字王雅為翰林院檢討雅嘗坐累謫交趾仁宗皇帝即位念其旧臣遣使召之至是始至

上曰此我

先帝所素重者遂有有命掌交趾布政司事兵部尚書陳洽滿九年當給由赴京吏部以聞

上曰洽以大臣鎮一方豈宜輕動命如黃福例免未行在都察院奏比者陝西按察使陳智上言請循旧例令監察御史各道按察司每歲八月中出巡審囚刷卷緣前奉

仁宗皇帝詔書自永樂二十二年八月十五日以前所欠課程倉糧未納贖罰等物俱已蠲免此後文卷宜如旧例以革奸弊從之 行在欽天監天文生李宗善言有母居南京年老無丁男侍奉乞躬往迎養

上諭行在禮部臣曰母子至情不可拘以常例其即遣行蓋常例天文生不予私告雖父母沒不得丁憂止予告奔喪耳 甲申遣鄭王瞻峻還南京謁

孝陵

上諭之曰

太祖高皇帝開創鴻業以遺子孫陵寢所在如何能忍今即位之初政務所係不遑躬謁汝其代行其洒掃有弗虔封樹有弗勤周衛有弗備皆嚴飭之必恭必慎以稱予意 命廣西右政布使周幹復任 命故金吾左衛

指揮僉事周得弟斌罷流官指揮僉事 賜雲南寧遠
州土官知州刀吉罕子旺孟昆明縣赤水鵬巡檢司土
官巡檢馬麒等鈔絲帶表裡有差仍賜刀吉罕及其妻
紆絲紗羅 行在吏部言監察御史張珪前在處州監
辦銀課盜官銀七十兩律當斬免死罰役遇赦旋丁憂
去今復闕難復原職

上曰為奸盜豈可復用罷為民 行在兵部奏初思州思
南土軍皆本處夷人聚則為兵散則為民前宣慰田琛
田宗昂各奏設千戶所朝廷惟除千戶其百戶鎮撫皆
用本土頭目軍皆入伍夷人是以不安今二宣慰司已
革罷土軍悉復為民独思州思南二千戶所官尚存若
仍存之則當聚兵使之率領不然亦請罷之

上曰撫治蠻夷當循旧俗若再聚兵非靖安之計宜罷除

之千戶令婦曰衛所其本土頭目仍屬各長官司或後
用土兵令其率領 乙酉命行在工部預造

仁宗皇帝祔廟祭器 少師隆平侯張信奏天壽山用工
旗軍前于通州總閘三月糧至營失火燒燬皆盡今缺
食者一千一百七十七人請再給

上命行在戶部如數給之 行在吏部奏今天下教官凡
缺一千八百餘員

太宗皇帝時曾選監生除授今請于兩京國子監推選五
百人如旧于翰林院考試分別等第以次銓除

上可之因謂尚書蹇義等曰今之人才多出學校若無明
師訓誨何以望成才監生選除固是旧例須令祭酒司
業及諸學官務選經明行脩之人不得濫奉 行在刑
部奏鞫安東中護衛百戶丁源當隨韓王之國平涼而

憚遠去乃同旗軍五十餘人誣告韓府長史指揮承奉等官取庫兵選女子并科歛等事意求脫免護衛

上曰枉人以利已賊之尤者繫其首謀者于獄治如律餘悉械送王自治之丙戌治河南衛輝府淇縣丞主簿各一員先是淇縣民止六里惟設知縣典史至是新收遷民二十里吏部請增置丞簿

上從之謂尚書塞義等曰丞簿佐縣長苟不得人則爭權

競利民被其擾其慎選之裁減順天府縣丞主簿各

廣濟縣

一員以民戶減也廣西按察司副使張用中奏思恩忻城等縣賊首覃公旺等各聚衆強劫又南寧宣化潯州桂平兩縣強賊多者二千人少者三五十人往殺虜人畜劫掠財由哨守指揮李慶千戶蒯貴等不能嚴督軍士擒捕請治其罪仍乞調兵追勦

上命兵部臣曰姑記歷等罪使殺賊以贖勅總兵官鎮遠
侯顧興祖曰近思思等縣蠻賊作耗已勅爾勦兵調捕
今聞賊愈恣肆又有強賊二千人攻劫那龍寨等驛掠
民男女牛馬其即發官軍持賊巢穴毋徒坐視致其滋
蔓以傷吾民 昏刻有流星大如雞彈色青白尾跡看
光起天倉西南行至近濁 丁亥薦

仁宗昭皇帝陵號曰獻陵 大理卿胡縉叅政葉春及視
應天及浙江諸郡陞薛賜勅諭之曰尔往扈天常鎮嘉
湖蘇松及浙江兩屬境內巡視軍民何弊當去何利當
興審求其故具實以聞凡官吏糧里及公差官負有禽
刻害軍民及士儻恃強侵欺小民者悉皆奏來應合
禽問者即禽問不伏者量調所在衛所官軍擒解務除
兇惡以安良民其各處農務水利悉從提督爾等恪遵

朕命必廉必公必勤必慎庶稱委任之重 命故行在
中軍都督府右都督高敬子英骸為行在羽林前衛指
揮使 夜有流星大如雞彈色赤有光起外屏西北行
至室月有暈色倉白圍圓濃厚畢鬣參井四宿及五車
在內 戊子命行在工部凡南京營脩宮殿軍夫工匠
人月給米五斗鈔四錠 己丑賜趙王高燧樂工二十
七戶及樂器衣服 庚寅命故羽林前衛指揮使駱永
平弟廣通州衛指揮同知莫成子貴金吾左衛指揮僉
事張智子忠虎賁左衛指揮僉事孫得子旺長陵衛指
揮僉事張琬子遠通州衛指揮僉事王貴子勝俱骸賊
故遼東都司都指揮僉事許貴弟寧借骸燕山左衛
指揮使蓋貴子福長廢疾故寧例得借骸俟福長有子
還其骸 賜撤藍回回失里撤荅等綵幣絹布有差

夜有流星大如鷄祥色赤尾跡有光起五車西北行至文昌 辛卯行在禮部奏進

仁宗昭皇帝梓宮出奠儀注一文武百官自八月二十七日為始于本衙門宿齋至三十日早哀服朝臨一如儀至發引日止一京師內外至祭祔日止皆禁音樂一自發引前三日禁屠宰至奠畢止一皇親公侯伯文武四品以上命婦九月初一日早服麻布大衫蓋頭赴順天府東設祭處所恭俟

梓宮至共祭一壇祭畢各回一公侯伯忠勇王外國四夷四臣共祭一壇國師禪師刺麻共祭一壇都督都指揮共祭一壇各部都察院等衙門官共祭一壇順天府并所屬官吏耆老共祭一壇在外各王府所遺官共祭一壇自上城外至山口緣途以次行禮一神主回日文武

百官表服出土城迎接一神主還行在錦衣衛至幄次
備儀衛先于城外迎接一神主附廟文官五品以上武
官四品以上各具祭服赴

太廟陪祭一文武官員監生人等不係分送者及應合祭
祀官員俱送出德勝門土城外行五拜三叩頭禮奉哀
畢辭回一緣途市巷軍民男女人等輳集之處遇

梓宮至皆跪俯伏奉哀候

梓宮過輿一在京大小文武衙門各分官送奠就于設祭
壇所恭候致祭 台前軍府前衛衛指揮使蔚海指揮
同知徐定蕭旺吳得方整汪海張義王廣宋福凌雲指
揮僉事李彤顏通夏勝史玉馮慶龐貴郭旺馮正梁興
王榮劉榮楊琮孫禮程端還本衛海等曰皆以幼官侍
上因冗負調緣邊諸衛至是悉召還 賜貴州小龍番長

官司頭目朝集雲南大理府師井巡檢司土官巡檢楊
勝孫和山井鹽井鹽課司土官副使楊堅四川越嵩衛
總旗蘇捨兒等鈔絲幣表裡有差 曉刻月犯軒轅南
第四星月在西 壬辰夜有流星大如盃色青白有光
起外屏西南行至天倉 癸巳趙王高燧奏請躬祭
獻陵

上以藩屏事重復書止之 行在禮部奏坤城等處使臣
馬力丁等十五人進馬及方物復以馬表市

上曰遠人宜厚待之凡賜鈔八千五百一十錠絲幣九十
一表裡襪色絹二百三十四匹綿布七十疋 賜谷密忠
義王使臣賽因等二人鈔幣 太白晝見 甲午以奉
奠

仁宗昭皇帝于獻遣太師英國公張輔告

昊天上帝

厚土皇地祇太保寧陽侯陳懋告

太社

太稷之神定國公徐景昌告

六廟太皇太后 前晉王濟喜奏臣晉恭王嫡長子幼失

慈母仰荷

皇祖太祖高皇帝

皇祖妣孝慈高皇后躬垂教育祇于成立及先王薨逝遂
令嗣封受命以未夙夜祇慎思惟上報朝廷下全骨肉
而賦性蠢愚友愛未至遂為諸弟濟熿濟炫濟烺所惡
累造誣詞併力傾奪賴

太宗皇帝明聖曲意含容而濟熿等懷毒稔兇不奪不厭

又肆狂言加以極惡必欲置之死地雖

天威震怒猶不忍誅謫臣父子徃守先王墳園臣亦不敢
自明威思念咎遂歷九載蒙

天地之德日月之明察臣愚衷知臣誣枉免臣九死賜臣
更生召至行在親垂訓諭云尔之前事既已盡知今濯
以江漢暴以秋日復可居之平陽以俟後命既恩而蒙
恩封臣長子美圭為平陽王臣闔家大小辟猶草嘗出
摧朽之餘遂敷榮之美其為感激何可勝言重蒙
仁宗皇帝眷愛之隆稱以兄王錫以冠服榮及父子喜動
臣民鏤骨銘心無以為報茲遇

皇上統理萬邦垂澤愚臣有加無已願臣生者已受大賜
痛念臣嫡母妃為庶子涖燬毒藥墮命含冤重泉未遂
伸理臣之家財俱被侵奪臣之隨侍皆被抑配衆所共
知非臣敢誣今朝廷脩注玉牒附寫宗文凡諸王受封

嚴封為事削奪皆合具陳念臣濟熺本慕忠孝橫遭誣

罔已羨

累聖明察昭雪伏望

聖皇俯垂憐憫毋令臣枉被惡名有玷世譜則臣死之日
猶生之年若濟熺輩兇險毒害筆墨難殫伏乞容臣入

朝面陳其說

上得奏復書曰伯王前事在

皇祖太宗皇帝時具已明白洞見幽隱

皇考仁宗皇帝德隆親、宸章昭明大公至正其孰敢異
議更不煩至辯也今宗、文圖一從審意報未所諭欲面
諭其事姑且含容未宜輕出 太監鄭和等奏奉勅條
理南京宮殿當用金箔請令有司市買命于天財庫支
鈔買用須依時直勿虧小民 巡按江西監察御史陳

憲奉明經儒士二人堪任教職

上命行在吏部取用因謂曰山林間豈無遺逸尔等當廣
詢訪凡有通經之士悉以名聞 四川都司布政司奏
松潘等處羊力劫簇番人阿兀等聚衆出沒劫掠軍民
勅都司調附近衛所官軍捕之 夜有流星大如雞彈
色赤有光出畢東南行至雲中 乙未芝王孟焯奏欲
朝宣德元年正旦

上復書止之其後諸王有請朝正旦者皆如之 平陽王
羨圭奏歲祿內乞量給粳米

上命戶部于山西布政司屬縣歲運粳米五百石送平陽
王府 交趾叅將榮昌伯張智等奏叛寇路文律潘僚
陳文阮幸及阮光烈胡綱阮子英阮汝言陳江陳清陳
元忠胡將并軍民人等咸言願改過自新請降勅撫諭

上以奏示侍臣且曰蠻夷之人叛服不常從古而然不足怪若窮兵黷武亦非帝王盛德事不若因其所陳而赦之亦稍舒官軍之勞遂勅文律等曰爾等本皆良善但因所司撫綏失當以致逃竄山林聚眾拒命原其初心寔非得已而父子夫婦兄弟分離馮越不得寧居疾病死已不能相保歷年既久艱苦備嘗有可憐憫今朕統承大位主宰萬方薄海內外皆朕赤子罪無大小悉已赦除今總兵者言爾等有悔過心朕用嘉之特遣人賫勅往諭等爾如誠心遷善即各還本土先有官者悉付總兵處自陳其名奏未授以職事仍前任用係民人者官給種子農具蠲免賦役五年前之過失譬如寒水遇春消釋靜盡無復查滓朕之此言上通

上天爾等更勿懷疑因循不決失此事機後悔無及仍勅

智等若其未歸宜善撫綏 應天府尹薛均奏自永樂
二十年至今年六月工部及光祿寺買民間段疋紗羅
猪羊等物價鈔乞于南京天財庫給民

上諭行在戶部臣曰買物踰三年不給直民何所資此有
司不恤民也其速支給今後官買物不即時給直者罪
有司 順天府通州真定典陽知縣奏民欠戶口食鹽
米者奉部符責懲民多逃竄且近時霖雨傷稼租賦不
足民食不給食鹽米乞折鈔

上從之命行在戶部凡他州縣有被水者皆准此例 丙
申勅邊將謹邊備特山西石州民自虜中逸歸言阿魯
台令所部人備馬三匹意欲南行

上曰此虜雖桀驁勢亦不震然古人重防秋遂勅總兵官
鄭亨譚廣唐銘等各嚴兵備

上諭行在兵部臣曰國家養軍士惟在撫恤有素得其心
然後得其力比聞各衛軍多逃亡皆由將領者不能存
卹夫軍士在行伍一有征調朝令暮行不敢辭勞所以
朝廷養之惟恐不至月支糧餉歲給布絮尤慮其失所
為將領能體此心平素善加撫卹臨敵之際協力同心
必能成功為將而不達此不憫其勞又嘗使之甚至減
剋糧賞以致飢寒切身無所告訴不逃何俟如此國家
何望得軍士為用爾即榜諭武臣務存恤軍士不許生
事嘗言遺者罪之 陝西按察使陳智奏邠州知州李
芳等二十餘人以貪濁考黜咸寧縣丞黃維潼關驛丞
樊慶等八人公勤有才能乞令戶部擢以州郡之戒
上謂行在吏部尚書蹇義曰用人須辨賢不肖不肖者必
退矣者必進智所言如詢察果實即擢任之 廣西思

恩縣知縣謝寅奏蠻人探掠鄉村殺民男女田多荒蕪
乞蠲其稅糧

上謂行在戶部臣曰蠻方遠邑民為賊所殘賦何從出其
免徵

大明宣宗章皇帝實錄卷之八

大明宣宗章皇帝實錄卷之九

洪熙元年九月丁酉歿

仁宗照皇帝梓宮發引

上恭率親王陳啓奠祭告其祖奠至安厝一遵奉葬

太宗皇帝禮儀命襄王瞻塔護喪行礼 夜有流星大如

碗色青赤有尾跡光燭地後有三小星隨之起外屏南

行至土司空炸散 辛丑夜有星如雞彈色青白有光

出勾陳西北行入天槍又有流星大如盃色赤光燭地

起天倉西南行至近濁 壬寅葬

獻陵先是

仁宗皇帝賓天

上命有司擇葬地得吉兆於天壽山之陽召尚書蹇義夏

原吉等諭之曰國家以四海之富葬其親豈惜勞費然

古之聖帝明王皆從儉制凡孝子思保其親之體魄於
永久者亦不欲厚葬秦漢厚葬之患足為明戒况

皇考遺詔務從儉約天下所共知今建山陵予以為宜遵
先志卿等之意如何義等對曰

聖見高遠發於孝誠萬世之利於是命成山侯王通工部
尚書黃福總其事其制度皆

上所規畫三月告成至是葬其山周正圓厚岡巒拱揖川
源逶迤與

長陵相比云 乙巳

仁宗皇帝神主還京文武百官衰服出迎于德勝門外行
五拜叩頭禮從

神主至午門外

上衰服奉迎步導升

几筵殿奉安于靈座行安神礼 昏刻月犯壘壁陣 丙

午文武百官以葬

獻陵行奉慰礼 朝鮮國王李洵以

仁宗皇帝賓天遣陪臣金謙等進香幣 鎮守山海等處

總兵官遂安伯陳英奏永平董家口等處是臨邊要地

調興州左屯衛指揮同知黃勝領兵巡邏勝畏難不遵

調遣請治其罪

上曰為指揮不受總帥節制若千百不受亦不受指揮節

制指揮心如何此不可不治命行在都察治之如律

巡按浙江監察御史戴誠奏太常寺贊礼郎呂得真往

湖州府買羊供祀妄生嫌惡索逼私賄請治其罪

上諭行在都察院臣曰國家重祭祀其犧牲諸物買於民

間者令酬實價不許損民今假此以求賄賂人既與怨

神豈歆享就令御史治之 巡按山西監察御史耿文
奏巡視各衛所盤點屯種子粒興州鎮虜高山雲州大
同諸衛皆以征戍罷屯倉無儲備

上諭行在戶部尚書夏原吉曰屯田一事國有成法而御
史言諸衛以征戍罷屯何也宜究其實以懲戒之 山
東登州府奏萊陽縣秋雨傷稼一千二百一十九頃有
奇命行在戶部蠲除稅糧 福建連江縣奏永樂初戶
口蕃多歲輸益糧二千餘石自後戶口什去三四而糧
額如舊皆小民代輸

上諭行在戶部臣曰計口給益以米輸官口既耗減而猶
准舊額徵米是厲民也即令有司勘實徵納毋拘舊又
貴州都均長官司奏所屬田租初與平浪衛俱運輸
清平衛倉後平浪以道遠難於輓運請輸都均衛倉

比者本司所屬輸糧清平中途為寇所掠乞授平浪例
輸都均衛

上諭行在戶部臣曰蠻夷當撫以寬簡其從所言 丁未
行在太常寺奏歲暮孟春當享

太廟而犧牲所豢豕皆是抽分選來瘠小不堪請給價預
於順天府改買餽飼庶幾及期可以奉祭

上從之諭府尹王驥曰祭享大事犧牲不成豈可以祭若
低價抑買人情不懌神亦不享爾宜慎之 朝鮮國王
李洵遣陪臣李原睦進趙賚等奉表貢馬及方物賀

上即位及尊

皇太后冊中宮 給秦府富平王志潔歲祿二千石內支
米五百石餘折鈔靖江府恭城縣君及儀賓李賢歲祿
三百石內支米二百石餘折鈔宣化縣君及儀賓楊義

如之宜湘鄉君及儀賓廖嵩歲祿二百石內支米一百五十石餘折鈔新義鄉君及儀賓陳順如之 藩王模奏歲祿米內乞支大米五百石從之 太師英國公張輔奏大營及五軍將士馬多瘦損乞官給芻豆

上曰軍校艱難僅能自給豈能更備芻豆飼馬命戶部悉給之 戊申朝鮮國王李裲遣陪臣李順蒙等奉表貢方物賀上

仁宗皇帝尊謚 復李嘉通政使嘉前任行在通政司右叅議永樂中奏事稽緩降鴻臚寺丞

仁宗皇帝嗣位陞為通政使有過降交趾按察使司知事已而念其有守城功特召還及是始至遂復原職云 旌表貞女孟氏孟諸暨縣民女名蘊初許嫁縣學生蔣文最未歸文勗克貢入監為御史病卒蘊年纔二十號

哭歸蔣氏執喪三年養其舅姑盡孝甘守苦節年已六十巡按監察御史尹崇蕙得其實奏請旌表

上謂行在禮部臣曰夫死婦守節世恒有之此女但許嫁能執婦禮守志不二可謂真女人所難能者宜旌表以勵風化 左通政岳福奏蘇松嘉湖諸郡春夏多雨禾稼損傷

上命行在戶部遣官覆視被災者蠲其稅 山西布政司奏樂平介休二縣及遼州夏初多雨沒官民田稼二百九頃桑一千三百三十株命行在戶部蠲其租稅 己酉命行在工部於江西饒州府造

奉先殿

太宗皇帝几筵

仁宗皇帝几筵白磁祭器於磁州造趙王之國各壇祭器

慶成王濟炫奏本府有官軍二百五十人在大同修築乞遣還

上復書曰大同正防秋之時官軍未可輕撤况

皇祖所命以保固家邦非所今敢輕改 烏思藏番僧劄鎖等來朝貢馬 守城門內使私役門卒飼鵝鵝被盜 卒貧不能償日考掠不已事聞

上諭隨駕司禮監官曰門卒專職關防豈當為人飼鵝且內使敢毒人於國門之內是不知有朝廷法度亟罪之 長蘆都轉運鹽使司石碑塲奏今年六月多雨河水泛溢滄沒本塲鹽九千一百八十一引惟存三千九百七十八引

上曰此非人力所能支命行在戶部除其課 昏刻有流星大如雞彈色青白有光出壘壁陣東星西南行至北

落師門 庚戌以明日奉

仁宗皇帝神主祔享遣官預告

太廟

上躬告

几筵

上命行在戶部尚書夏原吉於昌平縣選民四十戶充

獻陵陵戶

上謂行在吏部尚書蹇義等曰比者御史考察官員闒茸不稱者多由吏典出身蓋初用之時失於慎選今各衙門吏典宜從親臨官選擇吏部審覆鄙猥不堪者罷歸為民義奏凡吏年老殘疾寫字麓拙不諳文移已有例發遣今復命揀其鄙猥不堪者罷為民後有給由截替等項到部者請從本部選擇

上從之義又言山東山西河南陝西四處人民識字者少不堪充吏請以重役吏散遣各布政司令自分布所屬衙門兩考滿日還部

上曰姑行之後勿為例 行在吏部奏前監察御史馮泰永樂中居親喪挾勢取僧寺石柱石碑供葬又設宴召客令優人陳雜劇為樂又擅據按察分司公座受詞訴用縣皂隸導從出入拘集里老報逃軍逃府因發府縣提問事覺贖罪還取

仁宗皇帝臨御泰以沙汰黜復妄陳訴發交阯充吏今會赦還京緣泰不孝之人難以復用

上命黜為民 行在戶部奏比有旨賜武進伯朱榮葬地廣一十九畝有奇乃宛平縣耕地命蠲其租額 順天府民金成伏闕言年已八十止有一子初以守城功擢

序班今陞交趾思蓉縣知縣乞改除附近庶便養已

上謂少師吏部尚書蹇義曰此人之至情不可違之其從

所言 辛亥奉

仁宗皇帝神主祔享于

太廟是日早

上袞服詣几筵殿拜奉

神主出思善門外易祭服詣

太廟由左門入至

一廟神位前內侍捧

神主置拜位

上於

神主後行八拜禮以次至

二廟

三廟

四廟

五廟行拜禮如初畢奉

神主置坐位行祭禮如時享之儀文武陪祭官隨班行禮

畢

上奉

神主還至思善門易衰服詣几筵殿行安神禮 壬子

上諭行在兵部尚書張本日兵以禦侮當國家無事時正

須整肅士伍修舉兵政書曰張皇六師詰爾戎兵正此

之謂今內外衛所軍士徒具名數比遣御史給事中點

閱多有逃亡者爾職典兵事宜即遣人追捕廢幾士伍

不缺緩急得用 掌山西都司事都督僉李謙奏武安

侯鄭亨鎮守大同調去本司官軍一萬三千計彼所有

四萬四千三百四人兵力有餘本司地連東勝虜寇亦
嘗侵犯而兵力寡弱請於大同取回五千人操守為便
上勅武安侯止留精兵五千餘悉發還行在戶部奏公
侯駙馬伯及在外儀賓歲祿未樂二十二年以前並兼
支米鈔

仁宗皇帝臨御命於南京兼支米麥今南京麥少宣德元
年各官歲祿宜循例於南京關米其麥隨便於北京通
州等處支給從之罷前雲南布政司左布政使周教
山東按察司僉事蔣回為民永樂中二人坐罪謫交趾
辦事至是遇赦還京例應叙用行在吏部言其不廡故
有是命行在刑部尚書金純奏山東大辟重囚罪狀
請遣官臨決

上命再令山東都司布政司按察司及巡按御史審復果

無冤枉者決之但有辭皆須覆奏行在大理寺卿虞謙奏民有盜官殺食者律應絞

上曰以馬殺人過矣其宥死發邊戍陝西行都司奏軍器損壞擬造鉄盔青甲萬副所用物料乞令布政司支官鈔買辦

上從之謂行在工部尚書吳中曰邊防國家重事其切用者兵器兵器有備然後可以制敵古者郡國有庫兵京師有武庫皆儲武備今西陲極邊之地兵器安可無備其令速造官給其費毋科擾於民又謂中曰內外衛所軍器皆須遣人閱視凡損壞者官給物料須為修理石匠方真訴兄弟六人四人供役卒於京師惟真與次兄今仍執役家無餘丁有母年八十居原籍嚴州乞免一人還鄉侍養通政使司以聞

上顧行在工部臣曰此於天理人心如何爾曹亦皆有母
乎其即令一人侍母終身其一人亦令省母後還役

癸丑慶王櫛奏伏惟

皇太后榮進尊號臣忻忭之極即奉箋上賀取得禮部所
降儀式當用表文臣櫛不學過誤敢陳首謝

上復書曰承喻箋文之誤實是禮部行移稽緩叔祖乃自
引為過謙德之至非所敢承幸不以介意 給國子監
官吏俸鈔初戶部奏定永樂二十年至二十二年文武
官俸鈔俱折支胡椒蘇木而國子監未及閏支至是宣
司業吳溥以奏

上諭行在戶部臣曰國家養賢最切要事儒者迂緩請給
不時今既自言其即給之 行在兵部尚書張本秦兵
政未清請分遣大臣各處清理并列清理事例八條一

聞一各處逃軍榜文到日限三月內自首與窩家及里隣人等俱免罪再限一月收拾盤費有司差人管解不許遲延若限內不首被人禽獲到官逃軍并里隣人等依律治罪就點親屬里隣人等管解窩家收發附近衛所充軍若窩家係軍人調發邊塞衛分充軍或窩藏人等能自首到官止坐逃軍之罪餘人免坐如窩家懼罪不擒赴官將逃軍轉迓他所藏匿者不分軍民俱發煙瘴地面充軍所在官司知情故縱者依律坐罪如果逃來暫賃房屋安歇本家不知逃情者不坐官府毋得羅織生事擾害良善一逃軍正身未獲先將戶丁解補仍責限里甲親隣人等根要正身得獲替出戶丁寧家若逃軍未勾之先已行起解日久不到衛所差人管押戶丁挨查如果未到就將戶丁收補俟正身至日放回該

衛所不許留難一逃軍不許指以告狀為由故意遷延生事擾害良善設有應訴事件止許家人代理若在中途被長解人等侵損許告所在官司整理將長解人等嚴加懲治事情重者依律問罪仍速將逃軍接迓不許指此為由縱容遷延違者治罪一勾丁補役務要照例勾解如果丁盡戶絕當該州縣具由類造文冊差人具奏仍將官吏里隣人等不致責放軍後重并保結文狀繳送兵部查理若軍戶下本有人丁比先捏作朦朧無勾即便改正勾解與免前罪若又扶捏回申事發之日軍丁發邊遠充軍原保結里隣人等將發附近衛所充軍官吏依律坐罪一各處有司起解逃軍及軍人軍丁務要量地遠近立程限責令長解人等依限管送各該都司衛所交付着長解人等縱容在家遷延不即起

程以致違限半年之上者依律治罪一年之上者長解人亦發附近衛所充軍一各處解發自首軍人補役軍丁除腹裏地方衛分一千五百里之內不與口糧其餘一千五百里之外扣算路程經過官司應付行糧日支米一升過期不與不首逃軍不在應付之例一各處巡檢司官吏兵牌職專巡捕今後敢有縱容境內軍民人等之家隱藏逃軍不行擒拿許親臨上司并巡按監察御史按察司官嚴加稽考懲治一歲之間若被人盤獲十名之上者拿問如律一勾軍人負違限一年之上許巡按監察御史按察司官就拿解京問罪其違法情重者不拘限期拿解奏請定奪如有司官吏里甲人等恃頑破調遷延不行勾解俱依耽誤公事律的決

上皆從之 南京都察院奏蘇州強盜四十一人殺人劫

財應斬前奉勅令監繫緣強盜決不待時請令襄城伯李隆及三法司審覆決之

上曰強應死然宜再三詳審勿致有冤因諭都御史劉觀等曰嘗聞隋煬帝時盜發同時殺二千餘人推求真犯止數人而已群臣阿意順旨不復執奏至今使人歎恨卿等宜慎之 甲寅命行在都察院右僉都御史向寶右副都御史胡廩往理南京都察院 命峇密中義王差來使臣所鎮撫賽因為正千戶賜以冠帶 津都知監於東華門外 造內府寶鈔司印 行在後軍都督僉事王玉等奏閔軍士夏布

上責之曰凡事貴及時今秋深始給夏布若冬布當在何時爾輩不恤下人致遲緩如此玉等叩頭謝 通州寶坻縣民詣闕自陳所欠孳生馬駒有司責償鈔甚急乞

姑准緩期

上諭兵部尚書張本曰比令兩歲納一駒無駒令納鈔今復乞緩追即貧可知矣其緩之 乙卯設

獻陵祠祭署置奉祀一員祀丞一員 命太子太保陽武

侯薛祿掌行在左軍都督府事兼操習幼官幼軍 復

薛慎山東長清縣知縣慎在長清深得民心以親喪去

任縣民知慎服闋相率詣闕奏乞復慎長清吏部尚書

蹇義以聞且言長清別除知縣已久即如民所言又當

易之

上曰必其不如慎故民求舊國家任守令但欲其得民心

苟不得民心雖屢易何害 特免太子少傅工部尚書

燕謹身殿大學士楊榮戶內徭役 行在禮部奏定科

舉取士之額先是

仁宗皇帝以為近年科舉太濫命禮部翰林院定議額數至是議奏凡鄉試取士南京國子監及南直隸共八十人北京國子監及北直隸共五十人江西布政司五十人浙江福建各四十五人湖廣廣東各四十人河南四川各三十五人陝西山西山東各三十人廣西二十人雲南交趾各十人貴州所屬有願試者於湖廣就試禮部會試所取不過百人

上曰南士取十之六北士之十四大抵國家設科取士為致治之本其冒貢非才蓋是有司之過人既苟得遂啓倖心今解額已定果行之以公不才者不得濫進自然人知務學其令各處凡考試官及諸執事先須擇賢庶免冒濫行在工部奏密雲中衛城比因雨潦頽壞者七百餘丈請以所管及附近衛所軍士協力修築從之

守長安嶺指揮閻貴等奏請給守閩軍士皮裘狐帽

上謂行在工部臣曰口北苦寒未冬先雪士卒守關瞻望
晝夜勤若使無衣禦寒其何以堪皮裘狐帽速遣人運
往給之開平大同諸邊衛皆循此例 日生暈及左右
珥色淡上生背氣一道色青赤鮮明 丙辰行在禮部
奏明年正月朔旦南京大小諸司皆當朝賀

上曰諸司皆來朝必妨政事但令五府六部都察院各遣
官一員餘止之 行在工部奏北京城垣東西北三間
面有傾頽城樓更舖亦多摧敝請本部具材行後府發
軍修治

上命侯春煖為之 丁巳初晉府軍醫祝敬告王府與白
金令隨內官劉泰來京刺探諸事又告晉王招致異術
之人晉王聞之懼亦奏敬罪且言小人離間

上復書晉王曰祝敬所陳已燭其妄下法司治之矣叔朝
廷至親方賴藩之屏重豈彼儉邪所能間也敬所言者
度欲知之今發去一觀庶幾釋疑幸勿介意 雲南底
馬撒軍民宣慰司署司事故宣慰使妹婿跌倒莽怕遣
頭目馬只阿撒金齒軍民指揮司通事楊伯顏等奉朝
貢馬及方物 賜朝鮮國使臣金謙李順蒙李原睦進
趙賚等鈔絲幣表裏金織龍衣有差 行在都察院奏
比者廣西故都指揮同知葛森妾許氏告總兵官鎮遠
侯顧興祖耽色貪財腹削官軍大修第宅廣拓園池逼
取故夫舊居抑求故夫次妾欺凌寡弱情實難堪請速
治之

上曰大臣搃兵在外欲其靖寇安民若果所為如此法亦
難容但朝廷當存大体豈肯報信一婦人言而罪邊將

姑令自陳其實 大同摠兵官武安侯鄭亨奏修完大
同緣邊三山等處煙墩一十四座濬濠塹九十四里有
餘 戊午初行在禮部尚書呂震奏

仁宗皇帝喪服今百日之外請

上服黃袍御奉天門視朝

上不允勅少師吏部尚書蹇義等再議至是義等言

皇上孝思無窮而禮貴得宜今當祔

廟之後仍素服於西南門視朝至冬行時享禮太常奏祭

祀是日早明鍾鼓

上服黃袍御奉天門視朝至正月初一日為始俱鳴鍾鼓

上服黃袍常御奉天門視朝庶為允當

上可其奏 韓王冲域奏今之國平涼上有母下有諸子

比安王眷屬稍衆而舊府湫隘不足容請增造居室襄

陵樂平二弟今居平涼府衛乞因為居弟府中軍校
多未至暫借軍民給使令俟軍校至悉放還又奏府中
火者但有十人不足於用及請給驛符驗并安王所遣
田地房屋等物

上命行在工部遣官馳驛往同陝西都司布政司官相度
府第隨宜增造令襲陵樂平二王同居平涼府署有損
壞者為修理令平涼府暫撥民夫一百人於王府供役
先給符驗三道火者俟後遣去凡安府遺下田地草場
水磨房屋諸物悉與韓府 四川成都府茶倉奏貯茶
二十一萬餘斤歲久腐爛

上曰物久則腐况茶尤易腐命悉燬之 靖州蠻民訴有
司令造戰衣緣土不產布且蠻人不諳製造乞免
上諭行在工部臣曰苗蠻但當撫綏後之至此爾曹之過

也即免之仍行各處邊民悉准斯例蠲免 夜有流星
大如雞彈色青白有光出壘壁陣西皇西南行至雲中
又有星大如雞彈色青白有光出墳墓西南行至雲中
己未陞詹事府丞艾良為行在大理寺左寺丞鄭
燧為大理寺左寺丞主簿倪宗為行在光祿寺丞錄事
高遠右春坊司監林宗儒俱為行在鴻臚寺司賓署丞
王永錫為司議署丞左春坊左中允張宗璉為大理寺
丞贊善闡從善左司直郎蔣驥高毅俱為行在翰林院
侍講右春坊右中允徐永達為行在鴻臚寺左少卿林
長楸為鬱林州知州右司直郎蔣先為行在尚寶司丞
張景良為四川順慶府通判清紀郎韓岫為行在戶科
給事中張昱為行在刑科給事中司諫吳顯為國子監
助教馮景浩為行在禮科給事中正字陶永成為北京

國子監學正 文華殿大學士權謹以通政司叅議致仕謹徐州人初為山東樂安知縣清慎平恕其民愛之考滿改光祿寺署丞親喪去職廬墓三年寢苫枕塊有司奏其孝行

仁宗皇帝嘉之召拜文華殿大學士侍

上於東宮

上往南京謹實侍從時從臣在道間有進獻

上却弗受至徐謹獻孔門聖賢圖像

上喜特留之謹質實有操履而文章非其所長且年已老

遂命以通政司叅議致仕

上諭行在戶部尚書夏原吉曰咨密衛指揮僉事毋撒副千戶察黑麻久寓甘州今言願求居於彼凡草場田土可以曠閒之地給之行在大理寺鄉虞謙奏通州衛

千戶趙璉侵用軍糧二十石應斬

上曰五品軍官子孫世祿而以二十石米喪身何異剖腹而藏珠者免死發邊衛充軍立功無功仍坐原罪 庚申擢漢中府學訓導李蕃為行在兵科給事中初蕃上端本策於

仁宗皇帝其言皆致理之道

仁宗覽而善之命吏部召用至是始至

上命為兵科給事中復召蕃諭之曰古人言用其言而顯其身朕嘉爾故擢此職夙夜匪懈進思進忠爾尚益加勉以行在通政司經歷尹必用為山西太原府知府必用

仁宗時為通政使坐郊祀當視牲不行降除本司經歷至是自陳有守城功

上特命為知府 改禮科給事中鄭溱為知州判官溱初
自常州府武進縣主簿陞給事中至是巡按直隸監察
御史言溱在武進有科斂罪例應罷出溱自陳科斂非
其罪行在吏部請下法辨

上曰事更故勿論但改授他職故有是命 命故金吾前
衛指揮同知王文才叔聚金吾右衛指揮僉事高興子
青金吾左衛指揮僉事楊敬清潘興子駉馬進弟莫通
州衛指揮僉事徐得弟文俱罷或金吾右衛指揮僉事
劉興自陳老疾命其子副代 改常山左護為永清左
衛右護衛為永清右衛選其軍士精銳者隸府軍前衛
復役彭城衛至是復之取河南護衛軍先調口北者隸
馬命禮部皆給印所缺官於幼官中選用 命山西都
司行都司所屬衛所各設倉副使一員 四川按察司

使陳璉言五事曰明禮制一風俗修武備慎刑罰興義倉

上覽之謂尚書呂震曰凡此數事今雖已行璉能及之意亦可嘉又曰聞璉為憲官過於厚無大激揚觀其所言使為牧守或清峻安閒之職亦必能稱 夜有流星大如雞彈色青白尾跡有光出天尉西北行至近濁 辛酉賜烏思藏番僧扎鎖雲南府僧惠圓底馬撒軍民宣慰司署司事故宣慰使妹婿跌倒莽怕所遣頭目馬只阿撒金齒軍民指揮司通事楊伯顏等鈔紵絲紗羅絹有差仍賜跌倒莽怕及其妻子文錦紵絲紗羅 鎮守大同總兵官武安侯鄭亨等奏昨奉勅山西都司備禦官軍一萬三千人內留精壯馬步五千人鎮大同餘遣還操練今虜寇屯沙窩迤南慮為邊患欲姑留之以備

不虞

上從之諭兵部臣曰但後無警即皆遣還 壬戌命行在
通政司右通政秦川理南京通政司事以左通政鄒銳
坐視被逮故也 陞行在錦衣衛正千戶韓秀實為本
衛指揮僉事仍隸御用司 癸亥行在兵部尚書張本
奏引故官子弟龔除指揮千百戶鎮撫

上悉召前諭之曰爾祖爾父昔從我

皇祖征伐立功致有祿位蔭及爾輩年少氣銳當思前人
艱難得官慎守法度操習弓馬勉樹勲績則於前人有
光亦不負朝廷任使爾不可得官後輒放肆違犯礼法
朝廷公法不爾貸也 陞行在金吾左衛帶俸指揮使
唵哈為都指揮僉事 撒馬兒罕頭目阿都兒火者未
歸命為正千戶令居甘州仍命陝西行都司給房屋器

血牛羊月支薪米 甲子江西新喻縣民傅環伏闕言
臣兄弟二人長玉良以進士為常熟知縣坐視謫充通
州驛夫素有疾且母喪未葬乞令兄歸葬毋就養疾于
鄉臣願代兄役

上謂行在兵部臣曰古有兄弟代死者願代兄役此亦可
嘉其從之 夜有流星大如盃色青白尾跡光燭地起
內厨穿北斗西北行至近濁又有流星大如雞彈色青
白尾跡有光出天舡東北行至近濁 乙丑直隸淮安
府山陽縣民李敬妻一產三男命禮部如例給賜京
師民党保等奏工部令買沙魚皮造鹵簿及器械之用
此物北京素所不產

上諭行在工部臣曰凡物之需當隨地土所產沙魚皮產
於近海郡縣此何以責其京民其給官鈔就出產之處

買之庶不擾下

大明宣宗章皇帝實錄卷之九

大明宣宗章皇帝實錄卷之十

洪熙元年冬十月丙寅朔享

太廟 遣中官祭司井之神 陞後軍都督府都督僉事

費礮為右軍都督府左都督賜勅諭礮曰卿

皇祖舊臣效勞守邊十有餘年恭勤不懈簡在朕心今特
陞爾右為軍都督府左都督仍鎮守甘肅爾其益薦忠
勤善撫士卒嚴固邊防以副朕委任之重欽哉 永寧
衛指揮同知呂信奏今提督黑峪等口四十七處軍士
守備皆高山峻嶺寒凍不勝乞如長安嶺守關事例人
給毛襖狐帽

上曰邊地苦寒皮裘之賜朕已有命其令工部速運給之

丁卯置永清左衛永清右衛彭城衛經歷司經歷各
一員倉副使各一員 鎮守大同總兵官武安侯鄭亨

奏守蔚州都指揮羅文近取還京提督訓練文火居邊
衛練達軍務乞仍令守蔚州

上諭行在兵部臣曰練兵固急務委用邊將尤為急也其
令文馳驛往守蔚州 戊辰陞國子監博士周岐鳳為
兵部職方司員外郎從監察御史所薦先是有薦學官
者吏部以其職專訓誨格不取岐鳳既被薦適以親喪
服闋至行至吏部以聞特授是職 擢儒士楊翥為行
在翰林院檢討翥以經明行脩舉行在吏部試所學優
等故有是旦命復安正臨洮府知府陞正三品祿正九
載考績當陞以其民奏乞留故復之降江西按察司副
使蘇弼為魚臺縣知縣陞西按察司副使華嵩為湖州
府歸安縣知縣北京道監察御史宜順為池州府青陽
縣丞弼嵩以巡按監察御史劉昂貫等其政不勝任順

以出使枉道還鄉也 命都指揮僉事蔣貴掌彭城衛

李福長永清左衛都指揮同縈知李縈掌永清右衛時
陽武侯薛祿言三衛軍士倍于他衛指揮千百戶多幼
官宜選老成才智都指揮三人掌之

子曰幼官多養養子弟未歷行陳不知艱苦豈能理兵務

撫士卒卿言沒合朕意其令兵部同五府官推擇至是
以貴等名聞遂名分職掌之 旌表孝子節婦烈婦十

人趙鉉常州府江陰縣化成鄉民六歲祖父以禦賊被
害鉉隨母吳氏逃難遇兵母子相失不知所 在鉉賴祖
父之故人承信收育之比長痛失其母號于天徧求之
得于覲縣遂奉母還鄉倫極養孝母病衣不解帶躬侍
湯藥不少離母沒殯葬以禮廬于墓側鄉里稱之有司
以聞詔旌其門曰孝行陳氏龍江右衛軍沈馬妻年三

十喪夫一子始六歲家貧紡績以養母姑守節二十七年陳氏常州武進縣定安西鄉民朱誠妻二十二歲寡居無子至六十有一躬蠶桑以資衣食志操潔白始終無玷吳氏蔣士敬妻與朱誠妻同鄉年二十八喪夫男女皆幼撫拊婚嫁奉養舅姑克尽其禮王氏金吾左衛軍沈原妻年二十九歲喪夫二子長三歲次一歲王撫二子養舅姑三十六年志操如一張氏浙江嘉興府嘉興縣民李文遠妻年二十夫卒二子俱幼誓死不嫁奉養舅姑教養其子有成俞氏浙江嘉興府嘉興縣民錢子順妻夫已時年二十五一子三歲家貧誓不再嫁奉姑無違禮守節五十五年而終邊氏山東濟南府長清縣民苗可久妻年二十四喪夫貧不能葬泣告鄉里出力葬之一男七歲一女四歲舅姑皆嬰風疾無他子

侍養邊勤苦蠡績仰事俯育咸尽其道居孀四十餘年
劉氏揚州府泰州民朱彬妻年十九喪夫一子甫晬舅
姑老且貧勤苦紡績以供養事間俱貞其門曰貞節高
氏揚州府江都縣民戴和妻能脩婦道和為郡學生溺
水死遺孤女生才三月高朝暮啼哭誓同死但以孤女
在絕去粧飾謹自持未幾孤女亦死遂求夫溺處自沉
事聞詔旗其門曰貞烈 遼東總兵官都督僉事巫凱
言義州地臨極邊備禦都指揮李信以罪去職今開原
守備有都指揮郅溶李敏及指揮使巫正三人義州急
缺將領

上命李敏守義州 湖廣茶陵衛彬州守禦千戶所軍李
敏言本所軍旗及外縣民言佃耕民田及買戶絕田為
寄庄戶稅糧舊輸彬州倉近年寄庄并民畸零糧俱運

衡州等府輸納艰难人多逃匿洪武中本所設軍儲倉收彬州稅糧按月支給乞令以軍民寄庄及時零糧存留軍儲倉為便從之 己巳召鄭王瞻埈還 勅行在兵部尚書李慶治南京兵部勅曰南京國家之本所係所重朕夙夜在念必有心腹大臣居之卿可留彼專理兵部之事卿國之輔臣勉盡乃心以副朕意欽哉慶先隨侍鄭王赴南京至是召王還故特留慶云 命太子太保成國公朱勇掌行在後軍都督府事 陝西行都司土官都指揮同知李英至京進所獲安定番童一十五人及馬駝

上謂兵部臣曰番人作過不得已征之得其首惡足矣童子何罪即遣本土無父母可依者付各衛令善養之馬駝付御馬監 夜有流星大如雞彈色青白尾跡有光

出河鼓西南行至游氣 庚午行在兵部尚書張本言
富平王志潔奏缺校尉請于西安護衛整撥一百戶官
軍隨之侍從之 福建福州左衛指揮僉事儲政言福
建都司衛所指揮千百戶有年踰六十老病羸弱不能
任事者有總三十四歲而痼疾不能動履者皆畏避子
孫比試之難不令代戍每遇迎迓進表則扶策以行至
臨事差遣則以疾為辭竊聞各處皆有此弊乞行各都
司衛所凡老疾者依例致仕令子孫代有雖非老疾而
鄙猥孱弱者亦如之

上從其言 辛未以征安定曲先功陞陝西行都司都指
揮同知土官李英為右軍都督府左都督食祿不視事
給世祿誥命并賜織金緞衣鈔銀綵幣表裡其從征有
功將士在陝西者遣官以鈔銀幣等物往賜之 陞罕

東衛土官指揮使却里加必里衛土官指揮同知康壽
莊浪衛土官指揮同知魯失加俱為陝西行都司都指
揮僉事不理司事給世祿誥命其餘有功官軍悉次第
陞秩 命行在戶部兵部曰凡邊郡軍民為虜寇所掠
後能脫歸者悉給衣食驛遞還家免其差徭 夜太白
犯平道太白在西 壬申復擅凱貴州思州府通判凱
為通判九載當陞其民詣闕言凱廉介豈弟乞復其任
吏部以聞

上曰貴州至北京甚遠民涉跋艰难求其復任必其撫字
有道命吏部即遣還任予正五品俸以優之因顧侍臣
曰爵祿所以勸士朕聞古人制祿之意有三曰優外
官優小吏優故老優外官勉其治民無侵于下優小吏
俾其廉潔優故老尊其宿德况州官縣之賢者

先朝恒如祿矣通判外官可不優之乎 癸酉通政司奏
河州軍民指揮司言永樂中官買乳牛造酥油上進後
奉詔書罷造所買牛猶存請送京師

上謂行在戶部臣曰停進酥油此

皇考仁恩不欲勞人也河州地遠多屯軍且土寒人貧其
悉以牛給之 甲戌行在刑部尚書金純奏保慶府知
府李裕先奏府吏犯法會赦免吏今告吏受賕事亦在
赦前奪當免問

上此當問非欲以罪加奪但事有當別白者蓋奸吏告訐
未可輒信如所告實則奪不可復用虛即當治其挾私
妄告之罪以為小人之戒 行在吏部奏山東左叅議
張璠初以守城有功任安丘知縣會妖賊作亂攻掠安
安丘璠率吏民與戰斬賊數十人卒全安丘

太宗皇帝嘉之特賜鈔襲衣陞叅議近巡按御史考旗無才李不稱方岳之佐例宜降用

上曰旗以功得官不可降方面之寄亦貴得之人令旗以叅議致仕仍命有司復其家自今以守城功得官非贓罪而罷者悉准此例丙子命行在吏部尚書塞羨擇文學儒者往教魏國公徐顯宗羨言有教諭閻顏考績當陞府教授可用往教

上曰勲戚家有教官此

祖宗所定大抵勲戚子弟生長富貴不知艰难惟事驕奢蔑棄禮法往陳前人之業故特選儒者教之中山王開國元勲其家尤須擇老成有文學者

皇考在御膳惓督魏國公李其令顏日與講論俾知仁義忠孝之道丁丑瞿塘衛指揮彭恭奏本衛軍士月糧

比因營造減半月支五斗不足自贍今營造既止各衛糧多乞仍舊支給

上諭行在戶部臣曰軍士資其用力豈當使食不足月支一石國家旧制暫因事撙節安可為例今既罷止即俾復旧仍會計天下各衛所糧儲凡士卒減支者悉全給之 夜有流星大如雞彈色青白有光起畢西北行至游氣 戊寅遼東建州衛舍人你沙納雲南浪蕩州土官知州阿各遣把事侯悅魯廣東瓊山等縣土官知縣許志廣遣子棠貢馬及方物 監察御史嚴繼先等劾奏北京行部右侍郎裴即懷詐不誠本部咨委往視山陵畏避炎暑詐疾不行遇雨輒復稱疾不朝忝不公座令吏日抱文牘就私家署押其平日偃蹇自是吹毛求疵陵輒屬吏不務大体又當陪祀

長陵則稱有過兼患足疾及時享

太廟即云疾瘳過已經赦徑入陪祀任其一已所欲漠無
敬畏之心請付法司治之命下禮部錦衣衛獄 右軍都
督府都督同知倪寬卒寬直隸淮安府邳州人起卒伍
從

太宗皇帝清難累陞陝西都司都指揮使後屢從征北虜
有功

仁宗皇帝嗣位陞都督同知至是卒遣官賜祭命工部營
喪葬 行在翰林院脩撰李麟卒麟字德良福建長樂
人永樂戊戌進士第一初名馬

太宗皇帝親在今名授翰林院脩撰嘗考京畿鄉試講疾
小愈值

太宗升遐驚怛哭臨疾復作久弗差遂卒麟為人耿介有

氣節不肯媵姁依隨其卒也士論惜之 夜南京地震
已卯命故後軍都督府都督僉事汪浩子全齮行在
金吾左衛指揮使 調羽林前衛指揮使李謙任彭城
衛 賜越王瞻墉昌平縣莊田四十四頃九十畝 庚
辰陞行在中軍都督府都督僉事任禮為都督同知湖
廣都司都指揮使李英為行在中軍都督府都督僉事
以營

獻陵功陞營繕所正郁滢為工部主事所丞王文等十三
人為所副工匠徐誠等十五人為所丞陰陽人陳俊文
等為欽天監掣壺正賜督工指揮孫奇文綺表裡鈔軍
民吏役絲絹鈔胡樹有差先是

上命行在工部臣曰

獻陵工程就序官軍夫匠勤勞既久其即計功陞賞令其

休息至是尚書吳中等計議具奏故有是命 辛巳陞
府軍前衛指揮使李玉為都指揮同知仍管管幼軍
初金壇縣民有相告許者縣捕之匿不出命巡檢捕復
肆拒抗聞之府遣人督捕遂聚衆持兵拒捕人有被
其傷者既獲命都察院鞫之擬拒敵官軍律以謀叛論
首從皆斬妻子為奴家產沒官其所犯在大赦前請旨
裁決

上曰固當死但已經赦推其情則初因相告許畏捕故逃
捕急愈畏持遂刃抗拒此愚戇所為也殺之則可矜宥
之則廢法始全其生發戍邊衛 湖廣布政司左叅政
恭黃澤言恭惟

皇上嗣登大宝下詔求言以圖至理臣切惟至治之道其
要有十曰正心曰恤民曰敬天曰納諫曰練兵曰重農

曰絕貢獻曰明賞罰曰遠嬖倖曰汰冗官凡此十者足以端治本救時宜小試之則小康大試之則大治願陛下納臣之言力行無怠太平之效豈不見于今日哉夫人君一心萬化之本古之善理天下者存誠以養此心故私欲不能淫致知以明此心故邪說不能惑所以接賢士大夫之時多親官寺宮妾之時少忠言謹論日進于左右而淫樂慝禮不膠于心術矣夫心術正則志慮熙明公道昭著朝廷清肅百官奉職天平和臣所謂宜正心者此也民者國之本古之君人者必庶而富之富而教之今丁男疲于力役婦女困于耕耘富者怨徵歛之繁貧者罹凍餒之苦且邊鄙之間盜賊未息必更新政化大施惠澤以慰蒼生之望臣所謂宜恤民者此也詩云敬天之怒無敢戲豫邇年以來或水潦為害或赤

旱千里或日食地震之灾或蝗蝻霜雹之患天戒若此
宜速改圖昔成湯罪己以祈天宣王惧灾而修德天心
昭鑒灾患亦息故帝王之治在畏天以省己毋褻天怒
而不悟也書曰木從繩則正后從諫則聖今屢求直諫
然被厚寵者或摸稜而不肯言居卑位者或首鼠而不
敢諫民之疾苦不上聞君之德澤不下究各存形迹彼
此嫌疑疾在腹心久則難治昔大舜好察迩言禹聞善
言則拜故忠謹競進治臻隆平欲法古為治須大開言
路聽納而行之然亦豈可舍舜禹而他求哉臣所謂宜
敬天而納諫者此也易曰地中有水師君子以民容畜
衆故練兵者聖人所以居安而思危也兵強好戰者亡
國安忘戰者危若武王之載戢干戈康王之張皇六師
皆此意也向也南征北討師出連年輜重馬牛耗散鉅

萬又江此困于營造江南疲于轉輸城池圯壞器械不修倘鼠寇竊發何以珥之訓勅將校校閱士卒此其時也傳曰一夫不耕或受之饑故農者聖人之所重昔漢文帝恭儉玄默故能貫朽索粟陳孝武帝營宮館伐甸奴卒之四海困窮遺言不小向也科差日繁饑者弗食土木屢作勞者弗休養官馬者或鬻子以償駒佃官田者或典妻以納稅散教之極民寔不堪勞耒撫綏使之盡力獻馘者此最為急臣所謂宜練兵重農者此也昔先王之禦戎狄也不喜其臣不尤其叛不利其貨今貢獻屢至實窺伺我虛寔勞擾我人民昔者漢却良馬而不受史稱其明秦置鮮_甲于長安卒受其惠今北虜貢使多留居京師宜散遣其人且絕其所獻但選將倫邊練兵積粟而已首先王之待臣下也有善當旌雖仇不棄

有惡當斥雖親不容今庸劣無術者或因循而貴顯介
直守正者或註誤而調遷法無定科人懷僥倖為今之
計在奉善薦吳公理庶務綜名覈寔信賞必罰而已臣
所謂宜絕貢獻明賞罰者此也嬖行之人其心險其智
深其行譎親之如飲醇酒久而不覺醉且狂也踈賤之
則易使寵任之則擅權是以古之官寺不使典兵不預
國政此圣人慮事之深所以防微而杜漸者也此輩深
宜遠絕勿加親信而俾之用事焉自昔官有定負而庶
事以治今中外之宜冗襍者多居位以素食于時則無
補蕘稗之蓬、不芟除之則穢我嘉禾也宜加沙汰使
濫者去位賢者居職則政修事舉而人亦以名爵為貴
矣臣所謂宜遠嬖倖汰冗官者此也伏惟
陛下寬斧鉞之誅納芻蕘之言以臣所陳十事時加省覽

必踐其實且宣示群臣各謹其戒輔翼佐理以亮天工
務施寔惠毋尚虛文如此則君德日盛

宗社尊安華夷咸服而國祚萬年矣

上嘉納之 夜食在畢太白犯亢南第二星太白在南五
鼓有流星大如雞禪色青白有光出弧矢南行至近濁

壬午

上諭行在三法司曰卿等所奏刑名多有軍賊襍犯死罪
及應後流者朕念其祖父立功或本身效勞艱難得官
一因愚戇遂致罪戾情有可憫但令于邊境充軍立功
其真犯罪死者不赦 夜有流星大如雞禪色赤有光
出於東北行至游氣 癸未太僕寺丞李源等奏選
江淮諸郡民所養馬駒堪中者俱印烙給民孳牧餘者
給京衛官軍騎操老瘠及病者乞令衛所餘丁飼養

上曰軍民養馬已難又有老瘠及病者賣之餘丁不充唯
乎兵部其議別處置之 日上生背氣一道色青赤左
右珥色黃赤鮮明 甲申命故金吾左衛指揮僉事侯
得子貴沈庸子凱俱罷職 賜行在中軍都督等府保
定中等衛官及軍士二萬七千餘人鈔有差以奉送
仁宗梓宮赴獻陵皆豫執事也 行在右軍左都督李英
言莊浪衛土官指揮同知曾失加所部土軍土民二百
六十人旧隸隨駕三千之數今從征安定還請仍令曾
失加管領訓練遇有邊警易于調用從之 行在兵部
尚書張本引奏羽林等衛指揮千百戶老病并已歿者
子孫馬七十等二百餘人俱年幼當幼給
上從之因諭本曰古之從軍死事者其孤養于羽林蓋念
前人之勞而矜其孤幼惟恐其失所今優養已有定制

聞比來亦有不能自給者爾兵部當如期給俸厚加撫恤且時督武學訓誨使知道理長成嚴爵庶幾得用河南右布政使蕭省身自陳臣荷朝廷厚恩授以重職今年三年改滿例得本身誥命若封贈父母必俟九年今臣父年八十餘矣誠可懼之時乞停臣誥命先授臣父父俾得生霑榮命

上謂吏部尚書蹇義曰此孝子迫切之情其從之遂封其父以省身之官 日上生穠氣一道色青赤鮮明 乙酉命故武進伯朱榮子冕襲父爵 寧化王濟煥奏臣自幼年父王早棄母子零丁分居在外家財業產並無所得惟賴朝廷所賜祿米得以全生永樂十二年間三兄晉王濟熿言臣過失拘臣于異寧道待罪歲祿不得日給甚難母乏衣食鬻賣殆盡而每歲祿米貯于有司

永樂十六年以未始復支給今母年老多病又遭貧窘欲盡孝養寔所未能伏望

聖恩以前數年未支祿米特令補支俾得伸烏鳥之情不敢忘天地之私又太原左護衛中左所千戶閻能其妻乃臣母之姪女能坐事調除三萬衛妻當隨行左護衛指揮王玘女已聘定為臣妃屬有服制未成婚禮玘亦坐事發充三萬衛軍金挈家以往臣母念此積憂成疾伏望屈法伸恩存後能于左護衛後千戶所使其妻得與臣母相依免玘軍役令就臣間居庶幾得遂成婚臣蒙大德母亦免憂餼骨銘心當圖報稱

上覽奏惻然皆從之 行在吏部引奏考滿叅政康慶等及府州縣襍職官凡三百餘人稱職者二百五十人平常者六十人不稱職者四十人俱未三考當復職

上曰既不稱職又令復任必待三考而後而黜陟廢事多矣爾吏部其議擬以聞直隸六安衛奏自永樂以來軍皆罷守就地池日隳請如洪武中定設守城官軍三百隨時備備庶幾無虞命兵部從其言直隸廣平府安成邯鄲二縣奏民所養牝馬及駒及豕六百二十餘匹病死有司責償甚急今年水患民皆艱食乞俟來歲秋成買償從之昏刻有流星大如盃色赤尾跡有光起五車東行至滹氣丙戌行在使部尚書塞蓋等言初

皇上正位儲宮

仁宗皇帝以勲臣陽武侯薛祿等兼太子傅保之取尚書黃福等兼詹事及翰林儒臣兼職春坊俸皆兼支今皇上嗣承大統宜去各官兼職

上曰此

皇考簡以輔朕者朕即位正須加恩俾朝夕左右未可遽
罷兼官自師保至春坊學士庶子諭德兼職者祿秩皆
仍舊非兼職者陞擢之初

上諭行在大理寺曰今後軍民充匠者有犯止于本監罰
工至是行在大理寺卿虞謙奏曰例犯罪死者役之終
身今所犯輕重不等唯令一暨罰役請犯徒流者如例
其餘依年限役之笞杖者依律決遣

上從之曰若死罪及竊盜臨期奏聞區處 浙江布政司
右叅議戴同吉言五事一曰明學之教近年以來為師
者多記誦之學經不能明身不能正生徒放效而不敢
責有所問辯而不能對故成材者少無良者多皆由師
不得人乞擇有學者任之仍申明臥碑令巡按御史

按察司官嚴加考課斥魯鈍之才存俊秀之士俾之讀書明理以求實效而教官之無學行者亦考察而罷黜之如此則學校庶可得人無負作養之意矣二曰嚴邊境之備自古疆場閑塞必嚴守備所以嚴守備在命良將選精兵利器械足糧餉而後其守可固也今西北二邊最為要害之行附近都司衛所整肅部伍練習士馬及于江北腹裏衛所選官軍之精銳者往守北京山西陝西遼東極邊之地如一衛五千戶所則選其千人三所則選其五百人各以家屬自隨令智勇之將以統之守禦此堡分布部伍且耕且守使之專力無別差遣如此則兵威可振食亦可充邊隅無警言胡虜屏跡矣三曰慎守令之選夫守令之戒最為親民必慎擇廉正豈弟之士佐之且使久于其職庶幾民受其惠近年以來典

郡邑者仕未及旬月或以董工或以徵科差遺絡繹歲無暇時民之疾苦竟之未知又多庸劣之才不堪任事貪冒之人結為民害乞以京官郎中員外主事及監察御史之有德量廉幹達治體者為郡守于進士監生儒士人才擇其行止端莊謹守禮法者為縣令到任半年令巡按御史按察司考察其臧否而去取之如此則守令得其人而民得其所矣四曰敦勸士之典夫重祿勸士古之道也士非祿無以養廉故必厚祿以養之士得所養必無不足之歎盡心所職無貪黷之患矣爾以儲積未充撙節士祿豈雖權時之宜然人之吳否貧富不同吳者則有守富者則有賞官卑而貧者何以給其家乞增其俸祿不然則令在京諸司堂上官選郎中等官之吳者并在外考稱職五品以上者支米四石鈔六石

六品七品米鈔甲半八品米七分鈔三分九品以下全
支若平常不稱者無問官品高下仍舊支給如是則廉
勤者有所資庸常者知所戒五曰立懲勸之法夫為政
之道德理政刑而已比年以來浙江所屬人民譎詐好
訟而嘉湖海寧開吏糧長為尤甚有隱占小民為奴侵
其田地不輸糧稅有徵其稅絲糧草侵用不納官者有
假造作橫歛無度者有因欠負逼取其妻女為婢妾者
民之受害所控訴或訴于郡縣官吏恐其羅織生事莫
敢言其非訴之藩憲二司方將擒捕問理而奸人正身
先已避匿輒令家人赴京陳訴連年搆訟不已乞禁約
凡被害正身未至官對理及見問未結者不許令家人
抱狀至京稱寃命行禮部議之 丁亥都御史劉現王
彰李素奏奉才能之士前應天府尹于潛等十餘人

上曰卿大臣所奉必當昔孫抃言吾輔政無功惟薦一二
臺臣無媿卿等必能知此復諭之曰古者除官則署舉
主姓名貪穢則連坐今亦當循此例 四川順慶府蓬
州老人度智明言本州人民稀少東接營山渠縣南抵
廣安州洪武間本州設巡檢司後革罷累被強賊劫掠
居民星散不能禦盜乞仍設巡檢司除授巡檢于附近
州縣僉弓兵緝捕庶得盜息民安又本處州縣遞年所
買官物遣人解府轉赴布政司書填勘合送部如夔州
府至布政司凡二千餘里往復艱難今後解送官物乞
令州縣徑解京師為便皆從之 戊子行在兵部尚書
張本奏漳州衛千戶甘斌奏訴永樂中以外戚推恩擢
任錦衣衛指揮坐事降千戶已經赦乞復指揮之職
上曰貴戚豪橫鮮不致敗如薄昭亦所不免甘斌豪橫多

矣強奪民田詐傳詔旨無所不至為御史劾奏

皇考天地之量不寘于法但降黜之以全其生今尚敢希
恩求進邪法不可以私縱恩不可以倖得即押赴漳州
行在刑部尚書金純大理寺卿虞謙等奏真犯重囚
子歐父母詐為制書偽造印信及謀人殺造意等罪請
及時決之

上命會公侯伯五府六部堂上官大孝士及給事中審覆
可疑者再鞫問勿令含冤自今決重囚悉准此例行
在監察御史李筭奏山西天城衛鎮守都指揮僉事魏
清私占官軍屯田二頃及役軍士五十餘人于家罪應
杖當罰役從之江西都司奏所治南昌府城垣樓鋪
頽敝南昌衛軍士多調運糧屯種備寔治難請以袁州
衛軍助備從之直隸常州府無錫縣奏今年春夏運

兩河水泛溢沒低田二百一十一頃有奇

上命行在戶部遣人驗視以聞 貴州都素蠻夷長官司

奏歲歉民飢已借倉糧一百五十二石賑濟

上曰邊方地遠民窮先給濟而後奏亦是長民者得人

己丑廣東安定縣土官縣丞王觀留等交趾北江等府

嘉林等州縣土官吏土人阮文道等二百三十七人貢

方物 陞鎮守河州都指揮使劉昭為右軍都督府都

督僉事仍守河州 調薊州衛指揮同知徐定任彭城

衛 戶部言常州民養官牛者例納稅歲久牛死租額

未除

上命除之 庚寅命新寧侍譚忠行在禮部右侍郎張英為

正副使持節冊封周定王世子有燬為周王永康侯徐

安行在吏部左侍郎郭璉為正副使持節冊封世子孟

炆妃鄧氏為楚王妃

上諭太師英國公張輔等曰山海永平緣邊官軍有久在京操練者客居艰难其令還原衛所操備亦得與家人聚處輔等因言曰

聖上優卹軍士恩意深厚但近年武官多私役之習以為常今放還軍士宜申飭衛所不許私役庶幾得沾于聖恩

上曰卿言良是遂勅總兵官遂安伯陳英及都督陳景先總督之敢有私役者罪如律行在工部尚書吳中奏

營建

獻陵先田下西洋官軍一萬人皆江南屬衛便于舟楫請于平江伯陳瑄漕運以易山東河南諸衛軍之漕運者一萬五千人以明年春赴陵用工庶俾兩便從之賜

遼東建州衛舍人你沙納等雲南滾渠州把事侯悅魯
等廣東瓊山縣土官舍人許崇等鈔絲帶表裡褻衣有
差 夜有流星大如盃色青白光燭地起中台東北行
至下台炸散 辛卯命山西布政司左叅政李益致仕
益山東利津縣人初為戶部主事陞饒州府知府復陞
叅政益雖常才能勤于職年七十餘猶勉強視事至是
巡按御史奏其年老且素無建明故命之致仕 行在
吏部郎中陳叔剛上言伏覩大明律內一款吏犯杖罪
俱斷決為民近時吏胥謀欲求去則私約相許以皆杖
罷去乞命法司自今吏犯杖罪以下依旧例的決為役
徒罪以上准工滿日安置別郡死罪如律公罪附過則
奸猾之後可以漸塞

上命法司議于是尚書金純都御史刘观大理卿虞謙等

議吏犯徒罪死罪公罪者可從其言若杖罪除坐累註
誤依律決的還役其受枉法不枉法贓并詐取人才考
滿丁憂不赴部避役逃已詐稱疾病者請仍依永樂年
間事例免杖發北京為民庶幾有所懲戒

上從其議 壬辰行在禮部奏故事歲遇清明七月望及
冬至日行在太常寺具祭儀在京文武衙門分官祭

長陵今後每歲祭

獻陵宜如長

長陵之禮從之 潘王模楚王孟烷趙王高燧以冬至各

遣官進香

長陵

獻陵命賜鈔人四十錠 巡按直隸監察御史顧達奏鳳
陽衛指揮蕭敬等剽減軍士月糧

上語侍臣曰古良將之撫士卒其衣食艱難則與同甘苦貧困則給以私財今所為如此平日殘忍可知命刑部逮治 日上生背氣一道生青赤鮮明 癸巳趙王高燧奏長史趙季通自陳年老欲歸省墓

上諭行在吏部臣曰此賢長史能正言匡輔

皇祖

皇考皆嘉之趙叔甚禮待之其從封所言 甲午慶王搨奏洪武中自慶陽徙居常州洪武三十四年十二月復令移居寧夏寧夏早濕土鹺水鹹請仍居常州

上復書曰承諭欲移常州非敢違盛意但嗣位之初國家諸事一遵

皇祖之舊不敢輒有踰越叔祖且仍居寧夏而往來常州庶免人言 雲南通安州石門關巡檢司故土官巡檢

阿吉子阿俗等來朝貢馬及方物 行在戶部尚書夏
原吉奏河南彰德等衛所旗軍調赴京操俗者人月反
米三斗食用不足宜增一斗又福州府連江縣河泊所
魚課一百五戶皆絕其課米二百五石四斗無徵乞除
免

上皆從之 乙未行在兵部奏四川鹽井衛土官千戶阿
抄妻葉甲初謀殺土官板必他又土官千戶刺馬非令
妻男阿白等劫掠祿得等村人畜侵占地方雲南麗江
軍民府千夫長木彰聚眾私通西番劫掠人民財產請
令總兵官黔國公沐晟及雲南四川三司各委官撫諭
若梗化不服則發兵執之從之 行在工部尚書吳中
奏營繕軍夫多逃者當遣人追捕

上曰軍民執役者有口糧有食鹽按月支給又屢命爾等

善撫恤女弱其力今多逃者非刻其食糧則必橫加暴
害不必遣人追但移文有司令明年春暖自來赴工

大明宣宗章皇帝實錄卷之十

大明宣宗章皇帝實錄卷之十一

洪熙元年十一月丙申朔行在欽天監進宣德元年大統曆

上御正朝受之給諸王群羣頒行天下 丁酉陞行在禮

科給事中吳登為行在鴻臚寺右寺丞行在中書舍人葉秦挑秩為行在翰林院編脩擢翰林院庶吉士王連何志魯泉萬碩木訥張觀沈善周安剡濬張遜李敬盧璟俱為監察御史連江西道志山東道泉福建道碩行在廣東道訥河南道現行在山東道敬善廣西道安廣東道濬陝西道遜璟雲南道連寺永樂中國子生以選入翰林習四夷譯書後中進士改庶吉士至是吏部引奏

上皆命為監察御史復召連寺諭之曰爾在翰林久故擢

尔為御史尔亦知御史之職乎正其身端其志振肅憲
綱糾擊姦宄平反冤獄庶幾其可或尸位素餐或擅威
震下或貪賈貨賄有玷風紀必罰必黜不尔貸也 戊
戌陸行在錦衣衛千戶梁負為本衛指揮僉事 鎮守
廣西總兵官鎮遠候顧興祖械送賊首覃公新至京初
蠻寇覃公旺掠思恩縣覃公新掠河池縣命興祖等捕
之興祖遣指揮彭祖史雄胡斌等為前鋒先進而躬率
兵繼之兵至河池殺其偽軍韋園韋天黨等生擒覃公
新至

上謂行在兵部臣曰蠻賊數為民害不可宥命三法司再
鞫明白而後戮之 己亥冬至節
上御正朝受朝賀

皇太后

皇后免大臣文武命婦朝 庚子行在禮部奏舊例凡在外進賀冬至表箋王府官賜鈔三錠文武衙門官二錠後

仁宗皇帝命王府官增至十錠文武衙門官增至五錠上命遵

皇考增賜例 頃天府霸州民服役於天財庫五年得代而歸庫官又以爲趣有司捕民訴于朝

上曰此庫官不恤民艱命法司宥治之 辛丑行在工部奏南京脩理殿字用五墨粧臺諸匠已後浙江并直隸蘇松等府春季當班者五百人尚不敷用宜令有司於未應輪班匠內丁多者再起二千人并力用上

役之命月糧賞支如例之畢之日即遣寧家 直隸嘉定府博野等縣流民初復業者詣闕言有司督徵所逋

糧芻甚急無所指辦乞姑緩期

上諭在行戶部臣曰比下詔凡逃民復業者令有司緩撫免其徼徭乃不體朕意又督責之不能安生烏得不逃其即移文各郡縣令善緩撫如再有科擾重罪之亡寅賜廣東定安縣土官縣丞王觀留寺文隄北江府加林寺州縣土官土吏土人阮文道等二百三十七人鈔絲帶表裏蔽衣有差周王有燬以父定王薨朝廷賜葬祭奏請同諸弟詣闕謝恩復書止之癸卯命河南左叅政莊敬致仕敬靈璧縣人洪武中署山西叅議以註誤罪築城泗州

太宗皇帝兵渡淮率吏民婦附陸泗州知州再陸叅政至是以老疾常革冠帶為民敬自豫有母年踰八十乞冠帶婦以母榮吏部言未授誥命者例不共冠帶

上曰既年老又有親在共之 降江西左布政使盛順為
工部員外郎順在江西監察御史劾其不職遂有是命
元良哈頭目阿者禿來婦奏願君京自劾命為千戶
賜冠帶金織襪衣絲帶銀鈇鞍馬仍命有司給房屋器
物如例 賜雲南通安州石門關巡檢司故土官舍人
阿俗寺鈇幣 行在工部尚書吳中奏南京脩理殿宇
未完請於鎮江等衛撥軍士二萬人助役
上曰南京間曠軍士亦多不須別取其再計議於是中與
尚書張本等議原下西洋官軍一萬餘人久閒可令協
助後之 甲辰浙江湖州府奏今年七月連雨沒烏程
歸安長興三縣低田六百三十四頃無收
上命戶部遣人驗視 乙巳廣西上林長官司女土官長
黃娘召遣孫岑志海湖廣龍潭安撫司故土官使副

再景銘子勝魁貢馬 丙午北京行後軍都督府奏山海諸衛官軍還衛操備俱銕衣甲弓箭

上命北京行部於官庫給之 開平備禦都指揮使唐銘奏本衛官軍及山海士軍之守開平者年久衣弊請頒給

上諭行在工部臣曰邊軍勞苦所宜加恤今天氣已寒其速遣人運胖襖袴鞋給之 夜有流星大如雞彈色赤有光出太微西恒內東南行入天廟曉刻太白犯填星太白在白 丁未命故府軍右衛指揮使立聚子讚羽林前衛指揮同知洪旺姪斌濟陽衛指揮同知臧全弟成金吾右衛指揮僉事李榮子敬俱報職長陵衛指揮同知袁以恭自陳老疾命其子敏代 日生暈及左右珥色黃赤同時上生背氣一道色青赤鮮明 戊申獲

戴庸蘇州府嘉定縣丞庸在嘉定惓惓愛民後以冗員調山東平陰縣嘉定民一千三百六十余人赴上司告乞奏留行在吏部以聞

上命庸還嘉定命行在戶部以滕府黃順店一區及民人九戶賜彭伯張景詔法司凡軍匠犯竊盜者杖一百但鎖項鉗足俾常赴工夜有星大如雞彈色赤尾跡有光出天船正北行至近濁南京地震已酉賜汝州衛奏事舍人保童等鈔及綠幣表裏有差庚戌命都指揮同知李信鎮守淮安衛都指揮僉事路宣鎮守定邊衛時阿魯台奏遣人貢馬有自虜中來婦者又言阿魯台自率衆攻兀良哈欲以兵臨開平與和恐非貢馬

上曰虜非詐然邊備不可不慎遂勅沿邊提兵官武安候

鄭亨都督譚廣等各嚴守備又以淮安定遠二衛臨邊故命信等鎮之 辛亥太常寺奏壇場祭器有損壞者養牲舍宇有頽圯者請命工脩理

上命行在工部尚書吳中曰祭祀國家大事宜亟與脩理不可稽緩 復郵郁河南鹿邑縣知縣郁在鹿邑民安其政以舊官復至當去縣民赴京奏留吏部以聞

上曰郁得民心矣其從民奏 壬子

上諭太師英國公張輔曰近遣興安伯徐亨帥師出口北今天氣嚴寒遠塞尤慎可令工部戶部凡管隊官各給皮裘及路費鈔單士給戰襖袴鞋遣人運赴軍中給之 賜保寧王之子名曰友垓

上命行在戶部差任哈密官軍俸糧自起程日始依旧例 閱支仍蝕其家丁後 行在工部尚書吳中言製造御

用硃紅戲金龍鳳膳亭及器皿所用物料不足請買於民間

上曰漢文服御帷帳無文繡史稱其恭儉愛民朕方慕之以儉約率下所造服食器用當從朴素不須華靡所用物料孰庫藏中給用不必賈於民 癸丑陞行在羽林前衛指揮僉事王觀為本衛指揮使 命掌寧夏左屯衛都指揮僉事盧保同掌寧夏衛都指揮閻俊領馬時保坐事蒙恩當復職行在兵部言保在建文間為指揮僉事永樂中再陞至今職有罪過恩於例當復指揮僉事

上曰寧夏西北要衛衝用之防禦何惜此官俾復都指揮僉事不為例 鞬韉字羅脫者可脫干來歸都督譚廣遺送至京兩人具言虜中密事

上謂侍臣曰虜中狡詐二人之來或窺伺亦未可知所言不必盡信但既來則當撫綏遂命札部賜鈔及嚴衣又諭尚書呂震曰去留任其所欲也 甲寅四川鹽井衛土官副千戶綽甲毋沔麥來朝貢馬 陞遼東都司都指揮使王真為左軍都督府都督僉事仍掌遼東都司事 總兵官鎮遠侯顧興祖討蠻寇單公旺殺之時寇據思恩縣大小富龍三十餘峒固守險阻以拒官軍興祖等督兵分道攻之斬公旺并其黨千五十餘人歸民男女為賊所掠者三百餘人奏捷至京

上謂侍臣曰蠻民亦朕赤子其為患不已固當用兵但殺之動以千數其間豈無脇從非辜者乎苟得良牧守如賈琮刺交州開示恩信慰撫而降之妾得殺傷之多如此 開平備禦都指揮唐銘等奏軍士盛甲弓刀及金

鼓旗號損壞乞再闕給

上謂行在工部臣曰開平邊衛逼近虜境當嚴加守禦若器械鋒利旗幟鮮明足以鼓士氣壯軍威震懾虜寇其即給之凡邊境守將有請者俱給之 四川成都府雙流縣知縣孔友諒言六事一曰汰冗員古者量民置官量官置吏需次代補不容冗食比來官吏冗濫雖風憲官汰之而額外尚多剩員買否清混尤甚且近歲又有寄名家居淹流累年上無補於朝廷下無益於生民員才者歎不見用奸黠者挾制有司乞勅吏部嚴加甄別汰額外之員取寄名之官考其才能量授以職老疾不才者悉罷之則冗濫可革矣二曰任風憲夫風憲者朝廷耳目之官上司諫諍不敢彈劾所以肅紀綱察奸慝直言無隱不避權貴者也自古建今必道選才學老成

德望風著者任之今監察御史暨按察司官多有備員
清濁相淆不能激揚甚失委任之意乞勅吏部同都察
院堂上官嚴加澄汰慎重其選則風紀振肅而奸邪斂
迹矣三曰重守令夫守令之親民若慈母之保赤子苟
委任非才則保養不至民罹其害所以古者不拘資格
而選授必得其人不限以歲月而使之益盡其力今居
其職者多不知撫字之方惟務貪虐以失民心間有廉
幹得民心者又遷調不常差遣不一或固小事連累朝
夕營治往來道路猶且不暇况能久於其任以施善政
哉乞勅吏部選授之際務擇才望素重及久歷京官者
任之諭戒上司毋擅差遣假以歲月責成治効至如裁
減衙門多遠在萬里外獨負若或遇事赴京往來數月
則必委官署事所委之官多是雜職因循苟且於慶務

漫不加省致政全無常民不知畏今後路遠裁減衙門
常留一負任事不得擅離廢法有常守而下無廢事矣
四曰慎科目夫科目所以求賢必名實相副非徒誇多
而已今秋闈取士動經一二百名弊既多端僥倖過半
及至會試下第入監并還家者十常八九間有文學中
式者實行或乖以致真才少見叨濫者多今後乞勅中
外每遇開科應試之士所司取諸生所屬里隣結狀平
日鄉黨稱其孝弟朋友服其信義貧賈端重學業優賒
者方許入試監試官先加考驗以辯真偽則所司不致
濫舉且將前第下次舉人通計其數設法清理廢裁名
寔相稱國家真才之用而僥倖無由進矣五曰厚俸祿
夫祿以養賢苟養生不贍則飢寒切身烏能保其廉哉
今內而京官外及方面例增俸給其餘大小官折鈔外

每月不過給米二石其間仰事俯育興道路往來之費
奚所資取貪者僥倖以爲安廉者艱窘而不給請乞戶
部勘寔天下府州縣所積糧儲歲支之外餘者計議迤
增各官之俸仍令公廵御史及按察司官採訪有司廉
潔者其實以聞量加旌賞則善者知功而貪者知戒矣
六曰薄征徭古者征稅徭役量土地之宜驗人丁之數
務從寬省以息民力今自歲產貢賦應納稅糧外復有
買辦採辦等事以朝廷視之不過令有司支給官錢平
買而已然其中無賴之輩往往致賄吏曹交通覓納巧
立辯驗折耗之名科取數倍妍弊百端重爲民害乞勅
該部凡一切不急悉行減免則弊政不生民無科擾矣
命行在禮部會議行之 日生背氣一道色青赤隨生
左右珥色黃赤鮮明 乙卯改高山玉林鎮虜雲川四

衛經歷司隸山西行都司初四衛自洪武中隸山西後
調入保定涿州雄縣至是以鎮守大同武安侯鄭亨言
復調大同左右天城陽和屯守故經歷司亦改隸焉
以雲南麗江軍民府石門關巡檢司前巡檢阿吉男阿
俗為本司巡檢時本府言吉洪武中歸附授巡檢永樂
中病故有嫡男阿俗夷人信服請聽承襲行在吏部言
阿吉非世襲土官

上曰即新除流官恐未便服得夷人今既夷人信服可准
所言但不世襲若其不守法度即罷之別授流官 勅
遼東都司賜隨內官亦失哈等往奴兒干官軍一千五
十人鈿有差 釋故江陰侯吳高之子亮等為民先是
亮等有罪

仁宗皇帝發元海南衛軍中途赦還行以吏部以聞

上命釋為民 月犯內屏星 丙辰廣東儋州等衛門土
官同知王賢祐遣子芳等貢方物 國子學士曾才魯
言有母年七十餘居鄉戶無丁男乞歸侍養

上顧行在吏部臣曰唐陽城為司業諸生不省親者斥之
况為師乎其後之 戶科給事中沈寧以罪謫為驛夫
寧初即賞詔往直隸諸郡需索貨賄為巡按御史所劾
上命行在都察院鞠之寧服罪故謫之 丁巳朝鮮國王
李禔遣韓長壽等奉表貢金銀器皿等方物賀正旦
遣隨駕尚服局尚寢局宮正司印 瓦刺使臣撒法兒
未朝貢馬奏願居京自初命為指揮僉事賜冠帶金織
籠衣絲帶銀鈿綿布鞍馬仍命有司給房屋器物如例
已未賜廣西上林長官司土官舍人岑志海湖廣龍
潭安撫司土官舍人冉勝魁等鈿絲帶表裏有差 罕

東衛土官指揮那、奏所屬蕃民朵思塔兒等一千五百人例納差發馬二百五十匹數年多逃居赤斤近都督李英等率兵捕寇逃者驚愕欲聚衆還掃罕東乞為招撫復業

上謂行在兵部尚書張本曰此初失撫綏致其逃竄彼雖獷悍我能安之則彼亦安矣其令費獻等差人同那那往招撫令歸無責其過舊所負差發馬悉免之 庚申
增置廣西梧州府蒼梧縣安平鄉巡檢司藤縣白石寨
巡檢司懷集縣慈樂寨巡檢司容縣粉壁寨巡檢司岑
溪縣連城鄉義平巡檢司慶遠府河池縣土堡鎮巡檢
司平樂縣古眉寨巡檢司富川縣寨下市巡檢司土官
副巡檢各一員亦從總兵官鎮遠候顧興祖所奏也
降前雲南按察使苗微為湖廣隨州知州微有罪遇赦

吏部言可以復任方面故有是命 辛酉必里衛土官
都指揮僉事康壽等未朝貢焉 命陽武侯薛祿佩鎮
朔大將軍印充總兵官率領官軍巡開平宣府大同等
處嚴飭兵備 以侍從旧勞陞行在錦衣衛正千戶李
効良為本衛世襲指揮僉事食祿不理衛事 置行在
太常寺南京太常司犧牲所吏目各一員典吏各一員
初犧牲所無吏目典吏至是太常言本所有錢糧文移
無人掌典難以稽考宜設吏目典吏俾之專掌故從之
以奏事不明黜行在刑科給事中林簡孫郁吏科給
事中何宣礼科給事中陳應炎兵科給事中陳耀工科
給事中謝永趙叡俱為判官簡交陞快州郁湖廣桂陽
州宣直隸六安州應炎交陞福安州耀交陞驪州永廣
西利州叡交陞清化州 賜弗提等衛指揮同知察罕

帖木兒等九人鈔幣 總交陞布政司按察司事兵部尚書陳洽奏賊首黎利名雖求降實則携貳招聚逆黨拒抗官兵攻圍恭籠州殺知州琴彭潛結玉麻州土官琴貴及老挝酋長與之同惡太監山壽賫勅宥利之罪授以清化府知府利言俟秋涼到任今復言素共恭政梁汝笏等有怨乞解知府之職願得署恭籠州事近演州土人多有從利而逆而利又遣其黨潘僚路文律等往嘉興廣威等州招集逆徒日以滋蔓望乞提兵者早滅此賊以靖邊方

上覽奏勅梁昌伯陳智安平伯李安都督方政及交陞三司曰反賊黎利包藏禍心已非一日始若取之易如拾芥乃信庸人之言惟事招撫延今八年終不曉命養成猖獗之勢使忠臣無辜而罹害良民被毒而未厭其誰

之過勅至陳智方政專督進兵務在協和成功不許緩
机誤事若來春捷報不至責有所歸 貴州鎮遠府知
府顏澤奏本府儒學自永樂十三年開設於偏橋等處
四長官司夷人之中選取生員入學讀書期有成效宜
給廩膳以養之

上曰府官之言是邕郡開學教夷人欲使自營口腹彼豈
樂於為學凡貴州各府新設學校未與之 夜填星犯
鍵閉填星在上 壬戌四川按察司陳璉奏所屬府州
縣官缺四十負

上諭行在吏尚書憲義曰任官必須擇人不可以缺多
輒濫授也 直隸寧國府宣城縣江西南昌建昌二府
及宜黃臨川二縣各奏今年四月五月久雨水潦傷稼
上命行在戶部遣人驗視蠲除稅租

上御文華殿召楊士奇楊榮問曰昨日諭榮昌伯等勅皆
行矣對曰已行

上曰朕有一言懷之久矣今獨共卿二人說未可輕泄也
昔在南京

皇考因交趾擒叛賊至曾共朕言

太祖皇帝初定天下四裔惟安南最先歸化後未愨氏篡
陳氏而奪其位所必當討而是時求陳氏之後立之不
後得故郡縣其地果若陳氏今尚有後選擇立之是猶
太祖之心而一方亦得安靜朕對曰朝廷若行此事誠帝
王之盛業

皇考笑曰此語未可輕泄然藏在朕心未嘗忘朕今思之
若陳氏果有後選一人立之使共蕃臣之職三年一貢
如洪武之制用寧其民而中國亦省兵戍之勞豈不可

乎如此不免論者謂朕委棄

祖宗之業然繼絕興滅實我

皇祖之志士奇景對曰永樂三年初命將征黎賊凡詔勅文字皆臣等在御前親承面命書行是時

太宗皇帝聖志愴々在於興滅繼絕玉音具存中外所共

聞知

上曰其時朕雖警年尚記一二聖等亦如卿等所云鄉二人但識朕意勿言三二年内朕必行之遂賜酒饌而退

癸亥

上命行在戶部以宛平縣官田六頃賜彭城伯張景及景故有田二頃俱免徵稅 賜廣東儋州土官舍人王芳等鈔線幣表裏有差 濬儀真瓜州壩河先是平江伯陳瑄奏儀真瓜州壩下河道年久淤塞請發附近軍民

疏濬

上以東作方輿姑候農隙至是命鎮江揚州常州三府儀真揚州鎮江三衛共以軍民二萬驢疏仍命瑄董之

甲子命武進伯朱冕掌行在左軍都督府事都督指揮僉事于瓚任交趾都同事 陞行在羽林前衛正千戶

昌妥為衛本指揮僉事 巡按貴州監察御史秦鎮遠

府印水長官司所部與洞苗賊苗銀總先因思州府蠻夷長官司民張福等告其聚眾剽掠及虜雪洞楊政魁子婦總兵官都督蕭授遣人同民土往招撫之至與洞坡俱為苗銀總所殺今苗銀總又率眾攻坊硬洞虜掠人畜焚其房舍積聚日益猖獗

上命都督蕭授調湖廣辰沅等衛兵萬四千人運糧萬五千石期會於清浪衛進勦 南京地震 乙丑命都督指

揮僉事劉銘往天城衛鎮守 賜四川鹽井衛土官副
千戶綽甲世汚麥等鈔練幣表裡有差 總兵官都督
譚廣奏邊衛客商中納淮浙鹽糧舊例大同天城每引
米三斗宣府四斗以故客商少趨宣府請減宣府例淮
浙鹽三斗川鹽二斗仍乞不拘資次支給庶使鹽利均
平邊儲足備從之

大明宣宗章皇帝實錄卷之十一

大明宣宗章皇帝實錄卷之十二

洪熙元年十二月丙寅朔

上省郊祀牲賜侍衛官軍三萬四千二十四人鈔各一錠
賜平陽王美圭長弟名美垸第二弟名美堯第三弟
名美埽第四弟名美垣第五弟名美塔第六弟名美壩
俱封鎮國將軍 南京地震 丁卯命都指揮僉事王
或掌府軍前衛事 迤北脫歸軍丁馬貴等三十餘人
自陳皆年壯願充勇士報效但各有父母兄弟乞暫歸
省復未

上諭之曰爾輩沒虜中能自脫歸且志圖報壯士也今遠
來遽歸道路不易朕今命兵部取爾父兄妻子至京就
給衣糧房屋與爾同處皆叩首呼萬歲 戊辰渤泥國
王遐旺遣叔沙那萬喏耶率頭目坐阿烈等未朝貢方

物

上謂禮部臣曰夷人涉海道遠未艱險且時當寒凍凡宴勞賜予皆宜加厚 陞大寧都司都指揮僉事陳景先為行在左軍都督府都督僉事賜勅諭之曰卿事我皇祖

皇考攄誠効力又歷年歲多著勲績今朕統承天位嘉念舊人特陞卿左軍都督府都督僉事益盡心邊務善撫下人嚴固守備以副朕眷任之意欽哉 命故錦衣衛指揮使張禎子英金吾左衛指揮僉事張搔兒弟貴俱罷職 貴州銅仁府知府周季言本府新設儒學廟堂齋舍未備無生徒講肄無所欲發民創構未敢擅上曰遠方初開學校若無廟宇齋舍何以飭祀事變夷俗命工部從其所奏 己巳賜慶成王濟炫庶長子名美

靖封鎮國將軍 調行在通政司左叅議李文郁於南
京通政司以康彥民為江寧縣丞彥民永樂初為天台
知縣罷官家居至是監察御史巡按至天台縣民二百
人言彥民廉公有為乞復召為縣以慰民望御史以聞
行在吏部言彥民罷官十餘年難從所言

上曰朕方擇人為守令此人罷去久民猶欲之必有政事
及民其召用之召至遂有是命 南京地震 庚午琉
球國中山王尚巴志遣使來比結制等奉表箋貢馬及
方物 命哈密差未使臣夾夫為副千戶賜冠帶遣歸
陞直隸大名縣丞賀禎為本縣知縣禎九載至吏
部當遷縣民詣闕言禎有操守善撫卹乞令復任
上曰親民之官能廉而愛民政當使乂于任其陞為本縣
知縣 辛未富峪衛百戶錢興奏臣祖昔充涿衛鹿軍

既卒臣父代役以征討功授富峪衛百戶臣已嚴父職
今涿鹿衛以臣祖為逃軍屢行追取乞令兵部辯明

上謂尚書張本曰比來軍伍不清之弊多類此蓋衛所官
吏並緣為奸卿宜用心分理自今凡訴重役及冒名者
必與辯明軍政國家重事朕方專以委卿勉盡心也

壬申山東都指揮使衛青言倭軍士缺弓箭請給了
一萬弦二萬箭三十萬從之 金山衛指揮魏保奏近

倭犯泊海岸督軍巡捕後所千戶蕭旻日事酣飲調遣
不至又本所城垣烽燧俱不脩葺乞治其罪

上諭行在刑部臣曰軍官職在禦侮寇不應援不可宥即
追至罪之又曰一人之言或好惡不出于公俟至必究
其情實而後加罪 癸酉陝西行都司所屬衛卒送官
駝二百七十至京死者三十五有司以其失於飼養奏

請罪之

上曰一駝價直數馬雖十卒不能償甘肅至京道路甚遠其間豈無傷損而斃者不必罪亦免追償 南京地震

甲戌賜

獻陵營造軍官都指揮僉事孫奇等一十一萬六千四百九十五人鈔綵幣表裡嚴衣有差 沙州衛把失帖木兒挈家來歸奏願居京自效命為所鎮撫賜冠帶金織嚴衣綵幣銀鈔綿衣鞍馬仍命有司給房屋器皿等物如例 浙江新昌等縣奏先奉詔書凡官民田荒廢者召民耕種官田准民田例徵租無人耕者除之今荒田已召人開耕租如民田科徵而本府猶循旧額督令徵辦

上諭戶部臣曰既下詔優免而州郡吏尤如舊責辦使朝

廷失于信民可乎爾速移文開額違者罪之 夜有流星大如盃色青白有光起參東南行至近濁 乙亥陝西莊浪衛土官都指揮僉事曾失加奴兒干都司都指揮僉事佟荅刺哈遼東海州衛指揮僉事阿哈木等奉朝貢馬 命復代府山川社稷祭祀及給還家財馬駝等物永樂中王有過勅停祭祀革護衛收其財物至是王能悔過故有是命 擢行在翰林院庶吉士周貴為翰林院檢討陞河東布政司左叅議朱穀為湖廣布政司右叅政貴州道監察御史魏源為浙江按察司副使湖廣道監察御史王生為福建按察司僉事四川道監察御史于文通為貴州按察司僉事山西太原府知府為遼東苑馬卿降河南布政司左叅政周鎬為保定府唐縣知縣福建布政司右叅政祖述為蘇州府嘉定知

縣湖廣布政司右叅政杜潛為九江府德安知縣河南
布政司右叅政盡存善為饒州府餘干知縣陝西按察
司僉事張致為廣平府廣平知縣俱以巡按監察御史
考其不勝任也 命內官張福賚綵幣表裡往賜哈密
忠順王男卜荅失里等其從行官軍都指揮僉事張言
等賜鈔絹綵幣表裡嚴衣有差 行在禮部尚書呂震
言山西介休縣僧用髮假預會來京師而請度牒又揚
言進所乘馬而久不進

上問僧年幾何曰約五十餘

上曰其年已老何以尚無度牒且學佛者當守戒律持清
淨何用以進獻為事或者其無賴之人乎亦不必究斥
之可也 湖廣寶慶府知府許譽奏邵陽縣去歲田穀
不登民今缺食已發本府倉糧一千二百一十五石賑

之 丙子增置行在兵部武選清吏司主事二員職方
清吏司主事三員武庫清吏司郎中一員主事二員以
尚書張本言其事繁故也 行在工部奏請造河間忠
武王張玉東平武烈王朱能金鄉忠壯侯王真少師榮
國恭靖公姚廣孝配享祭器從之 丁丑陝西西寧衛
大國師三丹藏卜遣刺麻綽失吉羅等貢馬 命故
羽林前衛指揮僉事童養受弟福巖職 鑾駕庫匠李
官保言戶有三丁兄夷陵州學生弟增廣生乞免其差
徭

上諭戶部臣曰舊聞生員之家例免二丁差役此蓋有司
奉行不至爾其覈實果如所言依例免之 戊寅命僧
錄司右闡教班丹班札失為淨覺慈濟大國師 己丑
陞大寧都司都指揮同知梁成為行在前軍都督府都

督僉事 賜琉球國使臣宋比結制等及必里衛土官
都指揮僉事康壽等鈔綵幣表裡有差 增設北京順
天府宛平大興二縣工房匠科司吏一名典吏二名先
是二縣工房設南北科司吏各一名典吏二名南科管
工部等衙門買辦物料北科管惜薪司等衙門夫役并
在京居住諸色人匠等事 繁不治二縣以為言故增
設之 庚辰鎮守甘肅總督兵官都督費獻秦涼州土
達官軍已遣送赴部所遺田地令河南山西諸衛備禦
士卒耕種今亦俱回原衛其田地宜與本處官軍之家
有丁力者耕種庶不荒蕪從之 南京地震 夜月有
暈色倉白圍圓濃厚太微西垣軒轅及井鬼柳三宿皆
在暈內 辛巳山東濟南府濱州民詣闕言泰安等州
戶口盈每引納鈔一十五貫濱州等九州縣每引七貫

五百文綿布四百匹布久虧欠乞依泰安州例悉納鈔
庶便於民

上問行在戶部例何以不同對曰此舊例先時鈔難得民
便于納布今鈔易辦民便于納鈔今之所言蓋避難就
易不可准

上曰小民既以為便其即從之毋拘舊例 夜南京地震
壬午行在工部言造兩京祭

天地

社稷及

配位蒼壁黃琮倉玉成請送太常寺供用從之 交趾布

政司土官左叅政梁汝笏等奉朝進金銀器方物

上謂尚書呂震曰汝笏雖土人頗忠實招民殄寇累有
功今奉朝當厚賚以獎勵之凡所進物皆酬其直於是

賜汝笏鈔二百錠錦綺四表裡賜其從人鈔有差償所
進物凡給鈔七千四百八十錠 遼府庶人貴燮貴煊
奏蒙賜食米一千石請詣闕謝恩

上遣書遼王俾知之且俾諭二人宜思前過勉圖改行

直隸順德府唐山縣民武鳳訴父送夏稅絹赴京中途
遭盜劫縣官日夕杖責父償乞姑緩期限

上謂行在戶部臣曰民被盜非得已縣吏不思捕盜惟酷
刑責償子不忍其父之苦未訴情亦可矜即移文令有
司免其償而急捕盜 癸未

上諭行在工部尚書吳中曰

獻陵用工官軍勤勞已久可分為兩班每五月一更俾得
休息 毛憐衛土官都督僉事莽哥不花東寧衛達官
指揮僉事蒼隆哥等來朝貢馬及方物 迺北韃鞨察

麻罕來歸奏願居京自效命為所鎮撫賜冠帶金織毼衣綵幣銀鈔綿布鞍馬仍命有司給房屋器物如例行在戶部奏近有勅河南彰德府踏勘城內外空地五頃九十五畝有奇以居常山中護衛軍校其地歲納糧稅絲綿宜除豁從之 山西都司言高山等衛舊在保定軍士遇有調發則于京庫請給軍器事畢還官今調與陽和諸處衛所相兼屯守邊境之地調發無常請給盔甲弓箭等物

上命行在工部給之 甲申立春節

上御正朝順天官府進春文武群臣行賀禮 行在戶部尚書夏原吉奏官買順天府民絲漆等物當給價鈔而所司折以靛青民得鈔則便于市易請仍給鈔

上曰凡市物必給鈔靛青非漆工不用他人馬用之卿如

不言幾虧民矣其悉給鈔錠青收貯以俟別用 總兵
官鎮遠侯顧興祖率兵討廣西宜山賊韋穩等平之

乙酉造

皇太后

皇后皇妃儀仗成

皇太后儀仗紅仗一對清道旗一對黃麾一對絳引幡三
對傳教幡二對告止幡二對信幡二對龍頭竿五對儀
鎗斃五對戈斃五對戟斃五對梧仗三對立瓜三對臥
瓜三對儀刀三對班劍三對鐙仗三對骨朵三對金鉞
三對響節六對羽葆幢二對拂子二紫方傘二紅方傘
二黃銷金傘圓一黃繡典柄傘二紅繡方傘一紅素圓
傘二紅繡方扇三對紅繡花圓扇三對青繡方扇二對
紅羅素圓扇六對黃羅素圓扇六對輅一安車一金交

椅一金脚踏一金水盆一金水罐一金香爐一金香盒
一金唾盃一金唾壺一坐障一行障二紅油紙燈籠一對
對鮑鐙一對紅紗燈籠二對

皇后儀仗與

皇太后同皇妃儀紅仗一對清道旗一對絳引旛一對戈
斨一對戟斨一對儀鎗斨一對梧仗一對儀刀一對班
劍一對立瓜一對臥瓜一對鐙杖一對骨朵一對金錢
一對響節二對拂子二青方傘二紅繡圓傘一紅繡方
扇二對紅花圓扇二對青繡圓扇二對鳳輦一紅銷金
羅轎衣一紅絢絹兩轎衣一間抹金銀交椅一間抹金
銀脚踏一間抹金銀水盃一間抹金銀水罐一間抹金
銀香爐一間抹金銀香盒一間抹金銀唾盃一間抹金
銀唾壺一坐障一行障二紅紗燈籠二對 山西蒲州

滎河縣民周克庸進嘉禾一莖三穗五穗至十穗者命禮部賜鈔遣之行在工部臣言

長陵殿宇未完人力不足請于平江伯陳瑄運糧官軍內借一萬人助工從之

丙戌命故羽左林衛指揮使劉

謙子惠府軍左衛指揮同知崔得子智俱罷職司設

監太監莫慶奏製造器物工匠不足比有言懷素等衛有諸色軍匠四百餘人乞命所司遣人并家屬發至供役為便從之已而復命所司凡邊衛軍止取本身俟至京試其藝果精始取家屬保定府完縣民六百餘人詣闕言今夏久雨田苗多灾歲納鹽糧丁絹芻豆乞蠲免

上命行在戶部臣曰今年水潦民多艱食而六百餘人之訴寧不惻然爾即計議當免者即免勿重困之順天

等府通州武清等縣民四百九十八人奏原畜孽牧種馬及駒自洪熙元年以來多病死每戶有死一匹二匹者有司責償甚急緣今年六月以來兩潦傷稼民皆缺食乞候來歲秋成後買償從之 丁亥貴州鎮遠州土官知州何瑄交吐三江衛指揮僉事阮嫩清化衛指揮僉事黎巴蘭等貢馬及方物 東寧衛指揮僉事金聲等招諭建州左衛指揮僉事猛哥帖木兒木合等至京貢馬 行在戶部奏太子太保忠勇王金忠歲祿一千石宜兼文米麥

上曰彼挈家來歸待之宜厚且他無所營所恃者俸祿耳米麥宜以時給之勿令不足庶稱

皇祖懷柔遠人之意 雲南布政司左叅議江英子漢詣闕奏臣父英先任貴州左叅議永樂中臺羅等寨苗寇

反偽稱王住總兵官鎮遠侯率師征之臣父英率土丁
為鄉道擒殺苗寇邊民安業有司上其功會

太宗皇帝北伐未蒙陞賞而臣父以祖母喪守制服闋調
雲南今御史言臣父病不能事任當罷為民切思臣父
守職多年並無贓罪不幸患疾如蒙錄父微勞乞賜官
冠帶回家醫治以圖報補

上憫其情從之 浙江海寧縣奏民逃徙復業者九千一
百餘戶所欠夏稅絲綿四萬餘斤糧三萬餘石乞恩優
免

上謂尚書夏原吉曰一縣幾何民而逃者九千餘戶此必
官不得人科歛無度所致其速移文令府縣加意撫綏
稅糧悉如詔書免徵 戊子占城國王占巳的賴遣姪
濟布智眉等奉金葉表貢方物 改行在龍驤衛倉隸

燕山左衛初本倉隸義勇左衛永樂二十二年九月改義勇左衛為龍驤衛本倉亦改為龍驤衛倉至是以龍驤衛為行在衙門遂改本倉隸燕山左衛 福建尤溪縣銀屏山銀場副使劉英奏初本場每季納銀五百七十兩永樂中遣官開辦數倍其數每季二千七百兩山深民貧採礦艱難逃亡者多歲辦不充乞仍舊額

上諭行在戶部臣曰遣官開辦正欲察其奸弊不令胥民乃反倍增其課胥民甚矣其即遣人審實仍其旧額已丑以呂熊為行在兵科給事中段黼為行在太醫院御醫熊禮部尚書呂震子震數于

上前懇乞熊官至于流涕

上不得已而與之黼故御醫段士誠子

仁宗皇帝念士誠故召黼至是始至

上以

先帝所召亦命之官 賜奉使蘇祿等國回還官軍千戶
汪海等九十五人鈔幣表裡布有差 出京庫弓一萬
箭三十萬給山東諸衛軍從備倭都指揮使衛青奏也
庚寅陝西莊浪衛土官都指揮僉事曾失加等鈔幣
行在戶部奏昨總兵官都督譚廣言陽武侯薛祿巡邊
軍馬衆多而萬全右衛糧儲不足宣府草亦缺用宜增
益之請以宣府倉糧暫給萬全右衛以懷未保安雞鳴
山所積草給宣府軍用仍從薛祿譚廣酌量支給從之
○

上罷朝御左順門尚書蹇義等侍因諭及漢光武保全功
臣事義曰光武以吏事責三公故功臣不用所以保全
之也

上曰功臣國貴保全而人才不可廢置伊尹相湯伐桀為
商阿衡閔夭散宜生之徒相武王伐紂未嘗不見用當
時參陵平勃輔安漢室皆高帝之舊臣况天生賢才以
為世用彼誠有公輔之器國家推誠心倚任之待之以
禮隆之以恩固無不保全者矣以其為功臣置而弗用
亦過矣我朝于將臣擇其德望才幹者各掌五軍而軍
國大政悉于朝廷彼得效用而大權出于上用人之道
保全之意亦可謂兼盡矣 辛卯命都察院右都御史
杜智致仕智太平府蕪湖人洪武末為北平知府以守
城功永樂間累陞至河南左布政使

仁宗皇帝即位念其舊勞陞南京都御史智寬和夷坦而
之剛正之才廉介之操至是有奏其違法者

上知其嘗效勞先朝釋之遂命致仕 宥掌陝西都司都

督僉事胡原罪原取寧夏衛鎮撫之女為妾并扶其父兄以歸又役騎士五十八人侍妾父出入又逼取指揮劉定金相香帶等物事覺都察院論罪應徒上曰原貪贖有素但念其歷事

先朝而年已老宥之令致仕 降北京行部右侍郎裴璉為四川涪州知州先是命璉往視山陵及後當陪祀

長陵皆詐疾不行為監察御史所劾下錦衣衛獄至是黜

之 神武中衛興州後屯衛宣府左衛濟州衛各奏六

月以來多雨水澇傷屯田穀二十五頃命戶部遣人驗

視免其子 夜有流星大如雞彈色黃赤有光出子星

旁東南行至游氣 壬辰勅行在禮部曰京師庶政所

出文武羣臣朝夕趨事才智不齊寧無過舉今歲事肇

始宜與湔滌自洪武元年十二月以前所犯過名紀錄

在公者悉蠲除之俾圖自新 慶王擁以

上所賜璽書屢稱叔祖謙不敢當乃奏云君臣之禮尊卑上下其分截然安奉勅旨過辱搆謙聖德之至同乎舜禹愚臣揣度非宜所蒙伏望自今有賜正言定分示天下以禮使臣心獲安又奏韋州高涼欲往度夏秋至冬而復且疏官軍之克狡樂工之頑猾者以聞

上復書曰承諭書詞過謙此盖一家至親之常禮叔祖謙德隆厚言之醇切中心藏之所諭常州地土高涼春往秋春回悉從叔祖所便廖祥等五十八人已令兵部起取改調樂工頑猾者可就府中發回原籍當差 癸巳賜遼東海中州等衛指揮僉事阿哈木等奴兒干都司都指揮僉事佟峇刺哈等陝西、寧衛大國師三丹藏卜所遣刺麻綽失吉羅、等鈔絲幣表裡靴襪有差仍賜

三丹藏卜鈔幣 甲午朝鮮國王李陶遣陪臣李潑等
貢馬謝賜藥材恩貴州土官宣慰使安中遣把事阿路
廣西憑祥縣故土官知縣子李成遣族人李肆四川松
潘祈命族蕃僧勺失結林證桑植等安撫司安撫向思
富古木山等衛野人頭目交納建州等衛指揮僉事李
滿忠子滿住及烏思藏大乘法王昆澤思巴遣使臣桑
結巴等貢馬及方物

上諭行在禮部臣曰正旦朝會遠夷俱集凡宴賜皆宜豐
厚毋簡于禮 弗提等衛指揮同知察罕帖木兒等率
妻子五百七十二人來歸奏願居京自效賜以紵絲綉
緞服衣有差仍命有司給房屋器物如例 乙未歲暮
享

太廟 遣官祭五祀及旗纛之神 是歲天下戶口戶九

百九十四萬五百六十六口五千二百八萬三千六百
五十一田地四百一十六萬二千七百七頃三十畝田
賦米麥三千一百八十萬二千三百四石有奇絲一十
七萬九千一百三十三斤綿二十三萬二千七百三十
四斤絹九萬四千五百六十九匹布一十二萬九千七
百二十匹綿花二十四萬二千一百四十七斤折色鈔
四十三萬四千一百六十八錠有奇襍課鈔一千四百
七十四萬六千二百三十八錠有奇米麥七萬九千六
百八十七石銀六千二百五十一兩銅二千二百九十
九斤鉄五十二萬七千二百六十四斤有奇布二百八
十三疋鹽課鹽三百一十二萬一千一百二引有奇折
色鈔二千二百四十一萬三千九百一十四錠米七十
一萬三千四百九十三石綿布三萬四千三百一十六

足有奇茶課茶六十萬九千五百六十三斤有奇折色
鈔一萬五千三十九錠屯田子粒六十一萬三千六百
九十九石有奇採納銀三萬七千一百七十八兩漕
運北京米豆二百三十萬九千一百五十石減免天
下官田等項稅糧計米麥六萬二千五百九十九石納五
有奇

大明英宗睿皇帝實錄卷之十二

十三

大明宣宗章皇帝實錄卷之十三

宣德元年春正月丙申朔上御正朝受賀文武群臣命婦朝皇
太后皇后○日上生黃氣一道隨生冠氣一道色黃赤○戊戌
諭文武群臣曰朕惟君國莫大於奉天守成莫重於法祖為臣
之道莫切於忠君而愛人朕嗣承鴻業惟天惟祖宗付畀夙夜
祇敬勵精思理不敢怠寧今肇歲改元與天下一新爾文武群
臣皆祖宗所簡任以遺朕者必有以付朕之望訓據誠秉忠懋乃
嘉猷以輔予德殫厥智慮勤力不懈以恭乃職爾惟懋哉治民
者悉心愛民治軍者悉心愛軍俾咸享樂利用副朕子惠群生
之意爾惟懋哉端乃心慎乃行務忠厚而戒刻薄務正直而戒
邪枉毋附下而罔上毋肆己而虐人毋作聰明亂舊章毋瀆貨
利壞名節用光汝績保祿位於悠久爾惟懋哉君臣相與同德

協恭康濟守內用致太平不惟于我國家有賴爾亦有顯聞於
無窮弗是之率而悖德慢禮縱欲徇私祖宗賞罰之典具在朕
不敢私欽哉勿忽○賜朝鮮國使臣韓長壽等鈔文綺紗羅襪
衣有差○己亥湖廣高羅安撫司安禮田禮大名遣舍人譚海木連
河等衛指揮僉事阿吉里納育馬及方物○賜孔顏孟三氏子
孫孔克勛及滁陽王之親郭昇等鈔嘉其來朝也○庚子孔顏
孟子孫十人陞辟上謂行在禮部尚書呂震曰朝廷待賢當厚
彼皆聖賢子孫其給道里費又謂震曰孔顏孟三氏舊設教官
訓其子孫必選端重有學行者爾以朕言諭吏部知之○辛丑
上謂行在兵部尚書張本曰比鎮遠侯奏廣西蠻賊豐公旺已
就戮其餘尚有未平者朕思蠻寇劫掠若所在軍官制馭嚴密
亦可無患致其猖獗皆因失於防閑今殺戮既多亦可憐憫其

未平者更令人招撫若不悛改然後加兵亦不為晚遂勅鎮遠
侯顧興祖曰宜山清潭等處蠻寇未平者今更遣人撫諭宜必
順從若仍不服則用兵勦捕毋得延蔓久害善良尤頒戒飭官
軍勿擾平民○壬寅行在太常寺祭奏祭祀上論之曰國家祭
祀掌之禮部而復置太常尤重其事也卿等佐朕是天地事祖
宗非他職事之比協恭同寅以承祀典朕盖有賴然必誠敬之
心素有^{持祀事}特養^{祀事}崇盛之薦極于精潔庶幾神明歆格而生灵蒙福
卿等勉之○廣西丘温衛土官指揮岑永玉四川天全六番招
討司土官高敬讓子鳳等來朝貢馬○癸卯孟春享太廟○遣
中官祭司戶之神○以大祀天地賜宿衛郊壇^壇官軍六萬一千
三百四十五人鈔人二錠○號騎右衛指揮僉事劉興等二百
二十人奉使忽魯謨斯等國還進方物命行在禮部計直賜鈔

○日上生背氣一道色青赤鮮明○甲辰以大祀天地諭戒群
臣上致齋武英殿召尚書蹇義夏原吉楊士奇楊榮等諭之曰
朕今日習郊祀禮召卿等觀之於是命行在禮部尚書呂震太
常寺少卿姚友直等暨執事官習禮殿上上現之既復諭群臣
曰祭享之禮莫嚴於此朕承大統躬祀天地為天下蒼生祈福
不敢不敬卿等亦宜秉誠相朕庶幾感通之道義等皆叩首而
退○夜南京地震震○乙巳湖廣永順宣慰使彭仲遣子英亦馬
忽山等衛指揮僉事完者禿等來朝貢馬及方物○逸比完者
韃靼帖木兒等三人來歸奏願居京自效命為副千戶等官賜
冠帶金織綾衣綵幣銀鈔鈔綿布鞍馬有差仍命有司給房屋器
皿等物如例○丙午遣使賫勅命瓦剌賢義王子捏烈忽該王
爵勅曰昔我皇祖太皇帝臨御之日爾父賢義王太平能恭事

朝廷遣使往來有如一家朕祇奉天命嗣承寶位恪遵皇祖成
憲惟欲天下生靈咸得其所比聞爾父已歿今特遣指揮孫觀
千戶岳謙等齎勅命爾嚴封賢義王并賜綵幣表裏爾其恪遵
朕命篤紹爾父之志撫綏部屬俾咸樂其生以永享昇平之福
欽哉○朝鮮國王李禔遣陪臣李澄等貢馬及方物賀萬壽聖
節○禮年有東字刻月犯五諸侯第一星是夜月有暈圍圓濃厚并南北河
五車皆在暈內○丁未大祀天地于南郊將事之際天氣穆清
成禮而退上悅命駕徐還謁皇太后畢出御正朝文武百官
行慶賀禮○戊申衛府右長史史楊黻卒黻字服民由進士擢四
川道監察御史練達如素習臨事授理務當於公仁宗皇帝嗣
位下詔求言黻上疏論敬天勤民崇儉戒

奢等十餘事多見采納遂擢衛王府右長史日以詩書進說
事聞益皆由於正裁處庶務粲然條理其僚屬以下感心服之
至是卒艱孝友嚴於自守家貧未嘗苟取一錢博學好古進脩
之志至死不懈云○己酉山東嶺山衛韃官都指揮僉事梁興
弗提衛故指揮僉事禿僧哈母佟氏等來朝貢馬○遣使往撫
別失八里王歪思及西南夷木邦緬甸麓川車里八百大甸老
撾宣慰司孟良孟定灣甸鎮康四府州土官賜之紗羅錦綺有
差以其勤修職貢故也時麓川木邦互爭疆界各訴於朝就令
使者諭解之俾各安分毋相侵越○行在前軍都督府都督韓
僖奏守衛西華門千戶駱旺私擅下直請執付法司治之上
曰昔 皇祖憫恤守衛官軍凡有疾及父母家室有疾者許白
所管官下直此人得非有故乎命錦衣衛官訊之旺言聞父病

不及告暫歸誠有罪 上曰都督劾之是而人情亦有當矜恤者姑宥之○庚戌遣使祭故哈密忠義王免力帖木兒仍命其姪卜荅失里嗣封忠順王先是 上諭行在禮部臣曰哈密受皇祖厚恩封為王而能恭修臣職今既死宜有繼承然免力帖木兒初承其兄忠順王脫脫今脫脫子卜荅失里亦長宜仍立為忠順王守其地賜以綺帛其諸臣亦皆賜賚復賜詔諭之曰朕祇奉 天命主宰華夷夙夜惓惓惟上體 天心欲使天下生靈咸得其所爰自即位之初以今年為宣德元年大赦天下四方萬國之人皆已翕然從化惟爾哈密近在西境昔我皇祖太宗皇帝臨御之日爾大小官員軍民人等能識達 天命竭力效忠恪脩職貢是以朝廷眷待猶父猶厚朕今紹承先皇帝之志用廣一視同仁之德特遣使齎詔往諭凡爾哈密

大小官員軍民人等自詔書至日以前所犯罪無大小悉赦不問爾等自今宜篤初心歸誠朝廷安處本境打圍飛放自在生理庶以永享太平之福○上以漢王高煦遣人獻元宵燈復書曰承惠燈已祇受叔父親親之德甚厚感荷姪切自念昔皇祖 皇考之世叔父每因時節行禮今復行之於姪豈所敢當自今凡新春元宵端午更不必重煩勞費惟時惠誨言姪所望也有言於 上曰漢府所遣來者多是窺覷朝廷之事特以進獻為名 上曰吾惟推誠以待之耳○廣西柳州獠首韋敬晚等歸附先是慶遠府宜山思恩等縣蠻民作耗柳州獠蠻相府而起總兵官鎮遠侯顏興祖討之兵至柳州遣人宣 上德意凡降者釋其罪令有司綏撫孝敬晚等聞之率其黨男女三百餘人詣營歸款願改過向化至是興祖以聞 上謂尚書張

本日常清皆貪生懼死蠻夷之心豈異於人哉本對曰此由
陛下聖德開導其生路不然悉死於兵矣上曰卿更體朕意
遣人諭鎮遠俟及郡縣長吏令撫恤降附招輯流亡毋令失所
○日生瑊氣色青赤已而生交暈色黃赤俱鮮明氏刺月犯內
屏星○辛亥烏思藏番僧捨加劄思巴等貢馬○賜漢府所遣
進燈護衛官軍田敬等三百六十九人鈔及貯絲襲有差○壬
子命建州左衛指揮僉事猛哥帖木兒為都督僉事賜冠帶○
行在禮部奏請宴勞外夷朝貢使臣上曰四夷賓服世所貴
也其使臣今不遠萬里而來者皆有慕於中國饒廩賜宴必豐
庶昭朝廷優待之意○大理寺卿胡濶執松江土豪及亡賴虐
民者械送京師其中有殺人取財奪人妻女侵盜稅糧因公科歛
以一取十老吏猾胥逞姦肆毒皆府縣不能制者上以付行

在都察院諭都御史劉觀等曰朕為天下主惟欲民皆得安夫安民之道必去害民者譬如治田有蝗蝻則嘉穀不成今此徒皆號民蠢然更須詳審或情有可矜事有可疑亦當與辨所謂罰當罪則民服惟務至公勿有偏徇○癸丑敕行在刑部都察院大理寺曰今歲事肇新春生伊始見問罪囚宜從寬宥除謀反大逆謀叛子孫謀殺及毆罵祖父母父母妻妾殺夫奴婢殺主謀故及鬪毆殺人蠱毒魘魅毒藥殺人強盜竊盜三犯及真犯情重者不宥外餘皆宥罪俾運糧赴宣府其雜犯死罪自備糧十五石運納文職官吏降用武職調衛徙流遷徙罪運官糧十石武官復職文職官吏調用杖罪運官糧五石各還職役軍民人等應運納者皆復役寧家若吏與托故不赴京及在逃者不分徒流杖罪運官糧三石畢日皆發順天府為民官吏應筭

罪及在逃軍因軍伴儀從皂隸人匠廚役祇罪者俱免科復職
役若文職官吏犯贓者不分輕重運糧完日黜罷原籍為民○
賜建州左衛土官都督僉事猛哥帖木兒及東寧衛指揮使金
聲等二百八十四人鈔絹綵幣衣裏有差仍命遼東都司給賜
綿布○福建布政司右叅議樊翰奏福建屬衛軍士月糧應支
鈔者歲久未支蓋由有司課程不敷比聞福建都轉運鹽使司
潯尾惠安浯州兩州鹽場積鹽甚富以其海道涉險故有三四
十年未給者請準戶口食鹽之例給軍以代糧鈔庶幾軍得食
用鹽免陳積 上曰以鈔代月糧又以鹽代鈔不識於軍便否
其令都司按察司會議果若便利即從之○陝西按察副使鄭
莖奏初奉 仁宗皇帝詔旨在外都司勾軍則令按察司比較
其實以聞都司當先以勾軍之人通報按察司庶有稽考今陝

兩行都司掌司事都督僉事李文等沮格不行延壁已久無所
質究莫辨姦欺請明正其罪 上謂都御史劉觀等曰都司當
方面之寄安內據外全仗兵力所以令按察司考其勾軍之數
將以革舊幣而收實用彼不以報是樂托縱而惡繩檢姑記文
等罪令按察司再行督之如其不悛必罪不恕○山海衛奏倉
儲災焚糧料二萬餘石 上曰天灾固有不測或小人作姦亦
未可知戶部其遣官覆勘其實以聞○上退朝御左順門與侍
臣論理民之道 上曰民為國本閭里小民或佔於饑寒或因
於征徭或為豪強所抑豈能達之朝廷所賴良有司撫養存恤
庶不至失所侍臣曰親民之職莫若守令必嚴選舉以副 聖
意 上曰人之賢否舉易知必任之以事而後可見古帝王選
任賢良三載考績三考黜陟蓋以此也然以今觀之九載而後

黜陟藉使所任非人民受其弊多矣今在外有司從巡按御史
及按察司官考察貪婪不律者卽糾舉之最爲良法朝廷擇守
令固爲急務而御史按察司官尤宜擇人御史按察司官得人
則守令賢否有不待於考績而後黜陟者矣 上又曰繼自今
御史及按察司官考滿亦須以考察有司賢否爲功績○甲寅
上御奉天門諭羣臣曰前日御史言通政秦川往湖廣督運
詢受贓川大臣何得全無知識漢大司農田延年貪求贓賄一
且敗露自殺身命爲重財賄爲輕此乃以至重博至輕况贓物
法當入官於已何益 太祖皇帝嘗言守俸如泉井井雖不滿
日汲不竭川俸亦不薄若清廉公正盡忠爲國豈不長享富貴
今至此罪豈可容古人云禍福無不自己求之凡在官者當以
此人爲戒羣臣皆頓首受命○沙州衛都指揮僉事因卽來道

千戶阿兒台舍人苦木帖木兒奏事至京賜鈔及絲幣表裏有差○賜毛憐衛土官都督僉事莽哥不花等三百八人遼東東寧衛韃官指揮僉事荅隆哥等九十三人鈔絲幣表裏及紵絲襲衣靴鞵有差○陽武侯薛祿奏天城衛軍士守邊者月糧折絹人一匹千戶潘海每匹但給二丈餘皆入己 上諭行在兵部臣曰軍糧一石折匹絹蓋優與之使得禦寒而朕猶慮其乏食今乃三分取其一但知利己豈有恤軍之心其執付法司罪之爾兵部仍給榜邊衛戒約、日上生背氣一道色青赤鮮明○乙卯修居庸關城樓命都督沈清督之○賜貴州鎮遠州土官知州何瑄建州左衛指揮僉事木合等交趾三江衛指揮僉事阮嫩清化衛指揮僉事黎巴蘭等鈔絲幣表裏及金織紵絲襲靴鞵有差○釋山東都指揮使衛青於獄俾復職初青僞倭

登州坐不法逮繫都察院 上念其舊勞且慮倭寇為海濱患
故釋之○上罷朝御左順門行在兵部尚書張本等侍語及世
祿本曰唐虞之時賞延于世周文王時仕者世祿此皆先生忠
厚之意 上曰我國家侍勲臣禮意尤厚 太祖皇帝開國功
臣 太宗皇帝靖難功臣子孫世襲其爵年幼者給全俸養之
置武學教之書史稍長俾習武藝俟其成人然後任以事者為
令典視先王之制尤構朕嗣位以來謹遵成憲功臣子孫咸錄
用之或掌都府或守藩方恪勤職業者亦多有之是皆 祖宗
教養之功若其不念先世積累之勞不體朝廷優待之意則自
暴自棄矣 上又曰古云世祿之家鮮克由禮驕淫矜侈將由
惡終此惠教之不至耳○丙辰貴州安順州土官同知阿寵雲
南易門縣土官縣丞王嵩湖廣金洞安撫司土官安撫覃添貴

遣于忠等貢馬○賜渤泥國王叔沙那萬喏耶及頭目生阿烈
等八十八人銀鈔綵幣表裏紗羅及金織紵絲羅襲衣靴襪有
差沙那萬喏耶加賜冠帶銅錢生阿烈等十七人亦賜冠帶○
賜安定王桑兒加失夾等三人白金綵幣表裏綾絹等物仍命
陝西河州茶馬司賜之食茶○以朝鮮國王李裨貢獻之勤遣
內官尹鳳齋勅往勞賜王及妃紗羅錦綺綵帛有差○忻城伯
趙彝卒彝泗州虹縣人始由虎賁右衛百戶調燕山右衛從顯
國公征沙漠築城宣府萬全懷安陞永平衛指揮僉事從太
宗皇帝靖內難累陞都指揮使封忻城伯子孫世襲永樂十三
年命鎮守徐州 仁宗昭皇帝嗣位召還京至是卒 上遣官
賜祭命有司治喪葬○丁巳撤只剌河等衛野人頭目火羅火
遜等來朝貢方物○復陳哲博野縣知縣哲為博野有善政得

民心至是以舊官代還縣民懇訴於巡按監察御史柴文言舊
官才德不逮哲遠甚惟哲有父母斯民之心乞留哲在任庶幾
民不失所文以聞 上諭吏部臣曰朝廷選用守令正在求民
安耳哲能得民心如此稱所用矣古人有言所欲與之所惡勿
施其召舊官還而令哲復任○賜朝鮮國使臣李潑等鈔絲幣
表裏有差○太師英國公張輔言在京操備官軍凡是緣邊諸
衛及陝西遼東山西都司者皆已遣還今在京軍少合於河南
山東等都司及中都留守司直隸睢陽等衛選調至京以時校
閱 上曰然天下雖安不可忘武今國家無事正須訓兵練將
卿等當為朕留意選定其數勅各都司及屬衛選調令依期
至京○夜南京雷○戊午命建州左衛指揮僉事塔阿察撒里
不蘭乞自在州寄住指揮僉事木谷哈為指揮同知三萬衛正

千戶佟敬建州左衛正千戶宰若瓦為指揮僉事其餘副千戶
百戶所鎮撫各陞職有差以其從東寧衛指揮金聲招諭還故
也○改貴州銅仁府大崖土黃坑水銀硃砂場局隸大萬山長
官司初設貴州布政司大小衙門時以大崖土黃坑水銀硃砂
場局隸銅仁府至是大萬山長官司長官楊光慶言本場局舊
係本司管轄乞仍舊以便夷民從之○賜廣西丘溫衛土官指
揮岑永玉四川天全六番招討司土官舍人高鳳湖廣高羅安
撫司舍人譚海木速河等衛指揮僉事阿吉里納等鈔緜幣表
裏有差○行在大理寺奏王骨都殺夫寃事骨都倚氏縣民郭
小生妻嘗夜與姑同績小生先寢仇人于八潛入其室殺之而
遁小生父疑骨都私與隣人袁加兒謀殺之執以告骨都實不
與袁私時有楊恭者知于八謀首其事然于八強辯郡縣鞠獄

者不能得其情骨都不勝考掠遂証服獄上行在刑部又不與
辯將加刑骨都訴寃 上命文武大臣覆訊得証狀時于八已
死矣 上命釋骨都遂諭刑部官曰罪至死謂之極刑况妻殺
夫尤為大惡法司於此不用心何所用心彼若不言必枉殺之
矣仁人君子於一草一木不肯輕折何況人命朕數戒爾等須
存欽恤之意何得仍有此事今但以赦前姑容不問若再枉人
如此豈得更容尚書金純等皆頓首謝○已未福餘衛指揮使
忽剌赤等來朝貢馬○遣行在吏部侍郎黃宗載等往各處清
理軍伍宗載浙江戶部侍郎郝鵬湖廣刑部侍郎樊敬揚州淮
安鳳陽廬州滁州徐州俞士吉應天太平汜州寧國安慶廣德
和州吳廷用江西北京行部侍郎金庠北直隸都察院副都御
史李素山西大理寺卿湯宗山東少卿嚴昇鎮江常州蘇州松

江徽州李謙廣東施禮河南寺丞張宗璉福建艾良四川通政使司右叅議何懷禪廣西鴻臚寺丞張人實陝西賜和諭宗載等曰兵以衛民民以贍兵不可偏於一爾等皆左右近臣與國同體其竭乃忠誠必勤必恭必廉必明毋苟且因循毋任情生事必盡是非之公俾軍伍無欺隱之弊平民免非辜之誅庶幾稱朕委任之意欽哉○命修築廣西南丹衛城時南丹衛奏城垣損壞八百餘丈本衛軍少乞調附近軍民相兼用力 上諭行在工部臣曰南丹邊衛切近蠻寇修城不可緩亦不可妨農其令鎮遠侯及都司布政司會計工力稍俟農閒即督軍民興役至冬而畢毋久勞人○行在吏部奏山東等處儒學署學正教諭訓導舉人侯顯等五十人所教生員有科舉歲貢中式例當實授 上曰比者教有人言學校廢弛今此輩教有成效亦

能盡職即與實授以勵其餘○賜貴州宣慰司把事阿路廣西
憑祥縣故土官族人李肆四川松潘祈命簇番僧刁夫結林澄
桑植等安撫司安撫向思富古木山衛野人頭目咬納建州衛
舍人李滿住及烏思藏使臣桑結巴等鈔幣襲衣靴鞵有差○
庚申撒力等衛韃官指揮僉事桑果奴等來朝貢馬○命南京
禮部左侍郎兼國子監祭酒胡濙為行在禮部左侍郎時濙未
朝 上謂吏部尚書蹇義曰昔 皇祖 皇考皆嘗言濙敬謹
小心可用蓋亦朝廷舊人可罷其所兼官留於行在禮部○增
修韓王府第命軍衛有司協力為之仍命行在工部遣官董其
役○行在禮部尚書呂震言 皇上初登寶位天下文武官皆
賀正且而湖廣及貴州安順州土官同知阿寵等三十餘人後
期而至請罪之 上曰天寒道遠南人尤多艱難不必罪震又

言朝覲官例應給路費鈔其後至者不應給 上曰既至矣俱給之○行在工部尚書吳中奏工匠逝者五千餘人不懲治之無以警後來請遣官併其家屬取赴京 上曰此必官司失於撫綏之過不必遣官止令有司起送其正身來但今卿等及官屬加意撫綏耳○辛酉賜襲封衍聖公孔彥縉祖母父母誥命及曲阜縣知縣孔克中并其父母妻勅命初彥縉奏請三代誥命克中亦奏請父母妻勅命行在吏部言彥縉祖訥洪武中已襲封受誥妻洪熙元年亦受誥封夫人今宜贈其祖母父及封其母給誥又言在外官俱未授誥勅克中不應獨先得 上曰先聖子孫當優待之如所請給之於是封彥縉祖母父母及克中父母妻旨如制○賜交趾布政司土官叅政梁汝笏誥命并封贈其祖父母父母妻汝笏交趾清化府人敬事朝廷以殺賊

及招撫功累陞至叅政至是奉朝特賜以旌之○陝西按察司
陳智言臣在任三載例給本身誥命切思臣父今年八十六衰
老有疾乞以應給本身之誥先給臣父 上命從之○逸北鞋
鞞徹克等四人奉歸奏願居京自効命為千百戶等官賜冠
帶金織襲衣綵幣銀鈔綿布鞍馬有差仍命有司給房屋器皿
等物如例○壬戌四川東川軍民府故土官知府阿得妻攝克
遣把事阿賽等奉朝貢馬○命貴州總兵官都督蕭授罷征刺
惹洞初授奏酉陽宣撫司宋農里石提洞軍民被刺惹洞長向
謀杓賞男謀古賞若阿昆等連年攻劫燒毀房舍殺人劫財委
官撫諭不服又攻劫後溪洞洞長集土人拒之生擒蠻寇六人
已斬首示衆今仍猖獗再遣人招之如復梗化則調附近施州
等衛所及酉陽等宣撫司漢土兵併力勦之 上諭行在兵部

臣曰變夷之性以劫殺為能事朕不忍即加兵者恐傷及平人故但令招諭冀其自悔今不悛如此又可坐視平人受害乎遂命授調兵以俟且預戒授兵行切勿傷及無辜謀古賞等聞授整兵懼遣其黨刺惹施赴官服罪盡還所掠人口器物其所殺之人一依土俗以人馬諸物陪償誓不敢再犯至是授以聞遂命罷兵○癸亥烏思藏大喇嘛法王昆澤思巴遣國師班丹劄思巴淨覺慈濟大國師班丹扎失四川直龍等簇番僧出思吉監藏天全六番招討司招討楊欽等貢馬及方物賀 萬壽聖節 ○賜弗提衛故指揮僉事禿僧哈母佟氏併姪奴奇等貴州安順州土官同知阿寵雲南易門縣土官縣丞王嵩湖廣金洞安撫司土官舍人覃忠撒只刺河衛野人頭目火羅火遜烏思藏番僧捨加劄思巴等鈔絲帶表裏及羅絹襲衣靴鞵有差○命

北京行部備棺槨造墳改葬前燕府長史朱復復事 太宗皇帝於潛邸以誠實見重既卒葬城南永樂中贈北京行部尚書謚忠定及營建北京廣都城復墓當遷其曾孫紹祖啓其棺不能葬至是自陳乞矜惻 上亦素聞 太宗皇帝 仁宗皇帝言復之賢遂有是命○河南彰德府奏趙王之國當建社稷山川等壇及庫藏其梁柱大材乞官給賜銅鐵等料令河南布政司出官鈔買用 上命工部悉如所言○四川龍州奏本州僻在山中土瘠民貧近因饑窘借給官糧四千餘石連年荒歉不得還官乞以鈔代輸從之○遼東三萬衛軍士張顯言臣聞賞罰者聖人御天下之大權也賞當功則人勸罰當罪則人懼永樂二十年臣在遼陽見黠賊直造城下都指揮王真將兵拒之留都指揮周興等守城期以砲響出城應援真既出分為奇正

深入其阻而虜先潛伏山下俟真至則四面攻之真遇伏屢舉
砲而興等與城中將士皆若不聞真外無援兵智窮力竭慮殺
其所部指揮千百戶耿秩等二百餘人又開原城中虜寇楊木
荅兀等同寄住韃官謀叛都指揮王雄等不率兵追捕縱其剽
掠遼海衛千戶孫茂巡檢奴奴等忿怒躬率敢死軍士與虜拒
逐奪東門茂復力戰中矢死賊引遁使無茂等奮勇擊賊則開
原城為其屠矣如此死者朝廷尚未加褒錄夫遼地南有倭寇
東有朝鮮西北皆胡虜出沒不常於斯之際能捨父母妻子而
冒犯鋒鏑者不過慕尺寸之階斗斛之祿失今不錄人心離矣
脫使虜猝然再至孰肯捨生取義哉且當時將士遇賊不出如
周興輩尚生享祿食撫妻育子於朝夕之間而挺身自奮捐軀
殞身如茂者卹典未加泯然無念及之者死而有知豈瞑目於

地下哉。乞遣官取勘。盡忠而死者幾人。懷姦不忠者幾人。加以賞罰。則公道昭著。非惟遠東將士有所勸懲。天下將士亦知所勸懲矣。上覽其言論。行在兵部。臣曰。程忠賢。戮有罪國之大典。況死於戰陣者乎。彼所言誠是其速勘實以聞。○甲子。木連河等衛指揮同知捏哈卜忽克河等衛頭目牙失哈等。來朝貢馬及方物。○嚴京城捕盜之禁。時京城多盜。都御史劉觀等議於五城兵馬司各增官軍一百人。與同捕捉。每五十家置巡更鋪一。遇夜以十人守之。有盜賊及違夜禁者。皆聽捕以聞。上從其議。命英國公張輔同五軍都督府按地方。遣軍助之。若所轄之地有盜不能捕者。領軍頭目及兵馬司官皆論罪。復召尚書蹇義、夏原吉等語之曰。朕即位以來。深存好生之心。近時犯強盜者。再三審覆。未忍加刑。小人無知不體朕意。益肆姦頑。公

然糾合亡賴為惡不已朕欲立賞格令軍民擒捕爾等計議以聞於是義等議凡為強盜者許諸人及四隣擒捕如無力擒捕者許指實赴官陳告捕鞠是實犯人依律處死原捕及首者各賞鈔一千貫仍給犯人財產為首者官旗軍校陞一級民及工匠人等優免差役一年如同為強盜其中有能自首及擒獲者免罪亦給賞仍給犯人財產其四隣藏匿之家知情容隱不首者罪同 上從其議命揭榜以示中外

大明宣宗憲天崇道英明神聖欽文昭武寬仁純孝章皇帝實錄卷之十三

大明宣宗章皇帝實錄卷之十四

宣德元年二月乙丑朔貴州宣慰使司土官宣慰使宋斌奏所轄乖西巴香等處山箐深險諸蠻雜處連年攻劫各寨殺傷官軍劫掠財物發人塚墓官司追捕則深入山箐而昆阻比等寨蠻人卓把同等不服輸稅土官劉得秀往諭蠻人欲殺之隣寨救之得免計其為惡十年之間八十餘次雖經赦宥終不悔過肆行劫殺軍民不安上命總兵官都督蕭授同三司官體覆果若不悛調軍剿之○夜有流星大如雞彈色黃白有光起畢西北行至近濁○丙寅賜福餘衛指揮使忽刺赤等九十四人鈔絲幣表裏有差○行在工部奏修理南京宮殿軍民供役者少欲令應天等府起丁多民夫協助每班二萬人給糧賞如例每三月一更從之○丁卯遣太子少傅工部尚書兼謹身殿大

學士楊榮釋奠先師孔子○建州等衛指揮僉事塔阿沙州衛千戶兀魯思帖木兒等未朝貢馬及方物○戊辰祭太社太稷○賜撒力等衛韃官指揮僉事桑果奴等四川東川軍民府把事阿賽天全六番招討楊欽直龍等簇番僧出思吉監藏烏思藏國師班丹劄思巴淨覺慈濟大國師班丹劄失等四百四十一人鈔文綺襲衣有差○行在禮部奏湖廣永順軍民宣慰司土官宣慰使彭仲男彭英等未朝正旦後期請罪之上曰遠人或阻風濤或因疾病不必深究其悉賜之賜鈔幣裘裘如例○夜有流星大如雞彈色青白有光起冀東南行至游氣○己巳廣西泗城州女土官知州盧氏遣族人岑臺等貢馬及銀器等物○正一嗣教真人張宇清朝賀萬壽聖節賜鈔及襲衣○賜占城國王姪濟布智眉等銀鈔紵絲紗羅縵絹及金

織紵絲羅襲衣有差仍命齎文錦紵絲紗羅歸賜其國王及給
鈔九百四十三錠酬給布智肖等物直○庚午上諭行在戶
部尚書爰原吉等曰前下詔書令民間應有拋荒官田召人開
耕依民田例起科近來各處有司多言戶部不除舊糧總額仍
復徵收若果如此豈不失信民糧運艱難必致逃避則田起
復荒卿等宜遵依詔書無失人心○恭寧等衛伯顏看兒等三
人來歸察剌兀山衛頭目撒里本加東寧衛舍人薛成哥等三
人來朝皆奏願居京自效命為千戶等官建州等衛指揮僉事
連台等五人來朝奏願居遼東東寧等衛皆賜冠帶金織襲衣
絲幣銀鈔綿布鞍馬有差仍命順天府及遼東都司各給房屋
器皿等物如例○浙江台州府黃巖縣奏去年六月十九日大
雨晝夜不止水溢平地五六尺傷田稼六百三十六頃有奇

上命戶部蠲其稅糧。○辛未，少保戶部尚書夏原吉奏官倉見貯小麥四十餘萬石，恐年久朽腐，今在京文武官月俸，詎折支鈔而久未支者，令各支小麥五石於公私兩便，從之。○巡按山西監察御史張政言：各處民人先有逃徙荒廢田土，逋負稅糧，近奉詔書赦宥，令其復業，所有積逋悉為蠲免，歡騰遠邇，莫不未歸。臣往山西經歷定興諸縣，所見民人多復愁沮，蓋是初逃之時，有司懼罪，未曾申達，戶部不准開豁，仍徵前所負租緣，其舊業久業，今雖未歸，生計尚無，若復追徵，逼迫則恐又致逃徙，不敢不奏。上謂行在戶部尚書夏原吉等曰：逃民初歸，固當寬恤大赦，之後何逋不除，豈可謂初未申聞，便要徵納，累年逋負，民何以堪？其即下有司，皆與蠲免。○壬申，以明日萬壽聖節，遣官謁告長陵、獻陵。○襲封衍聖公孔彥縉以賀。萬

壽聖節未朝貢馬○巡按陝西監察御史梁廣成言陝西邊餉輸運最難若值薄收則尅不足請以陝西三司所闕罪囚應笞杖徒流雜犯死罪者定其等第令於緣邊納米贖罪俟兵餉有餘仍復常例上謂行在戶部臣曰邊地米價高犯者貧富不齊未可輕議○夜有流星大如盃色青白光燭地起亥旁東北行至輦道○癸酉萬壽聖節上躬詣奉先殿及太宗皇帝仁宗皇帝几筵致祭畢詣皇太后行禮出御正朝受朝賀○夜月犯五諸侯有流星大如盃色青白有光後有二小星隨之出織女西行入貫索炸散又有流星大如盃色青白有光出箕南行至雲中○甲戌廣西鎮安府土官知府岑永壽遣族人岑在雲南姚州土官同知高紫種四川烏撒軍民府土官知府穆卜妻圓和遣道事陸佐湖廣祀南宣撫司同知譚敬

遣舍人秦應潮等來朝貢馬○賜木速河等衛指揮同知裡哈
等四十人卜忽兀河等衛頭目牙失哈等一百六十四人鈔綵
幣表裏有差○賜亦馬忌山等衛指揮僉事完者禿等鈔金織
文綺表裏有差○免邊衛軍士歲辦柴炭初都督府歲供柴炭
役及邊軍至是陽武侯薛祿言宣府懷安永寧諸衛俱臨邊境
將士嚴守備又令採辦柴炭致多逋遁乞罷其役 上諭行在
工部尚書吳中曰邊衛軍士專務守備何得勞以他役柴雖山
谷所有然運送甚艱宜其有逃避者其即免之自今凡有差用
軍民必須計議得當而行不可輕率○乙亥以初即位改元遣
永康侯徐安安鄉伯張安等祭告 祖陵 皇陵懿文太子陵
及晉恭王等歷代帝王陵寢嶽鎮海瀆鍾山太嶽太和山先師
孔子諭之曰 列祖陵寢慶澤之源朕永念在心若名山大川

鎮莫宇內及聖帝明王皆朕所向慕者今即位改元之初特命卿等往修祀禮孔子曰祭如在祭神如神在惟誠與敬其牲慎之○行在禮部進耕藉田儀注上祭先農畢太常寺卿詣大次奏請詣耕藉位導駕官同太常寺卿導引皇帝至耕藉位南向立三公以下及從耕者各就從耕位戶部尚書北面進耒耜導駕官同太常寺卿導引皇帝東耒三推訖戶部尚書跪受耒太常寺卿奏請復位皇帝復耕藉位南向坐三公五推尚書九卿九推訖各退就位太常寺卿奏禮畢導駕官同太常寺卿導引皇帝還大次華蓋侍衛如常儀順天府尹及兩縣令率庶人終畝是日賜百官耆老宴於壇側畢大樂鼓吹鹵簿導車駕還宮上觀之謂侍臣曰先王制藉田以奉粢盛以阜天下務農天子公卿躬耒耜所貴有實心耳為人君誠體祖

宗之心念創業艱難愛恤蒼生使明德至治達於神明則黍稷之薦不徒親耕矣農民勤苦終歲猶恐不免於饑寒國家輕徭薄歛使之以時而貴農重穀禁止游食則人咸趨耕稼不徒勸率之矣不然三推五推何益於事侍臣對曰先王制禮有本有文陛下之言及此宗社蒼生之福也○丙子福餘衛都指揮喃卜花子卜刺歹等來朝貢馬○命行在工部重建司苑甸甸先被火故也○丁丑祭先農上躬耕藉田畢賜百官耆老宴於壇側○昏刻月犯太微垣次將月在南夜有流星大如雞彈色青白有光起河鼓東北行至近濁○戊寅陝西洮州衛刺麻番僧班丹堅答忽石門等衛頭目兀龍加等來朝貢馬○論征曲先安定功加國師宛卜格刺思巴監藏號為淨慈普應大國師命奔宛卜查失兒監藏為弘慈廣智大國師吒思巴領占

為普覺靜修大國師失迦思端究卜為慧善真修大國師達巴
兒監叅為妙慈道慧大國師皆秩四品給誥命銀印刺麻着星
為普善禪師鴈兒吉為普濟禪師江東巴為善悟禪師楚兒加
為玄悟禪師鎖南札為善智禪師朶只里監藏為清淨禪師皆
秩六品給勅命銀印○以濟陽衛帶俸指揮僉事金愛友年老
命其子馬哈馬代亦以馬哈馬方壯而熟於騎射故也○賜行
在錦衣衛帶管歸附鞋鞞都指揮阿老丁等三十二人田地草
場於順天府○行在工部尚書吳中奏造軍器缺熟鐵請於江
南諸處收買然道遠恐不及期今擬發民往遵化鐵冶先運鐵
二萬斤備用 上曰遵化既有鐵何用買於江南况鐵重滯遠
運尤勞民今當農時而有此役官吏里胥逼迫民必受害而妨
農功止取於遵化足矣○夜南京地震○己卯陸行在府軍

衛正千戶呂俊為本衛指揮僉事○交趾土官奉化府同知阮子晉清化府推官潘坦之宋江縣知縣阮克誠嘉江縣句壁巡檢司巡檢武存忠神投海口巡檢何師唐支隆海口巡檢宋變順化府經歷陳巨茶偈縣丞潘吟下令縣丞黎托蒲浪縣丞黎已宰利蓬縣主簿阮士長芙蓉縣丞吳景傍利仁州永江口巡檢張箇宰華州知州楊夢松同知張源注思州知州范公議同知武征義州同知范昉升州知州阮堯多翼縣丞吳景佺新安府竹洞社巡檢阮雕建平府巴粹口屯巡檢丁異多錦縣主簿阮多理乂安府通判阮思立奇羅縣主簿黎汝付東岸縣主簿阮居易嘉林縣丞蘇伯恭水尾縣丞黃杓珠等以考滿至京進土絹衣香○襲封衍聖公孔彥縉陞辭賜鈔一千錠○旦日生左右珥色黃赤暎日生交暈及左右珥上重丰暈背氣各一道

昏刺月生左右珥色蒼白有白虹貫珥○庚辰 皇陵祠祭署
社長儲智等三十四人賀 萬壽聖節陞辭賜鈔各十錠○以
王勉為行在鴻臚寺左少卿先是勉為太常寺卿坐濫收齋即
罷為民至是自陳臣前所收齋郎蓋准 皇陵事例會同僚官
於土民內選取非臣一人之私臣逮事 太宗皇帝二十餘年
今以罪黜伏乞矜憐 上謂少師吏部尚書蹇義等曰勉無學
術亦無清譽特以 皇祖舊臣未忍遽棄然不可以奉明神可
改授他職遂以為鴻臚少卿○司苑局言上供蔬菜當用芻糶
三千束蘆葦蒲五千餘束麻千斤例當順天府取給 上曰內
用蔬菜幾何而取於民如此可三分減二顧謂侍臣曰大禹忠
衣菲食惟恐奉養之過勞民費財朕安可以園蔬重勞費百姓
○征西將軍叅將保定伯梁銘奏寧夏邊衛軍馬衆多有疾者

無藥治療乞官為之備 上命陝西布政司支官鈔市藥給之
○巡按巴西監察御史梁廣成劾奏布政司左叅議潘弘溺於
佚樂不赴公座理事遇 聖節無故亦不行禮怠惰不敬於法
難宥命陝西按察司鞠之○夜月犯亢○辛巳賜朝鮮國使臣
李澄等鈔綵幣表裏有差○遼東總兵官都督僉事巫凱奏北
鎮守居庸關都督沈清言凡自虜中脫歸之人慮有姦詐請寄
在京各衛移文原處令其官旗親屬赴京認領今遼東各衛所
有被胡寇虜去得脫歸者老幼殘病五十餘人先因天寒皆令
回衛依親暫處今當送京路遠艱於往來恐致失所必如清之
所言不惟沮人慕歸之心且動搖其親屬乞自今有被虜脫歸
之人除有馬及少壯者令送京其無事情老幼疾病男婦請令
徑送原衛付其官旗親隣為便從之○江西建昌府奏郡有學

田糧額過重舊例折布今復徵米遠輸如南城縣二都有田一千餘畝計糧九百六十餘石舊時民人八百戶輸納尚艱今多死亡止存二百戶糧額未減徵輸尤難近者御史陳正倫言江西官田重租請仍折布已蒙矜允而上司猶欲徵米上孤明恩
上命行在戶部如舊例折布一夜有流星大如盃色青白有光起參旗西行至近濁○壬午召戶部尚書古朴還朴先督賦於直隸諸郡至是以戶部尚書陸師達有疾遂召朴還部○命福建布政司右布政使姚肇致仕肇浙江富陽縣人洪武中為太常寺丞累陞雲南叅政九年復陞布政使肇歷事雖久而政蹟無聞至是年老愈怠於事巡按御史奏其不任事故命致仕○賜建州等衛指揮僉事塔阿等及沙州衛千戶兀魯恩帖木兒等八十七人絲幣表裏及金織紵絲絹襲衣有差○尚膳監奏

奉先殿祭卓尊壘及黃羅帷幔銷金夾袱歲久漫漶宜修理

上曰 祖宗神御所用皆宜鮮好其令工部新製不可苟簡

儉薄○秦王志均奏請以長興侯舊居改為第四弟居宅從之

○雲南布政司左叅政徐子良考滿應給本身誥命子良自陳

父得成年已七十八乞以所應授誥命先授其父 上命行在

吏部從其請○河東陝西都轉運鹽使司奏所隸鹽池周廻百

餘里護池隄堰一百二十處及墻垣更鋪近年為雨所壞請依

洪武中舊例令蒲解二州安邑等縣民夫修築 上諭行在工

部臣曰方春農務為急未可使民令俟秋成後為之○深州民

嘗被差株木後以赦免已株者置於濱河為水所漂有司責有

償民訴於朝 上謂行在工部臣曰置非其所致有失主典者

之過何預小民而責其償且已赦免又責償是不信矣民無罪

皆有司之罪姑宥之。○癸未賜廣西泗城州土官族人岑臺等
鈔絲幣表裏有差。○巡按山西監察御史張政劾奏按察僉事
劉敬愔於政理恣肆怠惰廢事濼官難任風憲命政執而鞠之
○乙酉以明日清明節 車駕發京城謁 長陵 獻陵先是
上御右順門侍臣曰朕自幼鍾愛於 皇祖未嘗一日不侍
左右弘謨偉略隨事訓教 皇祖妣同歷艱難弼成國家撫育
朕躬慈愛備至我 皇考德紹 先烈仁覆蒼生不期年而遽
上賓劬勞之慟終身今 山陵在望霜露之感尤切將以清明
明日展謁至是 車駕啓行○夜有流星大如雞彈色黃赤出
天江東南行至雲中○丙戌 車駕至 天壽山 上遙望
二陵松柏鬱茂因嗚咽流涕是日詣 陵行謁祭禮不勝哀慟
左右亦皆感泣 上謁 獻陵畢御帳殿召成山侯王通工部

尚書黃福等論之曰今山陵將訖工卿等勤勞簡在朕心其督工官宜陞賞以答其勞爾次第以聞務協公論工匠軍民久違父母妻子亦宜賞賚散遣寧家於是通等次第應賞官及工匠軍民具奏上聞之親定陞賞例揭榜示之人皆歡悅○大名大長公主薨公主太祖高皇帝第七女洪武中冊封下嫁駙馬都尉李堅仁宗皇帝加號長公主上嗣位加號大長公主至是薨年五十九訃聞輟視朝一日遣中官賜祭命工部治葬○丁亥車駕還京師○日上生背氣一道色青赤鮮明○戊子夜北方有黑雲一道東西竟天○己丑賜雲南姚州土官同知高紫禮四川烏撒軍民府通事陸佐廣西鎮安府土官族人岑在湖廣施南宣撫司舍人秦應潮等鈔緜幣表裏有差○遼東都司義州備禦都指揮同知李信挾私杖殺義州衛指

揮為迅事覺都察院逮問得實徹律當斬 上曰草木雖微尚當愛惜人命至重豈可枉害况指揮朝廷命官都指揮而以私忿殺之則虐士卒可知命斬之 夜有流星大如雞彈色赤有光起南斗東南行至近濁 〇壬辰南京守備太監鄭和等奏天地壇大祀殿并門廊齋宮及山川壇殿廊廚庫俱已朽敝請加修理 上諭行在工部尚書吳中等曰祀神國之大事其祠宇皆當完固况郊壇山川壇尤重其令南京工部發匠修葺中言大祀諸殿當用香楠等大材請取四川湖廣所採者用上曰大材南京見有者即給用如無即往彼取之須令善撫軍民給以糧賞一如營造工匠之例 〇復遼東都指揮僉事牛諒官初諒挾勢欲遁取故官女子為婦應杖會有詔恤刑準例運木贖罪行在兵部言當復職從之因諭諒為大臣故爾犯法再

犯不宥矣。甲午昏刻有流星大如盞色青白有尾光燭地出
天棓東行入天津五鼓有流星大如雞彈色赤尾跡有光起北
斗西北行至游氣。

大明宣宗憲天崇道英明神聖欽文昭武寬仁純孝章皇帝實
錄卷之十四

大明宣宗章皇帝實錄卷之十五

宣德元年三月乙未朔順天府官引京城坊廂長老入見
上諭之曰京師五方之民雜居習尚不同不易治朝廷供億百
需以其便近多所責辦視外郡尤煩勞皆朕所悉今嗣承祖
宗大統期與海內相安於無事矧京師乎爾為民者胥相訓告
勤務本業孝親敬長和睦隣里不事游惰不作淫巧不犯憲章
則為良民有司體朝廷之心視民如子恤其饑寒均其徭役撫
綏良善詰治姦慝俾吾民樂生則為良有司朝廷於為善者賞
之為惡者罰之賞罰之典皆祖宗成憲朕不敢違時紀元之
初政令維新京師之民拱聽聖諭莫不稱慶○丙申上諭
行在工部尚書吳中等曰朕聞陝西去歲薄收今軍民多艱食
而修襄陵樂平二王府漢中運茶及採紅花茜草之類皆用民

力令東作之時何暇及此宜遣人馳驛諭所司姑停止所遣之人皆令還京○以討定安番賊功陞罕東衛指揮僉事裨兒加為都指揮同和副千戶阿卜多兒為指揮僉事頭目阿兒吉着里吉管側為副千戶○行在工部奏韓王之國社稷山川等壇所用祭器冠佩及鄭王等七府樂器衣服諸物請於內庫支給從之○丁酉 上以舊制諸王子女婚娶皆由朝廷選授比以宗室蕃盛選之難悉得人乃命諸王自今婚娶或有不及時者悉自行選配然後聞之朝廷授以冠服冊誥儀物諸王便之○貴州宣慰使安中遣把事王志彬遶東安樂自在州韃官舍人開原奴奴失倘哥三萬衛頭目鄭捨奴大嵩衛韃官指揮僉事高阿得帖木兒等進馬及金銀器皿方物○命總兵官太傅黔國公沐晟督寧遠州土官知州刀吉罕等捕寧遠州賊叅將蔡

昌伯陳智等招補交趾宣化太原等府賊時掌交趾都司事都督陳濟等奏交趾宣化嘉興等府賊首周莊等糾合雲南寧遠州紅衣賊長孽等劫殺人民燒毀州縣廨宇又太原等府歸化等州縣賊黃庵等聚衆為盜并英畱縣賊潘可利亦從賊首黎利劫掠蓋太原宣化二府屬縣隣近雲南寧遠州其人皆紅衣黑胸故號紅衣賊土官知州刁吉罕縱令劫掠官軍討之則遁入山林軍回復出行劫請兵討之故有是命○賜福餘衛都指揮舍人卜刺歹等鈔幣○毛憐衛指揮僉事兀罕出等八人招諭逆叛楊滿皮至京賜鈔及珠幣表裏襲衣等物有差○大同總兵官武安侯鄭亨奏欲以見在操備官軍五千人分作四班自春二月至秋九月兩月一次遣一千二百五十人取衣裳冬十月至春正月天氣寒溼正虜寇出沒之時俱留備禦過此仍

舊從之○正一嗣教真人張宇清欲求龍虎山道士八十一人
度牒而難於自奏行在禮部侍郎胡濙代為之請 上曰僧道
給度牒 祖宗有定制無託人請求之理朕不惜宇清惜其教
也爾以朕意諭之○戊戌陝西洮州衛着藏簇故土官正千戶
世的子胥秀虬等貢馬○行在工部言彰德府奏趙府建社稷
山川等壇應用材木請官給之然王之國之初 仁宗皇帝已
賜材木一千株今難再給欲給則量以近河所貯官木與之
上曰立社國之大事况王國初建百儒未備可與材木一萬株
發軍民運送○羽林前衛指揮使陳廣伏誅廣貪酒暴橫結亡
賴為盜殺人被獲法司鞫訊得實當以斬罪其母訴乞存養
上諭法司曰三品正官受祿不薄猶為盜殺人此其人可知今
內外軍職誰非功臣此而不誅是無法矣其斬之如律○己亥

貴州大平伐長官司土官長官宋英遣頭目陳文貴哈立麻番
人鎖南堅藏管覺番僧公哥堅藏東藏番僧三丹靈藏番僧沙
加藏并靈藏贊善王子鑽南監藏都指揮桑兒結藏子星吉兒
監藏遣刺麻頰占扎思巴等貢馬○命行在禮部鑄鎮守交趾
內官關防○交趾總兵官榮昌伯陳智都督方政討叛寇黎利
進至茶龍州敗績蓋政勇智性素不相能內官山壽專志招撫
而擁兵不救至是遂敗尚書陳洽以聞上遣勅切責智與政
曰叛賊黎利本一小醜如早能盡心掩捕如拾芥耳乃安坐不
慮養寇遺患今聞率兵至可留關及茶龍州兩遭挫辱皆緣爾
等平日私意忿爭兩不相下是以臨事之際勇者獨往而無謀
懦者畏縮而不助安能成功論罪豈可寬貸今姑優容宜晝夜
同心同力練兵蓄銳務滅此賊以贖前罪責壽曰叛賊黎利本

一窮蹙小寇若早用心禽捕如探雀雛爾乃安執已見再三陳奏惟事招撫以致養禍遺患及方政等進討滿擁官軍一千餘人坐守又安不往來策應遂致誤事爾罪豈可容乎宜深思改悔盡心奮力協助政等共圖後效勅洽曰陳智方政皆庸才智懦而多忌政勇而寡謀加以私意相競不相和協再至於敗今姑優容之使圖後效用贖前罪爾宜盡力贊輔俾其同心以平此寇古語云危而不持焉用彼相爾宜勉之○行在吏部言徵至稅戶人材多有言老疾欲循例令子姪代者 上曰古人言有恒產者有恒心今國家用稅戶人材意亦如此其老疾聽以子姪代但亦須考驗而後用之○行在戶部言駙馬都尉宋瑛奏求白河邊廢地牧馬其中間有民田四十七頃 上曰人與馬孰重此輩生長富貴恃恩恣肆豈知輕重須遣人覆勘如果

皆是廢地與之但有民田勿與○忠勇王金忠奏比賜牧地窪
下不宜孳畜近三十餘里有廢地高與宜馬命戶部改與之○
贈文安知府琴彭為交趾布政司左布政使遣官賜祭勅交趾
布政使司曰故知府琴彭恪恭朝命堅持臣節畢力抗賊死不
易心忠義之誠明如皦日朕懷憫惻夙夜不忘命特贈為交趾
布政使司左布政使勅至即厚恤其家仍遣人護送其子一人
未京官之彭交趾人擢知文安府守茶龍州民懷其惠及叛寇
攻城晝夜備禦臣節獨厲糧盡援絕不屈而死事聞故有是命
○庚子雲南元謀縣故土官知縣吾忠子政烏思藏番僧着竹
哈密衛頭目哈刺苦出河州衛頭目兀魯思等未朝貢馬○陞
烏思藏大寶大乘闡化闡教贊善五王及大國師釋迦也失差
未使臣阿木葛為灌頂淨修私智國師鎔南星吉為灌頂國師

俱賜二品鍍金銀印領占端竹桑結巴高竹幹陸國師賜五品
銀印及誥命領占班竹兒端竹兒威襲國師賜誥命堅敦監威
鎖南夫賴領着領占扎思巴鎖巴列陞禪師賜勅命皆賜六品
銀印公哥扎為指揮使鎖南端竹為指揮僉事賜銀印誥命全
帶結藏為正千戶賜誥命銀帶刺麻工葛端竹葛羅思巴星吉
公哥音卜俱賜勅諭象牙圖書公哥賒刺鎖南扎俱賜護身勅
○勅泥國使臣沙那萬諾耶等陞辭 上謂行在禮部臣曰勅
泥國王遜旺之父在 皇祖太宗皇帝時舉家來朝及還浚於
路因命遜旺襲爵朝廷待之既優彼之忠誠逾篤今後遣使遠
來可嘉宜優賜之於是賜遜旺文錦金織文綺絲幣紗羅倍諸
番國○寧夏中護衛百戶姚純校尉餘丁王伴兒告慶王點閱
軍士製造軍器購收天文書 上知其妄貽書慶王曰小人誣

罔已洞見其情叔祖忠敬朝廷藩屏宗社之心道于神明所從來久矣我皇祖皇考咸所倚重予目覩而心識者也今此儉人之言已屏却不聽幸勿有疑○辛丑命都督馮聚鎮守定州○陞掌府軍前衛事都指揮同知李玉為行在中軍都督府都督僉事建州衛指揮使李滿任為都指揮僉事命故金吾右衛指揮使申勇于剛金吾後衛指揮使賈甫子雲府軍左衛指揮僉事陶原子敬俱襲父職○陞魯府紀善王貞為右長史與左長史鄭昭等俱致仕時魯王肇輝奏昭等在府三十餘年今皆已老請陞貞為長史與昭同致仕上覽奏諭行在吏部尚書蹇義等曰魯王賢而禮士昭等必有匡輔之益所奏宜從之義等因奏魯府左長史王璫請給誥命緣王府官侍王居京師者洪熙元年仁宗皇帝特恩給與誥勅今各王府文職官

若比外官一考稱職然後給授則王府官例不考覈其給授與否取自上裁上曰王府官豈可分內外先朝既與誥勅當并與之必自長史紀善始義又奏洪武中奏定僉吏事例正軍戶五丁者充吏四丁不許水馬驛站貼軍雜役養馬等項人戶四丁以上者充吏三丁不許代戶無他役三丁兩丁者充吏一丁不許奉行已久今一戶有二丁三丁者一丁充吏一丁或為官或充生員及有一丁充吏後有司又僉其一丁充吏未訴重役皆前例所未載難於處分臣等議得此等重役若一戶有二丁三丁內一丁充吏一丁為官者免其吏農民一丁充吏一丁或自監生生員謫充吏者免其農吏先僉一丁充吏後又僉一丁免其後充者一丁充吏一丁充生員者免其後充者生員果有成效入學雖後即免其為吏者若及四丁之上俱不免從

之○壬寅召尚書黃福馳驛赴京時告省幕歸萊州○以張珂為宗人府經歷王子沂楊居正皆行在監察御史子沂河南道居正福建道珂初為贛州府知府坐事謫交趾充史子沂初為江西僉事謫隆慶州為民至是俱以求賢舉至居正洪武中為監察御史有罪謫戍遼東先是仁宗皇帝諭吏部都察院臣曰今御史多不稱任洪武中御史被謫今尚有堪用者許舉用有薦居正者召至遂復其前職○擢行人牟倫王翺序班趙儼庶吉士晏鐸監生劉禎楊理王懋蘇霖王禮韓瑄耿定俱為監察御史倫鐸行在湖廣道翺行在山東道儼行在河南道禎行在福建道霖行在廣東道禮行在雲南道瑄行在四川道定行在交趾道理南京河南道懋南京山東道陛太常寺贊禮郎杜忠為本寺丞吏部稽勲司員外郎商惠為廣東布政司右叅政

應天府治中王邕為山東布政司右叅政山東布政司左叅議
潘東為山西按察司副使行在廣東道監察御史陳治通政司
知事顧謙前北京道監察御史王恕俱為按察司僉事治河南
謙江西恕雲南調前浙江按察司副使許銘為湖廣按察司副
使改江西布政司左叅議魏修為右叅議初備以冗員召選至
是無闕惟本司闕右叅議遂任之○降浙江按察司僉事謝庭
蘭為華亭知縣以巡按監察御史考其不勝任也○增置廣西
柳州府融縣思管鎮南寧府武緣縣西舍寨高井寨博合寨平
樂府富川縣白霞寨桂林府義寧縣秦江口古田縣桐木鎮七
巡檢司土官副巡檢各一員○賜陝西泚州衛等處剌麻番僧
班丹堅皆忽石門等衛頭目兀龍加等鈔絲幣表裏襲衣有差
○巡按山西監察御史祝昇言臣回京日過辭寧化王王謂臣

曰有母老患風疾無醫求之晉府不與欲取於軍民之間不敢
情實迫切汝還朝為我奏 皇上乞一良醫療母疾母若更生
不敢忘大德 上聞惻然即命太醫院擇一醫士之善者遣馳
驛詣之○癸卯賜交趾奉化府土官同知阮子晉等二十九人
鈔絲幣表裏有差○先是行在工部侍郎蔡信言浙江等都司
及大同寧夏宣府諸衛軍匠在京執役者乞皆取家室至京隸
錦衣衛 上不允以問工部尚書吳中中對軍伍當與兵部議
至是兵部尚書張本等言信奏取軍匠家室計其數凡二萬六
千人總二百四十五衛所而大同寧夏諸衛皆臨邊境為匠者
雙役其一丁今若盡取如一匠止三丁四丁已近十萬之數士
伍既缺人情驚駭其言不可行 上曰朕固知其不可彼以匠
藝得官豈諳道理但知所管屬多則於己有利豈知兵備乃國

家重事不可減徹况此未營建已皆停止何用勞擾如是已而復謂本曰昔魏文帝欲徙冀州戶十萬實河南非辛毘切諫不能止朕嘗嘆魏文躁急不知民艱方以茲自儆卿等於事不利軍民者苟有所聞必為朕言之○河間府靜海獻二縣民一百六十七人奏先因年穀不登饑窘乏食永樂間挈家往真定等處就食今遇赦還而連歲所欠稅糧有司追徵不已乞蠲免命戶部從之○甲辰總兵官都督蕭授奏貴州新添長官司舍人宋志道劫掠居民遣官招撫肆惡不悛又糾集諸峒蠻肆掠請發兵捕之上謂行在兵部臣曰梗化固當加兵但恐鋒鏑之下傷及無辜再令授及三司遣官撫諭若復拒命以兵勦捕未幾獲志道械至京上命行在都察院治之如律○廣西按察使劉子春奏廣西都指揮同知陳全受慶遠衛官軍銀七十兩

欽六百二十錠請治其罪命按察司鞠之○周府儀賓徐茂先卒訃聞 上遣官賜祭茂先中山武寧王之孫也○乙巳命駙馬都尉廣平侯袁容掌北京行都督府事調行在中軍都督府都督僉事山雲為北京行都督府都督僉事○灤縣民充郊壇戶者有司責令養官牛又俾充遞運夫民訴于通政司以聞上謂侍臣曰國家重祭祀而郊祀最重舊制郊壇戶悉免他役者慮其不能專有司不知所重不恤民難可責也姑宥之遂命行在禮部申明郊壇戶免雜役之令○丙午命都指揮僉事周敬掌遼東金州衛事時總兵官都督僉事巫凱奏金州地臨大海倭寇不時出沒而缺官守禦 上命行在兵部尚書張本會英國公張輔選擇指揮老成可任遣寄者輔等言敬可用遂命馳驛往掌衛事○命行在兵部凡武官有犯當立功充軍未行及

法司見問者皆令往交趾立功贖罪。○右春坊大學士兼行在翰林院侍講學士王英奏母年老道遠艱於迎養乞以南京每月侍講學士俸於本貫官倉支給以備養從之。○丁未勅楚王蜀王各發護衛步兵一千福建廣東雲南貴州四川湖廣各都指揮司并南直隸各衛選調馬步軍共萬五千人赴交趾討叛寇廣西都指揮司於思明田州等府選調弩手土兵三千餘人聽征且為鄉導仍勅老樞不許容納叛逆。○上以春雨頻降退朝召行在戶部尚書夏原吉等諭之曰朕初承大統政化未洽念自古國家未有不由民之富庶以享太平亦未有不由民之困窮以致禍亂是以夙夜祗畏用圖政理所冀天時協和年穀豐熟去年冬多雪今春益以雨澤似覺秋來可望然一歲之計在春尚慮小民貼於饑寒困於徭役不能盡力農畝其移文戒

鈔郡邑有徵徭勸課農桑貧乏不給者發倉廩賑貸之。○巡北
和寧王阿魯台部屬把的來歸葛林衛頭日板塔等來朝皆奏
願居京自效命為百戶所鎮撫毛溥等衛指揮僉事亦令等
亦馬山衛試百戶委刺來朝皆奏願居遼東東寧衛悉賜冠帶
金織襲衣絲幣銀鈔綿布鞍馬有差仍命順天府及遼東都司
各給房屋器皿等物如例。○戊申夜月犯氐西南星月在北。○
己酉夜有流星大如鷄彈色青白有光起大陵正北行至近濁
○庚戌試國子監生鄧廷秀等二百八十八人于承天門外先是
行在吏部以天下教官多缺奏請於兩京國子監選明經堪為
師範者至是選至上命行在翰林院嚴試之。○巡按山東監
察御史姚震奏山東諸府州縣永樂二十一年夏稅小麥前奉
命折鈔已徵在官今行在戶部復令以鈔還民仍追小麥緣諸

慶連年薄收民食尚艱宜仍准鈔為便 上從其言謂行在戶部尚書夏原吉等曰今出惟行不惟反前令折鈔復改徵麥何以取信於民卿等朕所倚任切湏留意○山西孟縣山東濟寧州河南磁州皆奏去年田穀薄收人民缺食已將預備倉糧米借給饑民俟秋成如數還官○曉刺填星犯鍵閉○辛亥 上諭行在吏部尚書蹇義曰交趾叛寇黎利滿僚殺害忠良盜據州寨凡官吏軍民有被迫脇不得已從逆及有曾與黎利等同謀受其委任者今能悔過遷善或率衆來附或挺身自歸悉宥其罪復其職役其中有能盡心朝廷出力報効及交趾土人有能奮建功績者皆量其功能授之以官可編置勘合一千道付總兵官及尚書陳洽掌之俾驗績除授○復府軍前衛前左千戶所永樂二十二年冬以府軍前衛軍多分隸鄭襄諸王府至

是所分之軍奏願還原衛所遂復之後以遊軍復役及新軍日增又置後左右中右前右四所○降應天府治中鄒善江西按察司副使申獻僉事吳禔為交趾辦事官以監察御史劾其不勝任也○行在工部營繕清吏司主事黎澄考滿吏部劾奏澄歷九載悉不赴部給由今又歷兩考始給由有違定制上曰澄在安南罪重 皇祖持有而用之今所犯小罪可宥也○壬子雲南總兵官黔國公沐晟及巡按廣西監察御史汪景明奏藤川宣慰司所屬思陀甸火頭曲比及廣西崇善縣土官趙暹等攻劫州邑阻絕道路蠻民驚駭遣官招諭不服請發兵討之上謂行在兵部尚書張本曰蠻夷自相讎殺未可遽發兵其再令三司招撫如又不服奏來處置○太子太保陽武侯薛祿奏宣府臨邊重鎮洪武中置六衛戍守後皆改調惟存宣府

前一衛而左右二衛今也定州請令復還宣府庶幾邊備嚴固
上謂行在兵部尚書張本曰定州畿內地以宣府兩衛也彼
者永樂初權宜耳宜令復舊但兩衛軍士家屬不下二三萬人
也處已久今遠徙之人情稍難俟秋分兩番往來守備且俾豫
營廬舍一年後併以家屬行○大興左衛百戶李興奏臣父早
喪母改適陝西鄜州吏目今吏目已亡臣母在彼年老無依臣
幸有祿乞躬迎歸養 上謂行在兵部臣曰子無絕母之道從
之但定與期限俾往○夜月犯南斗○癸丑陞行在禮部右侍
郎張瑛為左侍郎兼華蓋殿大學士直文淵閣○復金鑄大城
縣知縣鑄先為知縣滿九載赴吏部大城之民伏闕奏鑄公正
清廉知民疾苦乞賜復任 上謂行在吏部臣曰牧民有善政
者古有增秩其令鑄復任陞從六品俸○命指揮使社福仍守

開平福久在開平年六十餘以老乞閒以其子衡代開平千戶
楊洪等奏福勇而有才居邊城久練達兵務善撫士卒乞令仍
守開平 上謂行在兵部尚書張本日邊將在得人昔魏尚守
雲中匈奴不敢近塞趙充國屯邊羌虜遠遁福練習邊事素得
士心安可使就閒但當優待之耳遂以其子代令福為致事官
仍往開平協助都指揮唐銘等行事○賜賚宣慰司把事王志
彬阿呂等遼東安樂自在州韃官舍人開原奴奴失倘哥三萬
衛頭目鄭捨奴大嵩衛指揮僉事高阿得帖木兒等鈔絲幣表
裏金織襲衣有差別給鈔酬其馬直○巡撫蘇松等處大理卿
胡熙奏應天府上元江寧二縣耆民言今國子監缺膳夫黑窩
廠乏工力皆取仗二縣之民二縣之民差役頻繁兼有趣辨力
不能堪請如洪武中事例以應天常鎮蘇松等府縣罪囚應管

杖徒流者充役為便 上曰役有罪以蘇民力亦何不可命行
在刑部斟酌以聞於是尚書金純等奏請令南京刑部都察院
諸衙門除偷盜開毆傷人及威迫人致死犯姦依律科斷外其
民人有犯徒流罪者發充膳夫滿日更替軍民工匠犯笞杖者
發黑窩等廠赴工滿日疎放從之○甲寅四川播州宣慰使楊
昇未朝貢馬及方物○乙卯琉球國中山王尚巴志遣使者實
達魯等上表貢方物謝命襲爵恩○賜陝西洮州衛故土官舍
人胥秀乂貴州大平伐長官司頭目陳文貴哈立麻番人鎖南
堅藏管覺番僧公哥堅藏束藏番僧三丹靈藏番僧沙加藏贊
善王子鎖南監藏都指揮存兒結藏子里吉兒監藏等所遣刺
麻領占扎思巴等鈔絲幣表裏襲衣有差仍給絲幣付扎思巴
等歸賜鎖南監藏星吉兒監藏等且酬所貢馬直○行在都察

院奏遣御史唐舟等二十一人分往各布政司直隸諸府州照
刷文卷。上諭舟等曰：刷文卷以察姦弊，正違錯，須以清潔無
私為本。不然，則是非黑白不能分別。然又當安詳平恕，勿事煩
苛。爾等宜識朕意。○上朝罷，御左順門諭侍臣曰：適觀大理奏
錄，因其中有同飲致醉鬪爭殺人者，當其同飲之時，自謂意氣
相合，及醉後不復省記，遂至如此。皆酒之過。古人酬酢百拜，豈
有此禍。漢以來，醉酒殺人，至於亡身破家者，不少。名為毒藥，豈
不誠然。此真可以為戒。侍臣對曰：禹疏儀狄而絕旨酒，正慮此
也。○丙辰，命行在中軍都督府都督僉事李玉仍掌府軍前衛
事。○命通州衛借職指揮使焦禮襲其父祀，思台原職指揮僉
事仍命其故兄謙子管失奴襲指揮使，初祀思台任通州衛指
揮僉事。老疾以子勝代之。勝卒，子義榮襲。亦卒，乃以祀思台次

子謙襲後謙屢任進有功陞都指揮使又陞都指揮同知卒其子
管失奴時年尚幼禮借襲指揮使往遼東備禦至是管失奴長
禮當還其官兵部以聞 上曰把思台之孫管失奴固當襲禮
以借職當還官然禮在遼東能效勞動而管失奴之父謙又自
幼陞至都指揮父祖俱有功子孫當俱優之遂以禮襲指揮僉
事管失奴襲指揮使○賜雲南元謀縣故土官舍人吳政烏思
藏番僧著竹哈密衛頭目哈刺苦出河州衛頭目兀魯思等鈔
綵幣表裏襲衣有差○琉球國中山王尚巴志遣使奏臣祖父
昔蒙朝廷大恩封以王爵賜皮弁冠服洪熙元年臣奉詔襲爵
而冠服未蒙頒賜 上命行在禮部稽定制製以賜之○行在
禮部奏錦衣衛力士甯直言山西中條山產膳礬乞令有司採
進 上曰膳礬何切於用使民耕則有粟充饑桑則有帛禦寒

礬如山積何益饑寒乎小人之言不足聽也古之人君惟欲民
富凡山澤之利皆弛其禁若礬可利民聽其自採○丁巳五關
衛吏龍淵言鈔法阻滯乞禁止民間毋以布帛米麥交易則鈔
可通行 上曰布帛菽粟民所服食不可一日無者互相貿易
以厚其生豈可禁絕俗吏之言可聽乎○夜有流星大如雞彈
色赤有光起壁宿西北行至閩道○戊午復趙府典寶正范澄
官澄永樂十二年坐事謫戍交趾 仁宗皇帝即位從趙王高
燧奏遣使召還至是始至 上嘆曰 皇考愛弟之仁也命復
其職○瀋王模奏今男女俱長將及婚配而府中窄隘欲展地
增造府垣外皆民居地 上謂行在工部臣曰王府當為造居
第但令民徙必召怨可遣官往視當造居幾何民當徙者幾
何其實以聞○行在戶部奏永樂二十年天下所進賦役黃冊

無官庫甘於各城接收貯例應比對舊冊磨算異同緣舊冊皆在南京後湖欲以新冊送南京如例查對從之○太子太保陽武侯薛祿奏萬全右衛城在德勝關口地高乏水宜徙於近城七里宣平堡計軍士三萬人築城可一月畢工上曰此城戍守已久安得重勞軍民唐太宗時有請修古長城發民衆堡障者太宗曰當掃清沙漠何用勞民遠修堡障此後姑止○己未造華陽王府教授印時王自陳承命居澧州凡遇謝恩朝賀累欲差人而官無印信文移不便事下禮部言平陽寧化等王府曾給教授印今華陽王府宜循此例遂命造給之○命監察御史薛廣伍宗源給事中劉俊李蕃及錦衣衛官分詣宣府隆慶等衛整點軍士○庚申行在工部尚書吳中奏自通州抵儀真緣河所貯材木宜令平江伯陳瑄所部糧舟回還者順載赴南

京又言南京修殿宇缺材木請關遺人於湖廣江西買用 上
曰若往湖廣江西買木道遠勞民可以運回南京材木用之○
夜有流星大如雞彈色青白尾跡有光出閣道東北行至雲中
○辛酉黜行在湖廣道監察御史謝瑤為交趾大蠻縣知縣瑤
薦賢奏牘誤書姓自陳改正 上謂行在吏部尚書蹇義曰古
人奏牘皆存敬慎石慶書馬字欠一點懼及死今薦賢不知其
姓豈能知才輕率如此豈稱御史之職其改外任遂有是命○
壬戌陝西按察僉事銑安秦寧夏甘肅重兵鎮戍供給糧餉民
力甚難其地皆極肥饒官軍且耕且守最為良法 太宗皇帝
嘗命勘數其田十不得一雖已屯種不足於用若令廉幹大臣
往同二處總兵官勘數分給諸軍更蓄下屯課其實効仍禁官
豪勢要之家不許侵占隱匿如此則地無遺利軍有餘糧可省

轉輸之勞 上嘉納之○癸亥命有司為故少師榮國公桃廣

孝置墳戶

大明宣宗憲天崇道英明神聖欽文昭武寬仁純孝章皇帝實
錄卷之十五

大明宣宗章皇帝實錄卷之十五終